


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 17 1940


T2520/4486 b

2

75
20

25





尚史

軒轅本紀

世傳三皇多以伏羲神農其一或曰燧人曰祝融曰女媧
漢孔氏書序曰伏羲神農黃帝之書謂之三墳少皞顓頊
高辛唐虞之書謂之五典故黃帝以上為三皇少皞以下
為五帝雖不知其所本然其序五帝與家語宰我問及春
秋內外傳大戴禮畧合至宋五峯胡氏直斷以易大傳以
伏羲神農黃帝堯舜為五帝然亦非繫辭本旨不足以為
定論今從書序紀五帝又上溯黃帝以
紀其所自出而畧羲農懼遠無徵云

黃帝

黃帝者少典之子

史記索隱少典諸侯國號 姬姓也 史記姓公孫

母曰附寶感大

電遶北斗樞星照郊野而孕二十四月生黃帝於壽邱長於姬

哈佛大學漢和
圖書館珍藏印

襄平李錯鐵君甫纂

本紀一

水受國於有熊居軒轅之邱因以為名又以為號帝王左傳號

白虎通黃帝有天下號曰自然拾遺記軒轅出自有熊之國母曰昊樞以戊巳之日生故以土德王時有黃星之祥五行書以

戊子日生而神靈弱而能言幼而徇齊長而敦敏成而聰明白虎通黃

帝龍顏得天匡陽上法中宿取象文昌鬻子軒轅之時神農氏

黃帝十歲知神農之非而改其政今本無軒轅之時神農氏

世衰諸侯相侵伐暴虐百姓而神農氏弗能征於是黃帝乃習

用干戈以征不享諸侯咸來賓從而蚩尤最為暴莫能伐炎帝

欲侵陵諸侯諸侯咸歸黃帝黃帝乃修德振兵治五氣藝五種

撫萬民度四方教熊羆貔貅羆虎以與炎帝戰於阪泉之野帝王

世紀黃帝乃擾馴猛獸與神農氏戰于阪泉之野史記索隱猛

獸可以教戰周禮有服不氏掌教擾猛獸即古服牛乘馬之類

正義言教士卒習戰以猛獸之名名之用威敵也此說近是三戰然後得志國語少典取

有螭氏女而

生黃帝炎帝成而異德用師以相濟也韋昭注言生者謂二帝

本所生出也黃帝滅炎帝滅其子孫耳明非神農也賈誼新書

炎帝者黃帝同母異父兄弟各有天下之半黃帝行道而炎帝

不聽故戰于涿鹿之野血流漂杵歸藏黃帝與炎帝爭鬪涿鹿

之野將戰筮于巫蚩尤作亂不用帝命於是黃帝乃徵師諸侯

咸曰果哉而有咎蚩尤作亂不用帝命於是黃帝乃徵師諸侯

與蚩尤戰於涿鹿之野遂禽殺蚩尤崔豹古今注黃帝與蚩尤

霧兵士皆迷於是作指南車以示四方遂擒蚩尤故後常建焉

又涿鹿之戰常有五色雲氣金枝玉葉止於帝上有花葩之象

故作華蓋鹽鐵論軒轅戰而諸侯咸尊黃帝為天子代神農氏

涿鹿殺兩暉蚩尤而為帝呂氏春秋黃帝之時天先見大蟪大螻

有土德之瑞故號黃帝黃帝曰土氣勝土氣勝故其色尚黃其

事則土蟪土精大天下有不順者黃帝從而征之平者去之萬

五六圍長十餘丈論黃帝之初養性愛民不好戰伐而四帝各以方色稱號交共

謀之邊城日警介冑不釋黃帝嘆曰君危于上民不安于下主

失于國其臣再嫁厥疾之由非養寇邪今取民萌之上而四道

亢衡通震予師於是遂師營壘以滅四帝向令黃帝若不龍驤

尚史 軒轅五帝本紀卷一 二

虎變而與俗同道則其民臣亦嫁於四帝矣

披山通道未嘗寧居東至于海登九山

及岱宗西至于空桐登鷄頭南至于江登熊湘北逐葷粥合符

釜山而邑于涿鹿之阿遷徙往來無常處以師兵為營衛官名

皆以雲命為雲師

杜預左傳注黃帝受命有雲瑞故百官師長皆以雲名為號縉雲氏其一官也

置左

右大監于萬國萬國和獲寶鼎

漢書黃帝作寶鼎三象天地人

迎日推策

日月朔望

未來而逆推

之故曰迎日舉風后力牧常先大鴻以治民

尸子子貢問於孔子曰古者黃帝四

面信乎孔子曰黃帝取合已者四人使治四方不謀而親不約而成功此之謂四面也

順天地之紀幽

明之占死生之說存亡之難時播百穀草木淳化鳥獸蟲蛾旁

羅日月星辰水波土石金玉勞勤心力耳目節用水火材物

史記

黃帝內傳黃帝升為天子地獻草木述耕種之利因之以廣耕種拾遺記軒轅考定曆紀吹玉律正璇衡譙周古史考黃帝作

釜既始蒸穀為飯烹穀為粥

天下人民野居穴處未有室屋則與鳥獸同城

於是黃帝乃伐木構材築作宮室上棟下宇以避風雨

賈誼新書始

作合宮祀上帝布政教

國白虎通黃帝作宮室以避暑寒此宮室之始也黃帝內傳帝既斬蚩尤因

立臺始作舟車以濟不通旁行天下方制萬里畫埜分州得百

里之國萬區

漢古史考黃帝作車引重致遠少昊時畧加牛禹書時奚仲加馬帝王世紀自神農以上有大九州

柱州迎州神州之等黃帝以來德不及遠惟於神州內分為九州黃帝受命風后受圖割地布九州置十二國拾遺記置四史

以主圖籍使九行之士以統萬國九行者孝慈文信言忠恭勇義以觀天地以祠萬靈

始造書契服冕垂

衣拾遺記

鑄十二鐘以和五音以施英韶以仲春之月日在奎始

奏之命之曰咸池

呂氏春秋

黃帝崩葬橋山

史帝王世紀黃帝在位百年而崩年百一十

歲或傳以為仙或言壽三百歲皇覽黃帝冢在上郡橋山地理志在上郡陽周縣橋山南括地志在寧州羅川縣東八十里子

尚史

軒轅五帝本紀卷一

三

山午黃帝之治天下也其民不引而來不推而往不使而成不禁而止黃帝之治也置法而不變使民安其位管子黃帝之治天下

也日月精明星辰不失其行風雨時節五穀登孰青龍進駕飛黃伏阜諸北儋耳之國莫不獻其貢職然猶未及處戲氏之道

也淮南尸子四夷之民有貫習者有深目黃帝二十五子子青

陽之子孫曰摯立是為帝少皞春秋命歷序黃帝傳十兵陰陽

有黃帝十六篇圖三卷道家黃帝四經四篇銘六篇黃帝君臣

十篇雜黃帝五十八篇小說家黃帝說四十篇漢列子黃帝書

形而生影聲動不生聲而生響無動不生無而生有形必終者也天地終乎與我偕終終進乎不知也道終乎本無始進乎本不久有生則復于不生有形則復于無形不生者非本不生者也無形者非本無形者也生者理之必終者也終者不得不終

亦如生者不得不生而欲恒有生畫其終惑于數也精神者天之分骨骸者地之分屬天清而散屬地濁而聚精神離形各歸其真故謂之鬼鬼歸也歸其真宅黃帝曰精神入其門骨骸反其根我尚何存新書黃帝曰道若川谷之水其出無已其行無止故服人而不為仇分人而不導者惟其道矣故播之于天下而不忘者其惟道矣呂氏春秋黃帝言曰聲禁重色禁重衣禁重香禁重味禁重室禁重○按三墳為軒轅政典然與陰符蓋皆附會非黃帝之書太史公所謂文不雅馴者近是今並畧之

贊曰世傳黃帝實仙去不死如皇覽古今注世紀諸說芬如而鑄鼎騎龍且自史遷發之列仙讖緯又其下已槩不具載具載其規矩天地軌範百王者如紀其神明之德謂實不死可也

五帝紀說見前

少皞金天氏黃帝子青陽之裔也土主金姑焉金

軒轅五帝本紀卷一

帝少皞名摯周書摯作質黃帝子青陽氏之裔也土生金故為金德

天下號曰金天氏漢書帝十二而冠八代公羊記初降居江水有聖

德邑于窮桑以登帝位都曲阜故又謂之窮桑氏帝王古史考世紀或曰宗

師太皞之道故曰少皞氏拾遺記云少皞以主西方一號金天氏亦曰金窮氏時有五鳳隨方色集于庭因曰鳳鳥氏又號窮

桑氏亦曰桑邱氏金鳴于山銀湧于地或如龜蛇有水屈曲如龍鳳有山盤紆如屈龍故有龍山龜山鳳水之目亦因以為姓

末代為龍邱氏蛇邱氏又曰少昊母曰皇娥白帝子降與皇娥讌喜而生少昊荒誕大甚畧存一二少皞摯之立

也鳳鳥適至故紀於鳥為鳥師而鳥名鳳鳥氏歷正也鳳知天時故名

歷立鳥氏司分者也立鳥燕也以春分來秋分去伯趙氏司至者也伯趙伯勞也

夏至鳴青鳥氏司啓者也青鳥鶴鷄也以立春鳴立夏止丹鳥氏司閉者也丹鳥

驚雉也以立秋來立冬祝鳩氏司徒也祝鳩鷦鷯也孝故鳴鳩去四時皆歷正之屬官

氏司馬也鳴鳩王鳴也鷺而有別故為司馬主法制鳴鳩氏司空也鳴鳩鷦鷯也平均故為司空平

水爽鳩氏司寇也爽鳩鷹也鷺故為司寇主盜賊鷓鴣氏司事也鷓鴣鷦鷯也春來冬去故

為司五鳩鳩民者也五雉為五工正雉有五種西方曰鷩雉攻之工南方曰翟雉攻金之工北方曰鷦雉利器用正度量夷民

者也九扈為九農正扈有九種春扈鷓鴣相五土之宜趣民耕種夏扈竊立趣民耘苗秋扈竊藍趣民收

歛冬扈竊黃趣民蓋藏棘扈竊丹為果驅鳥行扈啗書為民驅鳥宵扈嘖嘖夜為農驅獸桑扈竊脂為蠶驅雀老扈鷓鴣趣

民收麥令扈民無淫者也扈止左傳在位百年而崩帝王世紀位八十年

四年壽百歲紀年或曰名清不居帝位帥鳥師居西方以鳥紀官周書赤帝命蚩尤于宇少昊以正四方及黃帝執殺蚩尤乃

命少昊請司馬鳥少皞氏衰帝顓頊嗣春秋命歷序少皞傳八世

師以正五帝之官

顓頊高陽氏

軒轅五帝本紀卷一

尚史

五

帝顓頊高陽者黃帝子昌意之裔也母曰景僕蜀山氏之女謂

之女樞大戴禮記昌意娶于蜀山氏蜀山氏之子謂之昌僕氏

人面豕喙麟身渠股豚止取淖子曰阿女生顓頊○韓流或作

乾荒河圖瑶光如蜺貫月正白感女樞于幽房之宮生顓頊首

戴干戈有德文白虎通顓頊戴午是謂清明金天氏之末女樞

生顓頊於若水昌意雖黃帝之嫡以德劣降居若水世為諸侯

及顓頊生十年而佐少昊氏二十而登帝位帝王鬻子顓頊年

帝二十而治天下其治天下也上緣黃帝之道而行之學黃帝

之道而常之呂氏春秋黃帝誨顓頊曰爰有大圜在上大矩在

下汝能法之為民父母○按二說則顓頊逮事黃帝中闕少皞

一世與史說近非是今從世紀而所謂少昊者乃其子孫非謂

帝摯與靜淵以有謀疏通而知事養材以任地載時以象天依

鬼神以制義治氣以教化潔誠以祭祀北至于幽陵南至于交

趾西至于流沙東至于蟠木動靜之物大小之神日月所照莫

不砥屬史記以孟春正月為元其時正朔立春五星會于天歷營

室天曰作時地曰作昌人曰作樂鳥獸萬物莫不應和古史平

九黎之亂黎氏以水事紀官南正重司天以屬神北至黎司地

以屬民民神不雜萬物有序始都窮桑徙桑邱帝王淮南子顓

人不避男子于路者令飛龍作效八風之音命之曰承雲以祭

上帝春秋金生水故為水德天下號曰高陽氏漢新書帝顓頊

過也至義不可易也是故以後者復迹也故上緣黃帝之道而

行之學黃帝之道而常之加而弗損天下亦平也又曰功莫美

于去惡而為善罪莫大于去善而為惡故非吾善善而已也

善緣善也非惡惡而已也惡緣惡也吾日慎一日其此已也

位七十八年年九十八歲歲在鶉火而崩葬東郡頓邱廣陽里

尚史 軒轅五帝本紀卷一

帝王皇覽顓頊冢在東郡濮陽頓邱城門外廣陽里中山海經世紀漢水出鮒魚之山帝顓頊葬于陽九嬪葬于陰四蛇衛之顓頊崩而立囂之裔高辛立是為帝學春秋命歷序顓頊傳二十世三百五十歲或曰

帝學高辛氏 帝摯

帝學高辛者黃帝之子立囂之裔孫也

大戴禮記黃帝生立囂立囂生螭極螭極生高

辛生而神異自言其名曰爰

白虎通帝學駢齒上法月參康度成紀取理陰陽桓譚新論帝學戴

肩 齧亂有聖德年十五而佐高陽氏三十登帝位都亳

帝王世紀其

治天下也緣黃帝之道而明之學帝顓頊之道而行之

子普施

利物不於其身聰以知遠明以察微順天之義知民之急仁而威惠而信修身而天下服取地之財而節用之撫教萬民而利

誨之歷日月而迎送之明鬼神而敬事之其色郁郁其德嶷嶷

其動也時其服也士

言其公且廉也

帝學溉執中而徧天下

言若水之灌溉平等

而執中正徧于天下

日月所照風雨所至莫不從服

史記

以人事紀官故以

勾芒為木正况融為火正蓐收為金正元冥為水正后土為土正五行之官分職而治諸侯於是化被天下帝王世紀共工氏作亂

帝學使重黎誅之

史記

命咸黑作為聲歌九招六列六英

呂氏春秋水

生木故為木德天下號曰高辛氏

漢潛夫論帝學代顓頊氏其書號高辛厥質神靈德行祇

肅迎送日月順天之則能叙三辰以周民作樂六英新書帝學曰緣道者之辭而學為已緣巧者之事而學為巧行仁者之操而學為仁也故節仁之器以修其躬而身專其美矣故上緣黃

帝之道而明之學帝顓頊之道而行之而天下亦平也又曰德莫高於博愛人政莫高於博利人故政莫大於信治莫大於仁吾慎此而已也帝學在位七十年年百

尚史

軒轅五帝本紀卷一

七

五歲而崩葬東郡頓邱廣陽里

帝王皇覽帝嚳冢在東郡濮陽頓邱城南臺陰野中高

辛氏之後曰摯嗣摯立者曰放勳是為帝堯

史記嚳子摯代立摯立不善崩弟放

勳立帝王世紀摯在位九年政微弱而唐侯德盛諸侯歸之摯服其義乃率羣臣造唐而致禪唐侯自知有天命乃受帝禪封摯於高辛綱目前編摯荒淫無度諸侯廢之而推堯為天子書帝摯有疾弗豫傳帝摯弱足不良春秋命歷序帝嚳傳十世

帝堯陶唐氏

帝堯陶唐氏祁姓也

大戴禮記帝嚳產放勳是為帝堯

母慶都孕十四月而生

堯於丹陵是曰放勳鳥庭荷勝眉有八采豐下銳上或從母姓

伊氏

世紀又曰堯初生時其母在三阿之南寄于伊長孺之家故從母所居為姓宋書符瑞志慶都觀于三河常有龍隨之

一旦龍負圖而至其文要曰亦受天祐眉八采鬢髮長七尺二寸面銳上豐下足履翼宿既而生堯於丹陵其狀如圖帝堯碑赤龍負圖出慶都讀之云赤受天運其下圖人衣赤衣鬢鬚尺餘長七尺二寸兌下豐上足履翼星題曰赤帝起成天下寶淮

南子堯眉八采九竅通洞而公正無私一言而萬民齊春秋元命苞堯眉八采是謂通明曆象日月璇璣玉衡尚書大傳堯八

眉八者如八字也

年十五而佐帝摯受封于唐為諸侯身長十尺嘗夢

天而上之故二十而登帝位都平陽

帝王世紀

其仁如天其知如神

就之如日望之如雲富而不驕貴而不舒黃收純衣彤車乘白

馬

史記克明峻德以親九族九族既睦平章百姓百姓昭明協和

萬邦黎民於變時雍乃命羲和欽若昊天歷象日月星辰敬授

人時帝曰咨汝羲暨和期三百有六旬有六日以閏月定四時

成歲允釐百工庶績咸熙

論衡堯候四時之中命羲和察四星以占時氣

帝曰疇咨若

時登庸放齊曰宥子朱啟明帝曰吁嚳訟可乎帝曰疇咨若予

采謹堯曰都共工方鳩僝功帝曰吁靜言庸違象恭滔天帝曰

咨四岳湯湯洪水方割蕩蕩懷山襄陵浩浩滔天下民其咨有能俾乂僉曰於鯀哉帝曰吁咈哉方命圯族岳曰异哉試可乃已帝曰往欽哉九載績用弗成帝曰咨四岳朕在位七十載汝能庸命巽朕位岳曰否德忝帝位曰明明揚側陋師錫帝曰有鰥在下曰虞舜帝曰俞予聞如何岳曰瞽子父頑母嚚象傲克諧以孝烝烝乂不格姦帝曰我其試哉女于時觀厥刑于二女釐降二女于媯汭嬪于虞帝曰欽哉尚書帝知丹朱之不肖不足授天下召舜曰女謀事至而言可績三年矣女登帝位舜讓于德不悖正月上日受終于文祖文祖者帝大祖也於是帝堯老命舜攝行天子之政以觀天命帝立七十年得舜二十年而老

薦之于天帝辟位

史記

二十有八載帝乃殂落百姓如喪考妣三

載四海過密八音

尚書

帝之治天下也猶埴之在埏唯陶之爲金

之在鑪唯冶之鑄其民引之而來推之而往使之而成禁之而

止管子立誹謗之木

尸崔豹古今注堯設誹謗之木今之華表木也狀若花形似桔槔大路交衢悉施焉或

謂之表木以表王者納諫亦以表識衢路也

置敢諫之鼓諸侯有苗氏處南蠻而不

服帝征而克之于丹水之浦

帝王呂氏春秋堯戰于丹水之浦以服南蠻

命質作

樂名之曰大章以祭上帝

呂氏春秋

帝之治天下也舜爲司徒契爲

司馬禹爲司空后稷爲大田師奚仲爲工其導民也水處者漁

山處者木谷處者牧陸處者農地宜其事事宜其械械宜其用

用宜其人澤臯織網陵阪耕田得以所有易所無以所工易所

拙若風之遇蕭忽然感之各以清濁應矣說苑當堯之時舜為司徒契為司馬禹為

司空后稷為田疇夔為樂正雋為工師伯夷為秩宗皋陶為大理益掌啟禽堯知九職之事使九子者各封其事皆勝其任以

成九功堯遂成厥功以王天下韓詩外傳辟土殖穀者后稷也列

決江疏河者禹也聽獄執中者皋陶也然而有聖名者堯也列

子堯治天下五十年不知天下治不乃微服游於康衢聞童兒

謠曰立我蒸民莫匪爾極不識不知順帝之則堯喜還宮召舜

因禪以天下新書帝堯曰吾存心于先古加意于窮民痛萬姓

之罹罪憂衆生之不遂也故一民或饑曰我饑之一民或寒曰

我寒之一民有罪曰我陷之帝之有天下也茅茨不翦采椽不斷大路不畫

越席不緣大羹不和粢食不穀巡狩行教勤勞天下舉天下而

傳之舜若釋重負然淮南子帝以甲申歲生甲辰即帝位甲午徵

舜甲寅舜代行天子事辛巳崩年百十八在位九十八年葬于

濟陰之城陽西北是為穀林帝王墨子堯北教乎八狄道死葬

棺葛以緘之既泥而後哭滿陷無封已葬而牛馬乘之呂氏春

秋堯葬于穀林通樹之皇覽堯冢在濟陰城陽山海經狄山帝

堯葬于陽帝堯葬于陰

帝舜有虞氏

帝舜有虞氏姚姓也目重瞳故名重華字都君有聖德帝王宋

符瑞志母曰握登見大虹意感而生舜于姚墟目重瞳子故名重

華龍顏大口黑身長六尺一寸真源賦舜字仲華白虎通舜重

瞳子是謂元景上應攝提以象三光元命苞元景作滋涼淮南

子舜二瞳子是謂重明作事成法出言成章春秋繁露舜形體

大上而圓首長于天文純於孝慈荀子堯舜

參牟子蔡沈書傳重華言其光重合于堯舜祖曰虞幕生窮

蟬窮蟬生敬康敬康生句望句望生橋牛橋牛生瞽叟瞽叟生

舜路呂梁碑同而無句望一世史記窮蟬以下皆同而以窮蟬

史父曰帝顓頊帝顓頊父曰昌意以至舜七世自窮蟬以至

帝舜皆微舜父瞽叟盲而舜母死瞽叟更娶妻而生象瞽叟愛

為庶人

軒轅五帝本紀卷一

一

一

一

一

一

一

後妻子舜順事父及後母與弟日以篤謹匪有懈史記舜鰥在側

陋論衡父母使舜完廩捐階瞽叟焚廩使浚井出從而掩之孟子論衡

瞽叟與象謀殺之使之完廩火燔其下令之浚井土掩其上舜得下廩不被火災穿井旁出不觸土害宋書符瑞志舜父母憎舜使其塗廩自下焚之舜服鳥工衣飛去又使浚井自上填之以石舜服龍工衣自旁而出通史瞽叟使舜滌廩舜告堯二女女曰時其焚汝鵲汝衣裳鳥工往舜得免去舜穿井又告二女女曰去汝衣裳龍工往入井瞽叟實井舜從他井出按孟子有琴朕砥朕二嫂使治朕栖之說然經曰克諧以孝烝烝乂不格姦又曰祗載見瞽叟夔夔齊慄瞽亦允若蓋瞽叟實底豫于舜未遇之先也

舜父頑母嚚弟象傲皆欲殺舜欲殺不可得即求

嘗在側舜二十以孝聞帝王世紀舜能和諧大杖則避小杖則受越絕書舜親父假母母常欲殺舜舜去耕歷山三年大熟身自外養父母皆饑舜父頑母嚚兄狂弟傲舜求為變心易志瞽叟欲殺舜未嘗可得呼而使之未嘗不在側抱朴子有虞至孝三足鳥集其庭真源賦舜糶于平陽中父認之乃舐其目日以光明劉向孝子傳舜父糶稻穀中有錢

今從論衡

乃三日三夜仰天自告舜過前舐之目霍然開按劉向儒者不應誕謬若此舜冀州之人也舜耕歷

山漁雷澤陶河濱作什噐于壽邱就時于負夏舜耕歷山歷山之人皆讓畔漁雷澤雷澤上人皆讓居陶河濱河濱噐皆不苦

窳一年而所居成聚二年成邑三年成都尚書大傳舜耕于歷

舜灰于常羊什噐于壽邱就時于負夏未嘗暫息頓邱買貴于

是販于頓邱傳虛賣賤于是債于傳虛以均救之又曰其田歷

山也荷彼耒耜耕彼南畝俱有其利其漁雷澤也旱則為耕者

鑿瀆儉則為獵者表虎墨子舜耕于歷山陶于河濱漁于雷澤

灰于常陽堯得之服澤之陽立為天子公孫尼子舜牧牛于潢

陽堯舉之以為天子魯連子舜耕于歷山而友益陶于河濱而

友禹呂氏春秋舜耕于歷山陶于河濱釣于雷澤天下說之秀

士從之帝王世紀舜始遷于負夏販于頓邱債于傳虛家本冀

州每從則百姓歸之淮南子舜耕于歷山期年而田者爭處境

堯以封壤肥饒相讓釣于河濱期年而漁者爭處湍瀨以曲隈

深潭相予舜年三十而帝堯問可用者四嶽咸薦舜曰可於是帝乃

以二女妻舜以觀其內使九男與處以觀其外舜居媯汭內行

彌謹帝二女不敢以貴驕事舜親戚帝九男皆益篤史淮南子記堯妻以

二女以觀其內任以百官以觀其外乃屬以九子贈以昭華之玉呂氏春秋堯傳天下于舜禮之諸侯妻以二女臣以十子身

請北面朝之尸子有虞氏身有南畝妻有桑田又曰舜一徙成邑再徙成都三徙成國堯聞其賢徵之草茅之中與之語禮樂

而不逆與之語政至簡而行與之語道廣大而不窮于是妻之以媯媵之以娥九子事之而託天下焉帝乃命以

位慎徽五典五典克從納于百揆百揆時叙賓于四門四門穆

穆納于大麓烈風雷雨弗迷論衡試之于職官治職修事無廢亂使入大麓之野虎狼不搏蝮蛇

不噬逢烈風疾雨行不迷惑帝曰格汝舜詢事考言乃言底可績三載汝陟

帝位舜讓于德弗嗣正月上日受終于文祖在璿璣玉衡以齊

七政肆類于上帝禋于六宗望于山川徧于羣神輯五瑞五瑞五玉

也公執桓圭侯執信圭伯執躬圭子執穀璧男執蒲璧

既月乃日觀四岳羣牧班瑞于羣

后歲二月東巡守至于岱宗柴望秩于山川肆觀東后五玉三

帛二生一死贊三帛諸侯世子執纁公之孤執元附庸之君執黃二生卿執羔大夫執雁一死士執雉協

時月正日同律度量衡修五禮吉凶軍賓嘉也如五噐卒乃復五月南

巡守至于南岳如岱禮八月西巡守至于西岳如初十有一月

朔巡守至于北岳如西禮歸格于藝祖藝祖疑即文祖或曰文祖藝祖之所自出用

特五載一巡守羣后四朝敷奏以言明試以功車服以庸文中子舜

一歲而巡四岳兵衛少而徵求寡也肇十有二州封十有二山濬川象以典刑流

宥五刑墨劓剕宮大辟也鞭作官刑扑作教刑金作贖刑書災肆赦怙

終賊刑欽哉欽哉惟刑之恤哉流共工于幽州放驩兜于崇山

竄三苗于三危殛鯀于羽山四罪而天下咸服二十有八載帝乃殂落百姓如喪考妣三載四海遏密八音尚書堯崩三年之喪

畢舜避堯之子于南河之南天下諸侯朝覲者不之堯之子而謳舜獄訟者不之堯之子而之舜謳歌者不謳歌堯之子而謳

歌舜故曰天也夫然後之中國踐天子位焉孟子是為帝舜史記其

社用土祀中雷葬成畝其樂咸池承雲九韶其服尚黃淮南子書

紀年堯德衰為舜所囚又云舜復偃塞丹朱使不與父相見○狂怪之語所不忍聞月正元日舜格于文

祖孔安國傳舜服堯三年喪畢將即政復至文祖廟告詢于四岳闢四門明四目達四聰

咨十有二牧曰食哉惟時柔遠能邇惇德允元而難任人蠻夷

率服舜曰咨四岳有能奮庸熙帝之載使宅百揆亮采惠疇言

能奮起事功以廣帝堯之事者使居百揆以明亮庶事而順成庶類也載采並訓事疇類也僉曰伯禹作司

空帝曰俞咨禹汝平水土惟時懋哉禹拜稽首讓于稷契暨臯

陶帝曰俞汝往哉帝曰棄黎民阻飢汝后稷播時百穀帝曰契

百姓不親五品不遜汝作司徒敬敷五教在寬帝曰臯陶蠻夷

猾夏寇賊姦宄汝作士五刑有服五服三就五流有宅五宅三

居惟明克允服服其罪也所謂上服下服是也三就孔氏以為大罪于原野大夫于朝士于市蔡沈以為大辟于

市宮辟蠶室餘刑亦就屏處五流五等象刑之當宥者也五宅三居者流雖有五而宅之但為三等之居孔氏以為大罪居于

四裔次九州之外帝曰疇若予工僉曰垂哉帝曰俞咨垂汝共工

垂拜稽首讓于殳斨暨伯與帝曰俞往哉汝諧帝曰疇若予上

下草木鳥獸僉曰益哉帝曰俞咨益汝作朕虞益拜稽首讓于

尚史

朱虎熊羆帝曰俞往哉汝諧帝曰咨四岳有能典朕三禮

三禮祀天

神享人鬼祭地祇

僉曰伯夷帝曰俞咨伯汝作秩宗夙夜惟寅直哉惟

清伯拜稽首讓于夔龍帝曰俞往欽哉帝曰夔命汝典樂教胄

子直而溫寬而栗剛而無虐簡而無傲詩言志歌永言聲依永

律和聲八音克諧無相奪倫神人以和帝曰龍朕聖讒說殄行

震驚朕師命汝作納言夙夜出納朕命惟允帝曰咨汝二十有

二人欽哉惟時亮天功三載考績三考黜陟幽明庶績咸熙分

北三苗

尚書

帝之踐帝位載天子旗往朝父瞽叟夔夔唯謹如子

道封弟象為諸侯

史記

帝以堯之二十一年甲子生五十一年甲

午徵用七十九年壬午即真百歲癸卯南征崩于鳴條以瓦棺

葬于蒼梧九疑山之陽是為零陵謂之紀市

帝王皇覽舜冢在世紀零陵營浦縣

其山九谿皆相似故曰九疑論衡舜葬蒼梧象為之耕山海經

蒼梧之山帝舜葬于陽帝丹朱葬于陰又曰赤水之中有蒼梧

之野舜與叔均之所葬也墨子舜西教乎七戎道死葬南已之

市衣衾三領穀木之棺葛以緘之已葬而市人乘之呂氏春秋

舜葬于紀市不變其肆述異記會稽山有虞舜巡狩臺臺有虞

氏之王也燒曾藪斬羣害以為民利封土為社置木為閭民始

管新書帝舜曰吾子盡吾敬以事吾

知禮也當是時民無愠惡不服而天下化之

上故見謂忠焉吾盡吾敬以接吾敵故見謂信焉吾盡吾敬以

使吾下故見謂愛焉是以見愛親于天下之民而見貴信于天

下之君故吾取之以敬也吾得之以敬也古史考舜作瓦棺土

暨淮南子舜作室築墻茨屋辟地樹穀令民皆知去巖穴各有

家室韓詩外傳舜甑盆無臙而下不以餘獲罪飯乎土簋啜乎

土型而農不以力獲罪麤衣而塾領而女不以巧獲罪法下易

由事寡易為功而民不以政獲罪呂氏春秋舜之耕漁其賢不

肖與為天子同其未遇時也以其徒屬掘地財取水利編蒲葦

尚史軒轅五帝本紀卷一

結罟網手足胼胝不居然後免于凍餒之患其遇時也登為天子賢士歸之萬民譽之丈夫女子振振殷殷無不戴說舜自為詩曰普天之下莫非王土率土之濱莫非王臣尸子舜之陶也不能利其巷南面而治天下則蠻夷蒙福又曰舜南面而治天下天下太平調于玉燭息于永風食于膏火飲于醴泉舜之行其猶河海乎干仞之谿亦滿焉螻蟻之穴亦滿焉帝子商均亦不肖帝乃豫薦禹于天十七年而崩三年喪畢禹亦讓舜子如舜讓堯子諸侯歸之然後禹踐天子位史記贊曰自少皞至高辛代有統系顧典策闕焉學者遂難言之史遷則遺金天氏不錄以遷就五帝之說又以顓頊傳帝嚳帝嚳傳摯遂及堯傳不以賢又不以子蓋祖世本雜說遂引紛紜之緒遷之疎也少皞有聖德其裔孫食郊與祝焦薊陳並垂祀焉庸可畧乎

尚史

襄平李鍇鐵君甫纂

本紀二

夏本紀

禹

伯禹夏后氏姒姓也父鯀顓頊五世孫

漢書顓頊五世而生鯀大戴禮記顓頊產鯀

產文命是為禹史記夏禹名文命禹父曰鯀鯀父曰帝顓頊。二說非是今從漢書書曰文命敷于四海其曰名文命者亦非是是鯀娶有辛氏女謂之女志是生高密高密者即伯禹也世大

本戴

禮記同吳越春秋鯀娶有莘氏女曰女嬉年壯未孕嬉于砥山得薏苡吞之意若為人所感因而妊孕剖脅而產高密家于西羗地方石紐隨巢子禹產于崑石帝王世紀伯禹父鯀妻修已見流星貫昴夢接意感又吞神珠薏苡剖而生禹于石砌虎鼻大口兩耳參漏首戴鈞鈴胷有玉斗足文履已故名文命字高密身長九尺二寸長于西羗宋書符瑞志同淮南子禹耳參

尚史

夏本紀卷二

一

漏是謂大通論衡禹母吞薏苡而生禹故夏姓曰姁當帝堯之時鴻水滔天浩浩懷山襄

陵下民其憂堯求能治水者四嶽曰鯀可于是堯聽嶽用鯀九

年功用不成及舜登用攝天子之政巡狩行視鯀之治水無狀

乃殛鯀于羽山以死舜舉禹使續鯀之業禹為人敏給克勤其

德不違其仁可親其言可信聲為律身為度稱以出壘壘穆穆

為綱為紀禹傷先人父鯀功之不成受誅乃勞身焦思居外八

年史記曰十三年吳越春秋曰七年尸子曰十年過家門不敢入陸行乘車水行乘船

泥行乘橇橇形如船兩頭微起人曲一脚泥上擿進用拾泥上之物山行乘橦橦車似鐵如

下以上山左準繩右規矩載四時以開九州通九道陂九澤度

九山禹乃行相地宜所有以貢及山川之便利自冀州始史帝

紀禹其父既放降在匹庶而舜進之堯堯以為司空繼鯀治

水乃勞身涉勤不重徑尺之壁而愛日之寸陰手足胼胝故世

傳禹病偏枯足不相過今巫傳禹步是也法言如氏治水土而

巫步多禹尚書大傳禹其跳其跳者躄也鹽鐵論禹蹙洪水身

親其勞澤行路宿過門不入當此之時簪墮不掇冠挂不顧吳

越春秋禹傷父功不成循江沂河盡濟淮乃勞身焦思以行七

年聞樂不聽過門不入冠挂不顧履道不躡尸子古者龍門未

開呂梁未鑿河出于孟門之上大溢逆流禹於是疏河決江十

年不闕其家手不爪脛不生毛禹敷土隨山刊木奠高山大川

偏枯之病步不相過人曰禹步禹敷土隨山刊木奠高山大川

冀州既載壺口經始治之謂之載治梁及岐既修太原至于岳陽覃懷

底績至于衡漳厥土惟白壤厥賦惟上上錯厥田惟中中恒衛

既從大陸既作島夷皮服夾右碣石入于河濟河惟兗州九河

既道雷夏既澤澠沮會同桑土既蠶是降邱宅土厥土黑墳厥

草惟繇厥木惟條厥田惟中下厥賦貞真正也充賦最薄言君

天下者以薄賦為正也

夏本紀卷二

作十有三載乃同

充當河下流之衝被害尤劇水患雖平而卑濕沮洳未必盡去必作治十有三載然後賦

法同于他州此為田賦而言先儒以為禹治水所歷之年且謂此州治水最是後畢州為第九成功因謂賦亦第九與州正為相當其說非是厥貢漆絲厥篚織文浮于濟潔達于河海岱惟青州岬

夷既畧濼淄其道厥土白墳海濱廣斥厥田惟上下厥賦中上

厥貢鹽絺海物惟錯岱畎絲臬鉛松怪石萊夷作牧厥篚檠絲

浮于汶達于濟海岱及淮惟徐州淮沂其乂蒙羽其藝大野既

豬東原底平厥土赤埴墳草木漸包厥田惟上中厥賦中中厥

貢惟土五色羽畎夏翟嶧陽孤桐泗濱浮磬淮夷蠙珠暨魚厥

篚元纈縞浮于淮泗達于河淮海惟揚州彭蠡既豬陽鳥攸居

三江既入震澤底定篠簜既敷厥草惟夭厥木惟喬厥土惟塗

泥厥田惟下下厥賦下上上錯厥貢惟金三品瑤琨篠簜齒革

羽毛惟木島夷卉服厥篚織貝厥包橘柚錫貢沿于江海達于

淮泗荆及衡陽惟荊州江漢朝宗于海九江孔殷沱潛既道雲

土夢作乂厥土惟塗泥厥田惟下中厥賦上下厥貢羽毛齒草

惟金三品柶榦栝柏礪砥砮丹惟筥簞楛三邦底貢厥名包匭

菁茅厥篚玄纁璣組九江納錫大龜浮于江沱潛漢逾于洛至

于南河荆河惟豫州伊洛瀍澗既入于河滎波既豬導荷澤被

孟豬厥土惟壤下土墳壚厥田惟中上厥賦錯上中厥貢漆臬

絺紵厥篚織纊錫貢磬錯浮于洛達于河華陽黑水惟梁州岷

嶓既藝沱潛既道蔡蒙旅平和夷底績厥土青黎厥田惟下上

尚史
厥賦下中三錯厥貢璆鐵銀鏤砮磬熊羆狐狸織皮西傾因桓
是來浮于潛逾于沔入于渭亂于河黑水西河惟雍州弱水既
西涇屬渭汭漆沮既從澧水攸同荆岐既旅終南惇物至于鳥
鼠原隰底績至于豬野三危既宅三苗丕叙厥土惟黃壤厥田
惟上上厥賦中下厥貢惟球琳琅玕織皮崑崙析支渠搜西戎
即叙浮于積石至于龍門西河會于渭汭以上定九州導岍及岐至
于荆山逾于河壺口雷首至于太岳底柱析城至于王屋太行
恒山至于碣石入于海西傾朱圉鳥鼠至于太華熊耳外方桐
栢至于陪尾導蟠冢至于荆山內方至于大別岷山之陽至于
衡山過九江至于敷淺原以上隨山導弱水至于合黎餘波入于流

沙導黑水至于三危入于南海導河積石至于龍門南至于華
陰東至于底柱又東至于孟津東過洛汭至于大伾北過洛水
至于大陸又北播為九河同為逆河入于海蟠冢導漾東流為
漢又東為滄浪之水過三澨至于大別南入于江東匯澤為彭
蠡東為北江入于海岷山導江東別為沱又東至于澧澧音禮與前後澧水
異過九江至于東陵東迤北會為匯東為中江入于海導沅水
東流為濟入于河溢為滎東出于陶邱北又東至于荷又東北
會于汶又北東入于海導淮自桐栢東匯于泗沂東入于海導
渭自鳥鼠同穴東會于澧又東會于涇又東過漆沮入于河導
洛自熊耳東北會于澗灤又東會于伊又東北入于河以上九澹川

州攸同四隩既宅九山刊旅九川滌源九澤既陂四海會同六
府孔修庶土交正底慎財賦咸則三壤成賦中邦錫土姓祗台
台音怡 我也 德先不距朕行五百里甸服百里賦納總二百里納銍
三百里納秸服四百里粟五百里米五百里侯服百里采二百
里男邦三百里諸侯五百里綏服三百里揆文教二百里奮武
衛五百里要服三百里夷二百里蔡五百里荒服三百里蠻二
百里流東漸于海西被于流沙朔南暨聲教訖于四海禹錫元
圭告厥成功 尚書序禹別九州隨山濬川任土作貢呂氏春秋
書禹東至搏木之地日出九津青羌之野攢樹之
所措天之山鳥谷青邱之鄉黑齒之國南至交趾孫樸續櫛之
國丹粟漆樹沸水漂漂九陽之山羽人裸民之處不死之鄉西
至三危之國巫山之下飲露吸氣之民積金之山共肱一臂三
面之鄉北至人正之國夏海之窮衡山之上犬戎之國夸父之

野禹疆之所積石之山不有解墮憂其黔首以求賢人欲盡地
利得陶化益真窺橫草之交五人佐禹故功績銘乎金石著于
盤盂 又曰禹入裸國裸入衣出因也又曰禹通三江五湖決伊
闕溝迴陸注之東海因水之力也墨子禹治天下西為西河漁
竇以泄渠孫皇之水北為防原派注后之邱噓池之竇酒為底
柱鑿為龍門以利燕代胡貉與西河之民東為滎之陸防蓋諸
之澤灑為九澮以捷東土之水以利冀州之民南為江漢淮汝
東流之注五湖之處以利荆楚越與南夷之民淮南子舜之時
共工振滔洪水以薄空桑龍門未開呂梁未發江淮通流四海
溟津民皆上邱陵赴樹木舜乃使禹疏江湖闢伊闕道瀍澗平
流溝陸流注東海鴻水漏九州乾萬民皆寧其性 又曰禹沐濡
雨櫛扶風決江疏河鑿龍門闢伊闕修彭蠡之防乘四載隨山
乘木平治水土定千八百國 又曰禹之時天下大水禹身執藁
垂以為民先剔河而道九岐鑿江而通九路辟五湖而定東海
當此之時燒不暇擯濡不給扞死陵者葬陵死澤者葬澤故節
財薄葬簡服生焉 新書大禹曰民無食也則我弗能使也功成
而不利干民我弗能勸也故環河而導之九牧鑿江而導之遂
九路登五湖而定東海民勞矣而弗苦者功成而利于民也

尚史 夏本紀卷二 刻石書名山之巔

衡山

其辭曰承帝曰嗟翺輔佐卿洲渚與登

鳥獸之門參身宏流而明發爾興久旅忘家宿嶽麓庭智營形
析心罔弗辰往來平定華嶽太衡宗疏事哀勞餘仲裡鬱塞昏
徙南瀆衍亨衣制食備萬國其寧窺舞永奔

响嶽吳越春秋九
碑山東南天柱

號曰委宛赤帝闕其巖之巔其書金簡青玉為字禹登衡嶽血
白馬以祭不幸所求夢見繡衣男子自稱元夷蒼水使者謂禹
曰欲得我書齋于黃帝巖嶽之下禹齋三月庚子登委宛山發
金簡之書得通水之理乘四載以行遂巡行四瀆與益夔共謀
山川脈理金玉所有鳥獸昆蟲之類及八方之民俗殊國異域
土地里數使益疏而記之名之曰山海經使太章步東西豎亥
度南北暘八極之廣旋天地之數于是東造絕迹西延積石南
踰赤岸北過寒谷徇昆侖察六扈脈地理名金石寫流沙于西
隅決弱水於北漢青泉赤淵分入洞穴通江東流至于碣石疏
九河于潛淵開五水于東北鑿龍門關伊闕平易相土觀地分
州殊方各進有所納貢民去崎嶇歸于中國○委宛一名玉笥
山在會稽按禹至會稽非治水時惟越絕書云禹兩至會稽不
足信也湘中記衡山有玉牒禹按其文治水遙望衡山如障雲
汨湘千里九向九背迺不復見荊州記禹登南嶽而祭之獲金

簡玉字之書古岳瀆經禹治水三至桐栢山驚風迅雷石號木
鳴禹怒召集百靈授命夔龍桐栢干君長稽首請命禹因囚鴻
冢氏商章氏兜氏盧氏摯婁氏乃獲淮渦水神名巫支祈善應
對言語辨江淮之淺深原隰之遠近形若獼猴縮鼻高額青軀
白首金目雪牙頸伸百尺力逾九象搏擊騰踔疾奔輕利倏忽
間視不可久禹授之童律不能制授之烏木田不能制授之庚
辰能制鴟脾桓胡水魅山靈木妖石怪奔號藪繞以幾千數庚
辰持戟逐去頸鎖大索鼻穿金鈴徙之淮陽龜山足下淮永安
流楚辭注禹治水時有神龍以尾畫導水徑所當決者因而治
之拾遺記禹導川夷岳黃龍曳尾于前元龜負青泥于後龜領
下有印文禹所穿鑿以青泥封記使龜印其上帝王世紀禹治
水畢天賜元珪西戎渠搜國獻珍裘宋書符瑞志飛菟者神馬
之名日行三萬里跌蹄者后土之獸自能言語禹治水勤勞天
應其德而至十洲記禹治水既畢乃乘驕車度弱水而到鐘山
祠上帝於北阿歸大功於九天○禹
治水時羣說神怪畧識一二不具錄

于是貢金九牧鑄鼎象物

百物而為之備使民知神姦故民入川澤山林不逢不若螭魅

罔兩莫能逢之用能協于上下以承天休

左漢書禹貢九牧之
傳金鑄如鼎象九州

皆嘗醵享上帝鬼神其空足曰鬲以象三德饗承天祐拾遺記
 禹鑄九鼎五以應陽法四以象陰數使工師以雌金為陰鼎雄
 金為陽鼎鼎中常滿以占氣象之休否夏傑之世鼎水忽沸
 及周將沒九鼎皆震墨子夏后開使蜚廉析金于山而陶鑄
 之于昆吾是使翁難雉乙卜于白若之龜曰鼎成三足而方
 不炊而自烹不舉而自藏不遷而自行以祭于昆吾之墟上
 乙又言兆之繇曰饗矣逢逢白雲一南一北一西一東九鼎
 既成遷于三國。按啟鑄九鼎不知所本前編因之恐誤

帝舜朝禹伯益臯陶相與語帝前史記禹曰后克艱厥后臣克艱

厥臣政乃又黎民敏德帝曰俞允若茲嘉言罔攸伏野無遺賢
 萬邦咸寧稽于衆舍已從人不虐無告不廢困窮惟帝時克益
 曰都帝德廣運乃聖乃神乃武乃文皇天眷命奄有四海為天
 下君禹曰惠迪吉從逆凶惟影響益曰吁戒哉儆戒無虞罔失
 法度罔遊于逸罔淫于樂任賢勿貳去邪勿疑疑謀勿成百志

惟熙罔違道以干百姓之譽罔拂百姓以從已之欲無怠無荒
 四夷來王禹曰於帝念哉德惟善政政在養民水火金木土穀
 惟修正德利用厚生惟和九功惟叙九叙惟歌戒之用休董之
 用威勸之以九歌俾勿壞帝曰俞地平天成六府三事允治萬
 世永賴時乃功帝曰格汝禹朕宅帝位三十有三載耄期倦于
 勤汝惟不怠摠朕師禹曰朕德罔克民不依臯陶邁種德德乃
 降黎民懷之帝念哉念茲在茲釋茲在茲名言茲在茲允出茲
 在茲惟帝念功帝曰臯陶惟茲臣庶罔或干予正汝作士明于
 五刑以弼五教期于予治刑期于無刑民協于中時乃功懋哉
 臯陶曰帝德罔愆臨下以簡御衆以寬罰弗及嗣賞延于世宥

過無大刑故無小罪疑惟輕功疑惟重與其殺不辜寧失不經
好生之德洽于民心茲用不犯于有司帝曰俾予從欲以治四
方風動惟乃之休帝曰來禹降水儆予成允成功惟汝賢克勤
于邦克儉于家不自滿假惟汝賢汝惟不矜天下莫與汝爭能
汝惟不伐天下莫與汝爭功予懋乃德嘉乃丕績天之歷數在
汝躬汝終陟元后人心惟危道心惟微惟精惟一允執厥中無
稽之言勿聽勿詢之謀勿庸可愛非君可畏非民衆非元后何
戴后非衆罔與守邦欽哉慎乃有位敬修其可願四海困窮天
祿永終惟口出好興戎朕言不再禹曰枚卜功臣惟吉之從帝
曰禹官占惟先蔽志昆命于元龜朕志先定詢謀僉同鬼神其

依龜筮協從卜不習吉禹拜稽首固辭帝曰母惟汝諧正月朔

旦受命于神宗

堯廟也

率百官若帝之初帝曰咨禹惟時有苗弗

率汝徂征禹乃會羣后誓于師曰濟濟有衆咸聽朕命蠢茲有
苗昏迷不恭侮慢自賢反道敗德君子在野小人在位民棄不
保天降之咎肆予以爾衆士奉辭伐罪爾尚一乃心力其克有
勲三旬苗民逆命益贊于禹曰惟德動天無遠弗届滿招損謙
受益時乃天道帝初于歷山往于田日號泣于旻天于父母負
罪引慝祗載見瞽瞍夔夔齊慄瞽亦允若至誠感神矧茲有苗

禹拜昌言曰兪班師振旅帝乃誕敷文德舞干羽于兩階七旬

有苗格

尚韓詩外傳當舜之時有苗不服其不服者衡山在南
書岐山在北右洞庭之陂左彭澤之水由此險也以其

不服禹請伐之舜不許曰吾喻教猶未竭也久喻教而有苗氏請服呂氏春秋三苗不服禹請攻之舜曰以德可也行德三年而三苗服孔子聞之曰通乎德之情則孟門太行不為險矣隨巢子三苗大亂天命殛之夏后受命于元宮大神人面鳥身降而輔之司祿益食而民不饑司金益富而國家實司命益年而民不夭禹乃克三苗而神民不違墨子三苗大亂天命殛之日妖賓出雨血三朝龍生廟大哭市夏水地圻五穀變化民乃大振高陽乃命元宮禹親把天之瑞令以征有苗四電誘祇有神人面鳥身若瑾以待搯矢有苗之祥苗師大亂后乃遂幾禹既已克有三苗焉磨為山川別物上下卿制大極而神民不違天下乃

於是天下皆宗禹之明度數禮樂史記禹興為山川神主

帝薦禹于天為嗣十七年而帝崩三年喪畢禹辭辟舜之子商

均于陽城天下諸侯皆去商均而朝禹禹遂即天子位南面朝

天下國號曰夏后史記吳越春秋舜崩禪位命禹禹服三年形體

陰河之北萬民不附商均就禹之所晝歌夜吟登高號呼曰禹棄我如何所戴禹三年服畢哀民不得已即天子之位符子舜

禪夏禹于洞庭之野宋符瑞志夏道將興青龍止于郊祝融之神降于崇山乃受舜禪其社用松祀戶葬

牆置翬其樂夏籥九成六佾六列六英其服尚青淮南呂氏春

勝木氣勝故其色尚青其事則木禹立舉臯陶薦之臯陶卒

舉益任之七年史記作禹東巡狩至于會稽而崩史記年百歲帝王

世皇覽禹冢在山陰縣會稽山上山本名苗山去縣南七里越紀絕書禹憂民救水到大越上茅山大會計爵有德封有功更

名茅山曰會稽及其王也巡守大越見者老納詩書審銓衡平

斗斛因病死亡葬會稽葦棺桐槨穿壙七尺上無漏泄下無即

水壇高三尺土堦三等延衰一畝尚以為居之者樂為之者苦

無以報民功教民烏田一盛一衰當禹之時舜死蒼梧象為民

田也禹至此者亦有因矣亦覆釜也覆釜者州土也填德也禹美而告至焉禹知時晏歲暮年加申酉求書其下祠白馬禹井

井者法也以為禹葬以法度不煩人眾水經注會稽山上有禹廟大禹東巡崩于會稽因葬其地鳥為之耘春拔草根秋啄其穢東有井深不見底即禹穴也墨子禹東教乎九夷道死葬會稽之山衣衾三領桐棺三寸葛以緘之絞之不合道之不塤土

地之深下母及泉上母通臭既葬收餘壤其上壟若參耕之畝
呂氏春秋禹葬會稽不變人徒淮南子禹葬會稽之山農不易
其畝禹之治天下也以五聲聽縣鐘鼓鐸磬而置鞀為銘于箕虞
曰教寡人以道者擊鼓教寡人以義者擊鐘教寡人以事者振
鐸語寡人以憂者擊磬語寡人以獄訟者揮鞀是以禹嘗一饋
七十起日中不暇食曰吾猶恐四海之士留于道路子得臯陶
杜子業既子施子黯季子寧然子湛輕子玉七大夫以佐其身
以治天下而天下治帝王世紀禹納禮賢人一沐三握髮一食
三起新書諸侯會則問于諸侯曰以寡人為驕乎士朝則問于
士曰以寡人為汰乎其聞寡人之驕之汰而不以語寡人者此
教寡人之殘道也滅天下之教也荀子禹見耕者耦立而式過
十室之邑必下說苑禹出見罪人下車問而泣之左右曰人不
順道故使然焉何為痛之禹曰堯舜之人以堯舜為心今寡人
為君百姓各自以其心為心是以痛之吳越春秋南到計于蒼
梧而見縛人禹拊其背而哭益曰何也禹曰天下有道民不罹
辜吾為帝統治水土使得其所今罹法如斯此吾德薄不能化

民故哭之悲也禹三載考功五年政定周行天下歸還大越登茅山即

稽以朝四方羣臣以示中國諸侯防風後至斬以示眾示天下

悉屬禹也吳越國語禹致羣神于會稽之山防風氏後至禹殺

也為漆姓紀年八年春會諸侯于會稽秋八月帝陟于會稽博

物志禹會諸侯會稽之野防風氏後到殺之夏德之盛二龍降

之禹使范成光御之行域外至南海經防風防風之二臣以塗

山之戮怒而射禹使迅風雷雨二龍昇去二臣恐以刃自貫其

心禹哀之療以不死之草為穿宵民淮南子禹南省方濟于江

黃龍負舟舟中之人五色無主禹乃熙然而稱曰我受命于天
竭力而勞萬民生寄也死歸也何足以滑和視龍猶蠅蚋龍乃
弭耳掉尾而逃又曰昔鯀作三仞之城諸侯背之海外有狡心
禹乃壞城平池散財物焚甲兵施之以德海外賓服四夷納職
合諸侯于塗山執玉帛者萬國抱朴子禹乘二龍郭支為馭世

本禹作宮室古今注伺風鳥夏禹所作漢書雜家
有大命三十七篇傳言禹所作師古曰帝古禹字

尚史 夏本紀卷二 啟 大康 仲康 相 少康 杼 槐 芒 泄

不降 高 厘 孔甲 皋 發 履 癸

啟其母塗山氏之女也

吳越春秋禹年三十未娶行到塗山恐時之暮失其度制乃辭曰吾娶也必有

應矣乃有白狐九尾造于禹禹曰白者吾之服也九尾者王之

證也塗山之歌曰綏綏白狐九尾雍雍我家嘉夷來賓為王成

家成室我造彼昌天人之際於茲則行明矣哉因娶塗山謂之

女嬌呂氏春秋禹行功見塗山之女禹未之遇而巡省南土塗

山氏之女乃令其妾待禹於塗山之陽女初禹以天下授益三

乃作歌歌曰侯人兮猗實始作為南音

年之喪畢益讓帝禹之子而辭居箕山之陽禹子啟賢天下屬

意焉禹雖授益益之佐禹日淺天下未洽故諸侯皆去益而朝

啟曰吾君之子也于是啟遂即天子之位是為帝啟

史記治國於

夏遵禹貢之美悉九州之土以種五穀

吳越紀年元年癸亥大

春侯從帝歸于冀都大饗諸侯于

璿臺二年費侯伯益出就國 有扈氏不服帝伐之

史記大戰于

甘乃召六卿王曰嗟六事之人予警告汝有扈氏威侮五行怠

棄三正天用勦絕其命今予惟恭行天之罰左不攻于左汝不

恭命右不攻于右汝不恭命御非其馬之正汝不恭命用命賞

于祖不用命戮于社予則孥戮汝

尚淮南子有扈氏為義而亡

書楚辭注有扈氏本牧豎之

人耳因何逢遇而得為諸侯乎啟攻有扈之時親于其牀上擊

而殺之呂氏春秋夏后相與有扈戰于甘澤而不勝六卿請復

之相曰不可戰而不勝是吾德薄而教不善也於是乎處不重

席食不貳味琴瑟不張鐘鼓不修子女不飾親親長長尊賢使

能期年而 啟崩子太康立

帝王世紀帝啟元年甲辰十年癸丑

崩紀年十一年放王季武觀于西河

十五年武觀以西河叛彭伯壽帥師征西河武觀來歸十六年

陟通鑑前編后啟九歲崩刀劍錄后啟以庚戌八年鑄一銅劍

長三尺九寸後藏之秦望山腹上刻二十八宿文有背面面文

為星辰背記山川日月按紀年曰元年癸亥世紀曰元年甲

辰如世紀則庚戌 太康尸位以逸豫滅厥德黎民咸貳乃盤遊

鑄劍當是七年

夏本紀卷二

無度畋于有洛之表十旬弗反有窮后羿因民弗忍距于河尚書

紀年元年癸未帝即位居斟鄩畋于洛表羿入居斟鄩楚辭注

太康不遵禹啟之樂更作淫聲放縱情慾以自娛樂不顧患難

不謀後世卒以失國兄太康崩弟仲康立史紀年四年帝陟路

弟五人皆居于閭巷通鑑前編因之義和涵淫廢時亂日命肩

○歲失政又十歲而死通鑑前編因之義和涵淫廢時亂日命肩

往征之作序書惟仲康肇位四海肩侯命掌六師義和廢厥

職酒荒于厥邑肩侯承王命祖征告于眾曰嗟予有眾聖有謨

訓明徵定保先王克謹天戒臣人克有常憲百官修輔厥后惟

明明每歲孟春道人以木鐸徇于路官師相規工執藝事以諫

其或不恭邦有常刑惟時義和顛覆厥德沈亂于酒畔官離次

俶擾天紀遐棄厥司乃季秋月朔辰弗集于房瞽奏鼓嗇夫馳

庶人走義和尸厥官罔聞知昏迷于天象以干先王之誅政典

曰先時者殺無赦不及時者殺無赦今予以爾有眾奉將天罰

爾眾士同力王室尚弼予欽承天子威命火炎崑岡玉石俱焚

天吏逸德烈于猛火殲厥渠魁脅從罔治舊染汚俗咸與惟新

嗚呼威克厥愛允濟愛克厥威允罔功其爾眾士懋戒哉尚書紀年

元年已丑仲康即位居斟鄩五年秋九月庚戌朔日有食之命

肩侯帥師征義和六年錫昆吾命作伯。按經仲康肇位四海

肩侯承王命祖征而紀年以肩征在五年五年仲康崩子相立

不得云肇位也竹書雖古率多荒謬闕疑可也史紀年七年陟通鑑前

記編仲康十三歲崩相即位夏衰后羿自鋤遷于窮石因夏

民以代夏政相徙于商邱依同姓諸侯斟鄩氏帝王紀年元年

即位居商邱古琴疏帝相元年條谷貢桐芍藥帝命羿植桐于

雲和命武羅伯植芍藥于後苑武羅伯諫帝不從于是作誼諫

尚書

夏本紀卷二

三

五

六

七

羿伐桐為琴以進帝善之名曰條谷帝移于音樂不聽事為羿所逐居于商邱援琴作源水歌歌曰涓涓源源水不雍不塞穀既破碎庸大其輻事乃征畎夷七年然後來賓後漢書畎夷二年征

風夷黃夷七年于夷來賓羿不修民事淫于原獸而用寒浞浞殺而亨之因

羿室生澆及豷使澆用師滅斟灌及斟尋氏處澆于過處豷于

戈遂滅相后緡方娠逃出自竇歸于有仍生少康為仍牧正基

澆能戒之澆使椒澆臣求之逃奔有虞為之庖正虞思有虞之君於是

妻之以二姚而邑諸綸虞邑有田一成有衆一旅能布其德而兆

其謀以收夏衆撫其官職使女艾少康臣謀澆使季杼即子杼誘豷

遂滅過戈復禹之績左紀年帝相八年寒浞殺羿九年相居于

灌灌二十七年澆伐斟鄩大戰于濞覆其舟滅之二十八年浞弑

帝后緡歸有仍伯靡出奔有禹丙寅年夏少康生乙酉年少康

自有仍奔虞甲辰年伯靡自禹帥斟鄩斟灌之師以伐浞少康

使女艾伐過殺澆乙巳年伯子杼滅戈伯靡殺寒浞少康自綸

歸于夏邑自太康失德夷人始畔及少康已後世服王化遂賓于王

門獻其舞樂後漢書少康恐禹祭之絕祀乃封其庶子于越號曰

無余吳越紀年元年丙午帝少康即位諸侯來朝賓虞公二年

少康崩紀年二十一年杼立紀年元年己巳帝杼即位居原五年

壽得一狐九尾國語杼能帥禹者也故夏后氏報焉杼崩紀年

○杼史作子或作伯杼或作帝宁世本季杼作甲

年子槐立紀年三年九夷來御三十六年作園土槐崩紀年四十四

編二十子芒立紀年元年壬申帝芒即位以立珪芒崩紀年五

六歲崩子泄立紀年元年辛未帝泄即位二十一年命畎夷白夷泄

崩紀年二十五年陟通子不降立紀年元年己亥帝不降即位

崩紀年十六歲崩通子不降立紀年元年己亥帝不降即位

尚史 夏本紀卷二

于帝不降崩紀年帝高弟高立紀年元年戊高崩紀年十八年

二十一子厘立紀年元年乙未帝厘崩紀年八年天有妖孽十

一歲崩立不降之子孔甲孔甲立好方鬼神事淫亂夏后氏德

衰諸侯畔之呂氏春秋孔甲田于東陽荊山天大風晦盲孔甲

子必大吉或曰不勝也子必有殃后乃取其子以歸曰以為余

子誰敢殃之子長幕動拆捺斧斫斬其足遂為守門者孔甲曰

嗚呼有疾命矣夫乃作破斧之歌實始為東音刀劍錄孔甲九

年歲次甲辰採牛首山鐵鑄一劍銘曰夾古文篆書長四尺一

寸孔甲崩子皐立紀年皐崩子癸立紀年后癸即位元年諸

發崩子履癸立是為桀自孔甲以來諸侯多畔夏桀不務德而

武傷百姓百姓弗堪史記桀自謂天父新書淫虐有才力手能搏虎

帝王淮南子桀之力制船伸鉤索鐵歛金桀伐有施有施人以

世紀推金推移大犧水殺鼉鼉陸捕熊羆

妹喜女焉妹喜有寵國楚辭注夏桀伐蒙山之國而得妹喜紀

曰玼曰琰后愛二女斲其名若華之玉若若是琬華是琰而棄其

元妃於洛曰妹喜氏以與伊尹交遂以亡夏○按此桀寵琬琰

非妹喜獨妹喜好聞裂繒之聲為發繒裂之以順適其意以人

異諸說駕車為肉山脯林酒池一鼓而牛飲者三千人又以虎入市而

視其驚帝王管子桀女樂三萬人端諺晨樂聞于三衢是無不

弛北虎充市以觀其驚駭新序桀作瑤臺為酒池糟隄縱靡靡

之樂一鼓而牛飲者三千人羣臣相持而歌曰江水沛沛兮舟

楫敗兮我王廢兮趣歸薄兮薄亦大兮又曰樂兮樂兮四牡矯

兮六轡沃兮去不善而從善何不樂兮尚書大傳夏人飲酒醉

者持不醉者相和而歌曰盍歸于薄盍歸于薄薄亦大矣伊尹

閑居深聽樂聲更曰覺兮覺兮吾大命格兮去不善而就善何

樂兮為長夜宮于深谷中男女雜處十旬不出又為石室瑤臺關

龍逢諫桀以為妖言而殺之博物志又曰桀作瓦屋纏子桀為天

尚史夏本紀卷二

桀以十月發民鑿山穿陵通于河民諫曰孟冬鑿山穿陵泄天氣發地之藏天子失道後必有敗桀殺之期年岑山崩為大澤隨巢子夏桀德衰岱淵沸紀年瞿山崩盼墜災帝王世紀兩日鬪蝕鬼呼于國桀醉不寤墨子逮至夏桀天有韜命日月不時寒暑雜至五穀焦死桀無道臯諫者湯使人哭之桀囚湯于夏鬼呼國鶴鳴十夕餘

臺而後釋之諸侯由是咸叛桀歸湯同日供職者五百國史記廼召

湯而囚之夏臺已而釋之湯修德諸侯皆歸湯楚辭注桀拘湯于重泉而後出之尚書大傳桀無道囚湯後釋之諸侯八譯來

朝者六國太公金匱桀怒湯以諛臣趙梁計召而囚之均臺寘之種泉嫌于死湯行賂桀釋之而賞之贊茅湯來伐

桀以乙卯日戰于鳴條之野桀未戰而敗績乃與妹喜及諸嬖

妾同舟浮海奔于南巢之山而死帝王世紀桀謂人曰吾悔不遂殺

湯于夏臺使至此史淮南子桀囚于焦門不能自非記其所行而悔不殺湯于夏臺

贊曰禹之德大矣然太康以不德幾失位少康微矣以能布其

德遂復舊物周書有之民不繫物惟德繫物信善哉桀迄亡乃

悔不殺湯湯死桀庸有既乎

商本紀

湯

湯契之裔也契封于商賜姓子氏

子昭明立昭明卒子相土立相土卒子昌若立昌若卒子曹圉

立曹圉卒子冥立冥卒子微立微以甲日生故字上甲商家生

子以日名自微始

子以日名自微始

子以日名自微始

尚史 夏本紀卷二 七

尚史
商本紀
湯
契
子昭明
立昭明
卒子相土
立相土
卒子昌若
立昌若
卒子曹圉
立曹圉
卒子冥
立冥
卒子微
立微
以甲日生
故字上甲
商家生

尚史

不輔之當長輔之未幾而亡
本紀三

商本紀

湯
自契至微八代
襄平李錡鐵君甫纂

湯

契
禮緯以玄鳥生子也契
契卒

子昭明

立昭明
卒子相土
立相土
卒子昌若
立昌若
卒子曹圉

立曹圉

卒子冥
立冥
卒子微
立微
以甲日生
故字上甲
商家生

子以日名

自微始
帝王紀年殷王子亥賓于有易而淫焉有易

于河伯

以伐有易滅之遂殺其君綿臣
山海經王亥託于有易

河伯僕牛

有易殺王亥取僕牛河念有易有易潛出為國于獸

尚史

商本紀卷三

商本紀卷三

商本紀卷三

方食之名曰搖民國語上甲微能帥契者也商人報焉孔叢子
書曰維高宗報上甲微定公問曰此何謂也孔子對曰此謂親
盡廟毀有功而不及祖有德而不及宗故于
每歲之大嘗而報祭焉所以昭其功德也
微卒子報丁立報

丁卒子報乙立報乙卒子報丙立報丙卒子主壬立主壬卒子

主癸立史記主癸之妃曰扶都見白氣貫月意感以乙日生湯故

名履字天乙是為成湯豐下銳上哲而有髯倨身而揚聲長九

尺臂四肘帝王洛書黑帝子湯長八尺一寸珠庭百虎通湯臂

湯母感狼星之精又感黑龍而成自契至湯八遷湯始居亳從先王居作帝告

釐沃湯征諸侯葛伯不祀湯始征之作湯征書帝告釐沃湯征

載湯征之辭曰湯曰予有言人視水見形視民知治不伊尹曰

明哉言能聽道乃進君國子民為善者皆在王官勉哉勉哉湯

曰汝不能敬命予大罰殛之無有攸赦越絕書湯行仁義敬鬼

神天下歸之當是時荆伯未從湯乃飾犧牛以事荆伯荆伯媿

然曰失事聖人有伊尹者耕于有莘之野樂堯舜之道湯三使

禮乃委其誠心往聘故就湯而說之孟帝王世紀湯夢人負鼎抗俎對已而笑

我宰者哉伊摯耕于有莘之野湯聞以幣聘之有莘之君留而

不進湯乃求婚于有莘之君遂以摯為媵臣至亳乃負鼎抱俎

見湯也楚辭注伊尹始仕因緣烹鵠鳥之羹修飾玉鼎以事湯

又曰湯出觀風俗乃憂下民博選于眾而逢伊尹舉以為相墨

子湯將往見伊尹彭氏之子御半道而問曰君將何之湯曰往

見伊尹曰伊尹天下之賤人也亦召問焉彼受賜矣湯曰有藥

于此食之耳加聰目加明吾必說而強食之今夫伊尹良醫湯
善藥也子不欲我見是不欲我善也下彭氏之子不使御湯
舉任以國政伊尹去湯適夏既醜有夏復歸于亳湯出見野張
網四面祝曰自天下四方皆入吾網湯曰嘻盡之矣乃去其三
面祝曰欲左左欲右右不用命乃入吾網諸侯聞之曰湯德至
矣及禽獸新序漢南諸侯聞之曰湯德及禽獸矣四十國歸之
墨子湯封于亳方地百里與其百姓兼相愛交相利

率百姓以尊天事鬼是以天鬼富之諸侯與之百姓親之賢士
歸之淮南子夙興夜寐以致聰明輕賦薄斂以寬民氓布德施
惠以振困窮弔死問疾以養孤孀百姓親附政令流行桀廼召湯而囚之夏臺已而釋之

湯修德諸侯皆歸湯帝王世紀桀無道臯諫者湯使人哭之桀
同日供職當是時夏桀為虐政淫荒而諸侯昆吾氏為亂湯乃
興師率諸侯伊尹從湯湯自把鉞以伐昆吾遂伐桀史記升自陬

遂與桀戰于鳴條之野作湯誓序書湯曰格爾眾庶悉聽朕言非
台小子敢行稱亂有夏多罪天命殛之今爾有眾汝曰我后不

恤我眾舍我穡事而割正夏予惟聞汝眾言夏氏有罪予畏上
帝不敢不正今汝其曰夏罪其如台夏王率遏眾力率割夏邑

有眾率怠弗協曰時日曷喪予及汝偕亡夏德若茲今朕必往

爾尚輔予一人致天之罪予其大賚汝爾無不信朕不食言爾

不從誓言予則孥戮汝罔有攸赦尚書桀敗於有娥之虛犇於鳴

條夏師敗績湯遂伐三豎俘厥寶玉誼伯仲伯湯二作典寶呂

春秋湯良車七十乘必死六千人以戊子戰于郟遂禽移大犧
登自鳴條乃入巢門遂有夏周書夏多罪湯將放之徵前事以

戒後王也作殷祝湯將放桀于中野士民聞湯在野皆委貨扶
老携幼奔國中虛桀謂湯曰國所以為國者以有家家所以為

家者以有人今國無家無人矣君有人請致國君之有也湯曰
否昔大帝作道明教士民今君王滅道殘政士民惑矣吾為王

明之士民復致于桀曰以薄之居濟民之賤何必君更桀與其
屬五百人南徙千里止于不齊民往奔湯於中野桀復請湯言
君之有也湯曰否我為君王明之士民復重請之桀與其屬五
百人徙于魯魯士民復奔湯桀又曰國君之有也湯曰此君王
之士也君王之民也委之何湯不能止桀湯曰欲從者從君桀
與其屬五百人去湯放桀而復薄三千諸侯大會湯退再拜從
諸侯之位湯曰此天子位有道者可以處之湯讓三千諸侯莫
敢即位然後湯即天子位與諸侯誓曰陰勝陽謂之變而天弗

施雌勝雄謂之亂而人弗行故諸
侯之治政在諸侯之大夫治於從
湯既勝夏欲遷其社不可作
夏社孔安國注欲變置社稷而後伊尹報于是諸侯畢服湯乃

踐天子位平定海內史記湯歸自夏至于大坳仲虺作誥誥見仲虺傳

書帝王世紀湯遷九鼎序至于大坳而有慙德湯至于亳作湯誥誕告萬方王曰嗟爾

萬方有衆明聽予一人誥惟皇上帝降衷于下民若有恒性克

綏厥猷惟后夏王滅德作威以敷虐于爾萬方百姓爾萬方百

姓罹其凶害弗忍荼毒並告無辜于上下神祇天道福善禍淫

降災于夏以彰厥罪肆台小子將天命明威不敢赦敢用玄牡

敢昭告于上天神后請罪有夏聿求元聖與之戮力以與爾有

衆請命上天孚祐下民罪人黜伏天命弗僭賁若草木兆民允

殖俾予一人輯寧爾邦家茲朕未知獲戾于上下慄慄危懼若

將隕于深淵凡我造邦無從匪彛無即愆淫各守爾典以承天

休爾有善朕弗敢蔽罪當朕躬弗敢自赦惟簡在上帝之心其

爾萬方有罪在予一人予一人有罪無以爾萬方嗚呼尚克時

忱乃亦有終尚史記湯歸至泰卷陶中囑作誥既訖夏命還亳書作湯誥維三月王自至于東郊告諸侯羣后母

不有功于民勤力廼事予乃大罰殛女母予怨曰古禹臯陶久

勞于外其有功乎民乃有安東爲江北爲濟西爲河南爲淮

四瀆以修萬民乃有居后稷降播農殖百穀三公咸有功于民

故后有立昔蚩尤與其大夫作亂百姓帝乃弗予有狀先王言

不可不勉曰不道母之在乃改正朔易服色上白朝會以書史記

呂氏春秋湯之時天先見金刃生于水湯曰金氣勝金氣勝故
其色尚白其事則金越絕書湯用伊尹行至聖之心見桀無道
虐行故伐夏放桀而王道興躍革亂補弊移風易俗改制作新
海內畢貢天下承風湯以文聖此之謂也帝王世紀湯令未命
尚史 商本紀卷三 四

之為士者車不得朱軒及有飛軫不得乘飾車駢馬衣文繡命
然後得以順其德淮南子湯之初作園也以奉宗廟鮮橋之具
簡士卒習射其社用石祀門葬樹松其樂大濩晨露淮南子湯崩

皇覽湯冢在濟陰毫縣北東郭去州三里
冢四方各十步高七尺上平處平地
立太丁之弟外丙史記

湯之時大旱七年維圻川竭煎沙爛石于是使人持三足鼎祝

山川教之祝曰政不節邪使人疾邪苞苴行邪讒夫昌邪宮室

崇邪女謁盛邪何不雨之極邪言未已而天大雨說荀子同帝

自伐桀後大旱七年殷史上曰當以人禱湯曰吾所為請雨者

民也若以人禱請自當遂齋戒翦髮斷爪以已為牲禱于桑林

之際而大雨方數千里淮南子湯之時七年旱以身禱于桑林

馬著布衣嬰白茅以身為牲禱于桑林之野當此時也絃歌鼓

舞者禁之呂氏春秋湯克夏大旱五年湯乃以身禱于桑林曰

余一人有罪無及萬夫萬夫有罪在余一人無以一人之不敏

使上帝鬼神傷民之命於是翦髮廊手以身為牲用祈福於上

帝民乃甚說雨乃大至又曰湯與伊尹盟以示必滅夏商涸旱

湯猶發師以信伊尹之盟前編因之以大旱自伐桀年起新

書湯曰學聖王之道者譬其如日靜思而獨居譬其若火夫舍

學聖之道而靜思獨居譬若去日而就火也可以小見不可以

大知是故明君貴學道而賤獨思也君得賢而舉之與之譬其

若登山得不肖而舉之與之譬其若下淵故登山而望其何不

臨而何不見陵遲而入淵其孰不陷溺是以明君慎其舉而君

子慎於得舉然後細福可必細菑可去矣又曰藥食嘗于卑然

後至于貴藥言獻于貴然後聞于卑藥食嘗于卑然後至于貴

者教也藥言獻于貴然後至于卑者道也故使人味食然後食

者其得味也多使人味言然後聞者其得言也少故上之于言

也必自聽之自擇之自聚之自藏之自行之故道以數取之為

明以數行之為章以教施之萬姓為藏是故求道者不以目而

以心取道者不以手而以耳致道者以言入道者以忠積道者

以信樹道者以人故治安不可以虛成也顯榮不可以虛得殷

也故明君敬士察吏愛民以參其極非此者則四美不附矣殷

人之王也立帛牢服牛馬以為民利而天下化之管子其治天下

也得慶誦伊尹涅里且東門虛南門蟬西門疵北門側得七大

尚史 商本紀卷三 五

夫佐以治天下而天下治二十七世積歲五百七十六至紂子

漢書小說家天乙三篇其言依託

外丙 中壬 太甲宗太 沃丁 太庚 小甲 雍巳

太甲者太丁之子湯子適長孫也湯崩太子太丁未立而卒乃

立太丁之弟外丙外丙即位三年崩立外丙之弟中壬中壬即

位四年崩伊尹乃立太甲史紀年外丙名勝二年陟中壬名庸

居亳。按書序成湯既沒太甲元年無外丙中壬邵子經世亦無二君之年程子湯崩時外丙二歲中壬四歲太甲差長故立

之然當從史記說為是 惟元紀十有二月乙丑伊尹祠于先王奉嗣王

祇見厥祖侯甸羣后咸在百官總已以聽冢宰伊尹乃明言烈

祖之成德以訓于王曰嗚呼古有夏先后方懋厥德罔有天災

山川鬼神亦莫不寧暨鳥獸魚鼈咸若于其子孫弗率皇天降

災假手于我有命造攻自鳴條朕哉自亳惟我商王布昭聖武

代虐以寬兆民允懷今王嗣厥德罔不在初立愛惟親立敬惟

長始于家邦終于四海嗚呼先王肇修人紀從諫弗咈先民時

若居上克明為下克忠與人不求備檢身若不及以至于有萬

邦茲惟艱哉敷求哲人俾輔于爾後嗣制官刑儆于有位曰敢

有恒舞于宮酣歌于室時謂巫風敢有殉于貨色恒于遊畋時

謂淫風敢有侮聖言逆忠直遠耆德比頑童時謂亂風惟茲三

風十愆卿士有一于身家必喪邦君有一于身國必亡臣下不

匡其刑墨具訓于蒙士嗚呼嗣王祇厥身念哉聖謨洋洋嘉言

孔彰惟上帝不常作善降之百祥作不善降之百殃爾惟德罔
小萬邦惟慶爾惟不德罔大墜厥宗惟嗣王不惠于阿衡商官名亦

曰保衡或曰伊尹之號伊尹作書曰先王顧諟天之明命以承上下神祇

社稷宗廟罔不祇肅天監厥德用集大命撫綏萬方惟尹躬克

左右厥辟宅師嗣肆王丕承基緒惟尹躬先見于西邑夏自周

有終周忠信也國語忠信為周相亦惟終其後嗣王罔克有終相亦罔終嗣

王戒哉祇爾厥辟辟不辟忝厥祖王惟庸罔念聞伊尹乃言曰

先王昧爽丕顯坐以待旦旁求俊彥啟迪後人無越厥命以自

覆慎乃儉德惟懷永圖若虞機張徃省括于度則釋欽厥止率

乃祖攸行惟朕以懌萬世有辭王未克變伊尹曰茲乃不義習

與性成予弗狎于弗順營于桐宮密邇先王其訓無俾世迷王

徂桐宮居憂克終允德史記太甲既立不明暴虐伊尹放之于桐宮伊尹攝行政當國以朝諸侯太甲

居桐宮三年悔過自責反善伊尹迺迎太甲而授之政紀年太甲元年伊尹放太甲于桐乃自立七年太甲潛出自桐殺伊尹

乃立其子伊陟伊奮復其田宅而中分之沈約曰蓋誤以攝政為真社預曰此當時雜記未足以取審也惟三祀

十有二月朔伊尹以冕服奉嗣王歸于亳作書曰民非后罔克

胥匡以生后非民罔以辟四方皇天眷祐有商俾嗣王克終厥

德實萬世無疆之休王拜手稽首曰予小子不明于德自底不

類欲敗度縱敗禮以速戾于厥躬天作孽猶可違自作孽不可

逭既往背師保之訓弗克于厥初尚賴匡救之德圖惟厥終伊

尹拜手稽首曰修厥身允德協于下惟明后先王子惠困窮民

服厥命罔有不悅並其有邦厥鄰乃曰僕我后后來無罰王懋
乃德視乃烈祖無時豫怠奉先思孝接下思恭視遠惟明聽德
惟聰朕承王之休無斁伊尹申告于王曰嗚呼惟天無親克敬
惟親民罔常懷懷于有仁鬼神無常享享于克誠天位艱哉德
惟治否德亂與治同道罔不興與亂同事罔不亡終始慎厥與
惟明明后先王惟時懋敬厥德克配上帝今王嗣有令緒尚監
茲哉若升高必自下若陟遐必自邇無輕民事惟難無安厥位
惟危慎終于始有言逆于汝心必求諸道有言遜于汝志必求
諸非道嗚呼弗慮胡獲弗爲胡成一人元良萬邦以貞君罔以
辯言亂舊政臣罔以寵利居成功邦其永孚于休伊尹既復政

厥辟將告歸乃陳戒于德曰嗚呼天難謀命靡常常厥德保厥
位厥德靡常九有以亡夏王弗克庸德慢神虐民皇天弗保監
于萬方啟迪有命眷求一德俾作神主惟尹躬暨湯咸有一德
克享天心受天明命以有九有之師爰草夏正非天私我有商
惟天祐于一德非商求于下民惟民歸于一德德惟一動罔不
吉德二三動罔不凶惟吉凶不僭在人惟天降災祥在德今嗣
王新服厥命惟新厥德終始惟一時乃日新任官惟賢才左右
惟其人臣爲上爲德爲下爲民其難其慎惟和惟一德無常師
主善爲師善無常主協于克一俾萬姓咸曰大哉王言又曰一
哉王心克綏先王之祿永底烝民之生嗚呼七世之廟可以觀

德萬夫之長可以觀政后非民罔使民非后罔事無自廣以狹人匹夫匹婦不獲自盡民主罔與成厥功尚書太甲修德諸侯咸

歸殷百姓以寧伊尹嘉之作太甲訓三篇褒太甲稱太宗太甲崩子沃丁立紀年沃丁名絢元年命卿士咎單八年祠保衡沃丁之時伊尹薨既葬伊

尹于亳咎單為湯司空遂訓伊尹事作沃丁沃丁崩弟太庚立紀年作小庚小庚名太庚崩子小甲立世表帝小甲太庚弟紀年小甲辨五年崩弟雍已立紀年雍已名由十七年崩殷道衰諸侯咸不至史記

太戊中宗中丁外壬河亶甲祖乙祖辛

沃甲祖丁南庚陽甲太戊雍已之弟也孔氏注小甲之弟太庚之子紀年太戊名密元年丙戌通鑑前編元年甲辰雍已

崩太戊立伊陟伊尹之子為相亳有祥桑穀共生于朝一暮大拱孔安

國注二木合生不恭之罰康成注兩手搯之曰拱太戊懼問伊陟伊陟曰臣聞妖不勝

德帝之政其有闕與王其修德太戊從之而祥桑枯死帝王世紀桑穀

生于朝太戊退而占之曰桑穀野木不合生于朝意者朝亡乎太戊懼修先王之政明養老之禮三年而遠方重譯至者七十

六國伊陟贊言于巫咸臣名巫咸治王家有成作咸又作太戊太戊

贊伊陟于廟言弗臣伊陟讓作元命書序作咸又四篇作伊陟原命○篇俱亡殷復

興諸侯歸之故稱中宗太戊崩子仲丁立仲丁遷于傲史記紀

名莊九年伊陟書序仲丁遷于囂作仲丁○篇亡仲丁之世藍夷作寇自是或服或叛三

百有餘年後漢仲丁崩弟外壬立紀年外壬名發元年外壬崩

弟河亶甲立河亶甲居相書序河亶甲居相作河亶甲篇亡紀

尚史 商本紀卷三

伯代征藍夷五年彭伯章
班方侁人來賓九年陟
河亶甲時殷復衰河亶甲崩子祖乙

立殷復與巫賢任職巫賢巫咸之子佐帝祖乙遷于邢邢音耿

乙圮于耿作祖乙○篇七紀年祖乙名滕元年巳巳祖乙崩子

自相遷于耿二年圮于耿自耿遷于庇十九年陟

祖辛立紀年祖辛名祖辛崩弟沃甲立紀年作開甲開沃甲崩

立沃甲兄祖辛之子祖丁紀年祖丁名祖丁崩立沃甲之子南

庚紀年南庚名更三南庚崩立祖丁之子陽甲紀年陽甲名陽

甲之時殷衰自中丁以來廢適而更立諸弟子弟子或爭相代

立比九世亂於是諸侯莫朝史記

盤庚 小辛 小乙

盤庚陽甲之弟也陽甲崩盤庚立盤庚之時殷五遷無定處史記

孔安國注湯遷亳仲丁遷囂河亶甲居相祖乙居耿并盤庚為

五遷蔡沈注盤庚之前當自有五遷○按紀年祖乙遷耿圮于

耿遷庇南庚遷奄并仲丁河亶耿在河北迥近山川自祖辛以

甲適五遷或非鑿空之紀也來民皆奢侈帝王康成云祖乙居耿以後奢侈踰禮土地迫近

世紀山川常圮馬至陽甲立盤庚為之臣乃謀徙

居湯舊都民居耿久奢淫成俗故不樂徙王肅云自祖乙五世

至盤庚元兄陽甲宮室奢侈下民邑居墊隘水泉瀉鹵不可以

行政化故徙都于殷盤庚將治亳殷民咨胥怨作盤庚三篇書序盤庚遷于

殷民不適有居率籲衆感出矢言曰我王來既爰宅于茲重我

民無盡劉劉殺也不能胥匡以生卜稽曰其如台先王有服恪謹

天命茲猶不常寧不常厥邑于今五邦今不承于古罔知天之

斷命矧曰其克從先王之烈若顛木之有由藥天其永我命于

茲新邑紹復先王之大業底綏四方盤庚敷于民由乃在位以

常舊服正法度曰無或敢服小人之攸箴王命衆悉至于庭王若曰格汝衆予告汝訓汝猷黜乃心無傲從康古我先王亦惟圖任舊人共政王播告之修不匿厥指王用丕欽罔有逸言民用丕變今汝聒聒起信險膚予弗知乃所訟非予自荒茲德惟汝含德不惕予一人予若觀火予亦拙謀作乃逸若網在綱有條而不紊若農服田力穡乃亦有秋汝克黜乃心施實德于民至于婚友丕乃敢大言汝有積德乃不畏戎毒于遠邇惰農自安不昏作勞不服田畝越其罔有黍稷汝不和吉言于百姓惟汝自生毒乃敗禍姦宄以自災于厥身乃既先惡于民乃奉其恫汝悔身何及相時儉民猶胥顧于箴言其發有逸口矧予制

乃短長之命汝曷弗告朕而胥動以浮言恐沈于衆若火之燎于原不可嚮邇其猶可撲滅則惟爾衆自作弗靖非予有咎遲任有言曰人惟求舊器非求舊惟新古我先王暨乃祖乃父胥及逸勤予敢動用非罰世選爾勞予不掩爾善茲予大亨于先王爾祖其從與享之作福作災予亦不敢動用非德予告汝于難若射之有志汝無侮老成人無弱孤有幼各長于厥居勉出乃力聽予一人之作猷無有遠邇用罪伐厥死用德彰厥善邦之臧惟汝衆邦之不臧惟予一人有佚罰凡爾衆其惟致告自今至于後日各恭爾事齊乃位度乃口罰及爾身弗可悔盤庚作惟涉河以民遷乃話民之弗率誕告用亶其有衆咸造弗褻

在王庭盤庚乃登進厥民曰明聽朕言無荒失朕命嗚呼古我
前后罔不惟民之承保后胥感鮮以不浮于天時殷降大虐先
王不懷厥攸作視民利用遷汝曷弗念我古后之聞承汝俾汝
惟喜康共非汝有咎比于罰予若籲懷茲新邑亦惟汝故以丕
從厥志今予將試以汝遷安定厥邦汝不憂朕心之攸困乃咸
大不宣乃心欽念以忱動予一人爾惟自鞠自苦苦若乘舟汝弗
濟臭厥載爾忱不屬惟胥以沈不其或稽自怒曷瘳汝不謀長
以思乃災汝誕勸憂今其有今罔後汝何生在上今予命汝一
無起穢以自臭恐人倚乃身迂乃心予迓續乃命于天子豈汝
威用奉畜汝衆予念我先神后之勞爾先予丕克羞爾用懷爾

然失于政陳于茲高后丕乃崇降罪疾曰曷虐朕民汝萬民乃
不生暨予一人猷同心先后丕降與汝罪疾曰曷不暨朕幼
孫有比故有爽德自上其罰汝汝罔能迪古我先后既勞乃祖
乃父汝共作我畜民汝有戕則在乃心我先后綏乃祖乃父乃
祖乃父乃斷棄汝不救乃死茲予有亂政同位具乃貝玉乃祖
乃父丕乃告我高后曰作丕刑于朕孫迪高后丕乃崇降弗祥
嗚呼今予告汝不易永敬大恤無胥絕遠汝分猷念以相從各
設中于乃心乃有不吉不迪顛越不恭暫遇姦宄我乃劓殄滅
之無遺育無俾易種于茲新邑往哉生生今予將試以汝遷永
建乃家盤庚既遷莫厥攸居乃正厥位綏爰有衆曰無戲怠懋

建大命今予其敷心腹腎腸歷告爾百姓于朕志罔罪爾眾爾無共怒協比讒言予一人古我先王將多于前功適于山用降我凶德嘉績于朕邦今我民用蕩析離居罔有定極爾謂朕曷震動萬民以遷肆上帝將復我高祖之德亂越我家朕及篤敬恭承民命用永地于新邑肆予冲人非廢厥謀弔由靈各非敢違卜用宏茲賁賁大也嗚呼邦伯師長百執事之人尚皆隱哉予其懋簡相爾念敬我眾朕不肩好貨敢恭生生鞠人謀人之保居叙欽今我既羞告爾于朕志若否罔有弗欽無總于貨寶生

生自庸式敷民德永肩一心尚史記盤庚渡河南殷民咨胥皆書怨不欲徙盤庚乃告諭諸侯大臣曰昔高后成湯與爾之先祖俱定天下法則可修舍而弗勉何以成德乃遂陟河南治亳又曰帝小辛立殷復衰百姓思盤

庚廼作盤庚三篇說誤

盤庚治亳行湯之政然後百姓由寧殷道復興諸

侯來朝以其遵成湯之德也盤庚崩弟小辛立紀年小辛名頌三年陟

辛立殷復衰小辛崩弟小乙立紀年小乙名欽十年陟前編二十八祀

武丁高宗

祖庚

祖甲

亶辛

庚丁

武乙

王太丁

帝乙

武丁小乙之子也紀年武丁名昭元年丁未命卿士甘盤

小乙崩武丁立甘盤為

相皇極經世王宅憂亮陰三祀既免喪其惟弗言羣臣咸諫于王曰

嗚呼知之曰明哲明哲實作則天子惟君萬邦百官承式王言

惟作命不言臣下罔攸稟令王庸作書以誥曰以台正于四方

台恐德弗類茲故弗言恭默思道夢帝賚予良弼其代予言乃

審厥象俾以形旁求于天下說築傅巖之野惟肖爰立作相王
置諸其左右命之曰朝夕納誨以輔台德若金用汝作礪若濟
巨川用汝作舟楫若歲大旱用汝作霖雨啓乃心沃朕心若藥
弗瞑眩厥疾弗瘳若跣弗視地厥足用傷惟暨乃僚罔不同心
以匡乃辟俾率先王迪我高后以康兆民嗚呼欽予時命其惟
有終說復于王曰惟木從繩則正后從諫則聖后克聖臣不命
其承疇敢不祇若王之休命惟說命總百官乃進于王曰嗚呼
明王奉若天道建邦設都樹后王君公承以大夫師長不惟逸
豫惟以亂民惟天聰明惟聖時憲惟臣欽若惟民從乂惟口起
羞惟甲冑起戎惟衣裳在笥惟干戈省厥躬王惟戒茲允茲克

明乃罔不休惟治亂在庶官官不及私昵惟其能爵罔及惡德
惟其賢慮善以動動惟厥時有其善喪厥善矜其能喪厥功惟
事事乃其有備有備無患無啓寵納侮無耻過作非惟厥攸居
政事惟醇黷于祭祀時謂弗欽禮煩則亂事神則難王曰旨哉
說乃言惟服乃不良于言予罔聞于行說拜稽首曰非知之艱
行之惟艱王忱不艱允協于先王成德惟說不言有厥咎王曰
來汝說台小子舊學于甘盤既乃遜于荒野入宅于河自河徂
亳暨厥終罔顯爾惟訓于朕志若作酒醴爾惟麴蘖若作和羹
爾惟鹽梅爾交修予罔予棄予惟克邁乃訓說曰王人求多聞
時惟建事學于古訓乃有獲事不師古以克永世匪說攸聞惟

學遜志務時敏厥修乃來允懷于茲道積于厥躬惟敬學半念
 終始典于學厥德脩罔覺監于先王成憲其永無愆惟說式克
 欽承旁招俊乂列于庶位王曰嗚呼說四海之內咸仰朕德時
 乃風股肱惟人良臣惟聖昔先正保衡作我先王乃曰予弗克
 俾厥后惟堯舜其心愧耻若撻于市一夫不獲則曰時予之辜
 佑我烈祖格于皇天爾尚明保予罔俾阿衡專美有商惟后非
 賢不乂惟賢非后不食其爾克紹乃辟于先王永綏民說拜稽
 首曰敢對揚天子之休命尚書武丁祭成湯有飛雉升鼎耳而雉
 祖已訓諸王作高宗彤日彤祭明日又祭之名殷曰彤周曰繹高宗之訓書後篇序亡尚
 書大傳武丁祭成湯有雉飛升鼎耳而雉祖已曰雉者野鳥升
 于鼎者欲為用也無則遠方將有來朝者故武丁內反諸已以

思先王之道三年編髮重譯來朝者六國孔子曰吾于高宗彤
 日見德之有報之疾也○按史記前載祖已之訓于武丁時又
 曰武丁崩祖庚立祖已嘉武丁以祥雉為德立其廟為高宗作
 高宗彤日及訓三二行間矛盾乃爾通鑑前編斷以高宗廟號
 遂因史記之言以為祭高宗蔡沈書注引祀豐于昵以為高宗
 祭禰廟未詳孰是古今注高宗時有雉雉之祥服章多用翟羽
 武丁修政行德天下咸驩殷道復興史尚書大傳湯之後武丁
 生于朝七日而大拱武丁懼側身修行三年之後重譯而朝六
 國說苑成湯之後先王道缺桑穀俱生乎朝七日而大拱召其
 相而問焉其相曰吾雖知之吾弗得言也問諸祖已曰穀者野
 草也而生于朝意者國亡乎武丁恐駭飭身修行思先王之政
 三年之後蠻夷重譯而朝者七

國○按祥桑見太戊時說誤武丁伐鬼方三年克之易易乾
 殷道中衰王道陵遲至于高宗內理其國以得民心扶救衰微
 伐征遠方三年而惡消滅王道成詩殷武奮伐荆楚朱子疑即
 鬼方

武丁子曰祖庚祖庚弟曰祖甲武丁欲廢祖庚立祖甲祖
 甲以為不義逃于民間康成尚書注武丁崩祖庚立紀年祖庚名祖
 甲曜十一年陟祖

已嘉武丁之以祥雉為德立其廟為高宗祖庚崩弟祖甲立紀年

祖甲名載元年丁巳三十三年陟書無逸其在祖甲不義惟王

○按史記祖甲立是為帝甲帝甲淫亂殷復衰國語亦曰帝甲

亂之七世而隕通鑑前編遂以無逸之祖甲為太甲而主孔安

國傳蔡沈書注則以祖甲為祖甲而主鄭注雖鄭註不知其所

本要亦非臆說也且違祖甲崩子廩辛立紀年憑辛名先四年

傳而遵經于義為正祖甲崩子廩辛立陟古今人物表帝王

世紀俱廩辛崩弟庚丁立紀年庚丁名庚丁崩子武乙立紀年

作憑辛武乙名瞿三十五年大雷震死殷復去亳徙河北帝武乙無道為偶人謂之天神

與之博令人為行天神不勝乃僂辱之為革囊盛血仰而射之

命曰射天武乙獵于河渭之間暴雷武乙震死子太丁立紀年

名託十三年陟○按太丁太文丁甲之父史疑誤當遵紀年

太丁崩子帝乙立帝乙立殷益衰

史紀年帝乙名記美九年陟

帝辛紂

帝辛者帝乙之子帝乙長子曰微子啟啟母賤不得嗣少子辛

辛母正后辛為嗣呂氏春秋紂同母三人長曰微子啟次曰仲

啟與仲衍也尚為妾已而為妻而後生紂紂父母欲置微子啟

為太子太史據法而爭之曰有妻之子不可置妾之子紂故為

後康成亦謂同母帝乙崩子辛立天下謂之紂紂資辨捷疾聞見甚敏

材力過人手格猛獸論衡紂力能索鐵申鉤撫梁易柱帝王世

姣美天下之傑筋力越勁百紀紂倒曳九牛撫梁易柱荀子桀紂長巨

人之敵新書紂自謂天王知足以距諫言足以飾非矜人臣

以能高天下以聲以為皆出已之下好酒淫樂嬖于婦人愛妲

已紀年帝辛九祀伐妲已之言是從於是使師涓作新淫聲北

里之舞靡靡之樂厚賦稅以實鹿臺之錢而盈鉅橋之粟益收

尚史

商本紀卷三

狗馬奇物充仞宮室益廣沙邱苑臺多取野獸蜚鳥置其中史記

紀年自盤庚徙殷至紂更不徙都紂時稍大其邑南距朝歌北據邯鄲及沙邱皆為離宮別館新序紂為鹿臺七年而成其大三里高千尺臨望雲烟世本紂為玉牀造傾宮作瓊室飾以美玉七年乃成其大

十里其高千丈多發美女以充傾宮之室帝王世紀紂沈湎于酒以

糟為邱以酒為池車行酒騎行炙百二十日為一夜長夜之飲

忘其甲子衡論百姓怨望而諸侯有畔者於是乃重刑辟有炮烙

之法史記生燔人聞其臭剔孕婦見其化斲朝涉之足察其拇春秋

繁列女傳膏銅柱加之炭令有罪者行其上輒墮炭中妲己乃露笑帝王世紀紂欲重刑乃先作大熨斗以火熨之使人舉不能勝輒爛手淮南子紂為天子賦歛無度戮殺無止康梁沈湎宮中成市天下同心而苦之纏子紂煮熊燔不熟而殺庖人太公金匱紂嘗以六月獵于西土發民逐禽民諫曰六月天務復施地務長養今盛夏逐禽而元元懸于野君踐一日之苗而民

百日不食天子失道後必無福紂以為妖言而誅之帝王世紀紂剖比干妻以視其胎水經注老人晨將渡水而沈吟難濟紂問其故左右曰老者髓不實以西伯昌九侯一作鄂侯為三公

九侯有好女入之紂九侯女不憚淫紂怒殺之而醢九侯潛夫論昔紂好色九侯獻厥女紂大喜以為天下之麗莫若此妲己懼乃

俯而泣曰君之年即者邪何貌惡若此而謂之好也因白九侯之正道乃欲以此惑君王弗誅何以革後紂遂脯厥女而烹九侯自此之後天下有美女者皆重室晝閉唯恐紂之聞也春秋繁露紂殺梅伯以為醢刑鬼侯之女取其環鄂侯爭之彊辨之疾并脯鄂侯西伯昌

聞之竊嘆崇侯虎知之以告紂紂囚西伯美里西伯之臣闕天

之徒求美女奇物善馬以獻紂紂乃赦西伯西伯出而獻洛西

之地以請除炮烙之刑紂乃許之賜弓矢斧鉞使得征伐為西

伯淮南子散宜生以千金求得騶虞奚斯之乘元玉百工大貝百朋元豹黃熊青犴白虎文皮干合以獻于紂因費仲而通

紂見而說之乃免其身殺牛而賜之文王歸乃為玉門築靈臺相女童擊鐘鼓以待紂之失也紂聞之曰西伯改道易行吾無憂矣乃為炮烙剖比干剔孕婦殺諫者文王乃而用費中為政遂其謀。漢儒險論往往若此識之以表其謬。

費中善諛好利殷人弗親紂又用惡來惡來善毀讒諸侯以此

益疏史記又曰西伯歸乃陰修德行善諸侯多叛紂而往歸西伯西伯滋大紂由是稍失權重。按此與前淮南之說皆後

世權姦之術文王不爾也或以文王承暴君之虐不敢顯行善政陰布商惠于民說亦曲非史遷本意今削之

王子比干諫弗聽商容賢者百姓愛之紂廢之史記此下序伐黎事以西伯為文王。按前編黎

者商畿內諸侯之國也西伯戡黎者武王也紂賜文王弓矢斧鉞使專征伐若崇若密須率西諸侯也自關河以東諸侯非文

王之所得討况畿內乎故諸儒皆以為武王也武王而謂之西伯何也傳曰武王伐紂曰西伯軍至洧水膠鬲曰西伯將安之

然則武王之為西伯有自來矣蔡傳兩說並存今遵前編西伯既卒周武王伐黎紂臣祖伊

聞之而咎周恐犇告紂詰見祖伊傳紂曰我生不有命在天乎祖伊

反曰紂不可諫矣武王東伐至盟津諸侯叛殷會周者八百諸

侯皆曰紂可伐矣武王曰爾未知天命乃復歸紂愈淫亂不止

微子數諫不聽遂去比干強諫紂怒曰吾聞聖人心有七竅

剖比干觀其心箕子懼乃詳狂為奴紂又囚之楚辭注梅伯紂

諫紂紂怒殺之菹醢其身箕子見之被髮佯狂殷之太師少師乃持其祭樂器奔周周

武王於是遂率諸侯伐紂紂亦發兵距之牧野甲子日紂兵敗

紂走入登鹿臺衣其寶玉衣赴火而死周書紂取天智玉琰五環身以自焚周武

王遂殺妲己釋箕子之囚封比干之墓表商容之閭封紂子武

庚祿父以續殷祀令修行盤庚之政殷民大說於是周武王為

天子而封殷後為諸侯屬周周武王崩武庚與管叔蔡叔作亂

成王命周公誅之而立微子於宋以續殷後焉史記

贊曰甚矣天道其若車輪乎紂踵桀轍而周乘殷軌以此始以

此終也殷道中興粵有二宗然祥桑雖雉天若惕之使凶德若

獨夫受且不必告也史記

成王命周公誅之而立微子於宋以續殷後焉

贊曰甚矣天道其若車輪乎紂踵桀轍而周乘殷軌以此始以

此終也殷道中興粵有二宗然祥桑雖雉天若惕之使凶德若

獨夫受且不必告也

史記

成王命周公誅之而立微子於宋以續殷後焉

尚史 本紀四

襄平李錯鐵君甫纂

周本紀

太王 王季 文王

太王者是為古公亶父組紺諸盭之子后稷弃之裔也舜封弃

於郃號曰后稷別姓姬氏后稷別有本傳史記子曰黎蠶黎蠶

生叔均山海經叔均始作牛耕叔均又數世生不窋呂梁史記后稷卒子

紀亦曰后稷納姑不窋末年夏后氏政衰去稷不務不窋以失

其官而犇戎狄之間不窋卒子鞠立鞠卒子公劉立史記自后稷

積德累善十餘世至公劉公劉避桀居豳漢書公劉雖在戎狄之

間復修后稷之業務耕種行地宜自漆沮度渭取材用行者有
資居者有畜積民賴其慶百姓懷之多從而保歸焉周道之興

自此始故詩人歌樂思其德吳越春秋公劉性慈仁行不履生
草運車以避葭葦避夏桀于戎狄

變易風俗公劉卒子慶節立史記慶節國于豳。按詩
篤公劉于豳斯館史誤也慶節卒

子皇僕立皇僕卒子差弗立差弗卒子毀隃立世本作
偽榆毀隃卒

子公非立公非卒辟方立帝王世紀公
非字辟方辟方卒高圉立國語高
圉能帥

稷者也周人報焉紀年殷
祖乙十五年命邠侯高圉高圉卒侯牟立漢書侯牟
作夷埃侯牟卒亞

圉立紀年盤庚十九
年命邠侯亞圉亞圉卒雲都立漢書雲都亞圉弟帝王
世紀亞圉雲都字也雲

都卒太公組紺諸整立紀年祖甲十三年命邠侯組紺
表作叔類帝王世紀公祖一名組紺諸

整字叔類號曰太公。按史記作公叔祖類世本作太公組紺
諸整似并為一人也自公非以下據世本增辟方侯牟雲都數

世或子或
弟未詳組紺諸整卒子古公亶父立古公亶父復修后稷公

劉之業積德行義國人皆戴之薰育戎狄攻之欲得財物予之

已復攻欲得地與民民皆怒欲戰古公曰有民立君將以利之

今戎狄所為攻戰以吾地與民民之在我與其在彼何異民欲

以我故戰殺人父子而君之予不忍為乃與私屬遂去豳渡漆

沮踰梁山止於岐下豳人舉國扶老携弱盡復歸古公于岐下

及他旁國聞古公仁亦多歸之吳越春秋古公杖策去邠踰梁
山處岐周曰彼君與我何異邠

人父子兄弟相率負老携幼揭釜甑而歸古公居三月成城郭
一年成邑二年成都而民五倍其初後漢書武乙暴虐犬戎寇

邊周古公踰梁山而避于岐下琴苑要錄岐山操周太王之所
作也曰戎狄侵兮土地遷移邦邑適于岐山豳民不憂兮誰者

知嗟嗟奈何
兮予命遭斯於是古公乃貶戎狄之俗而營築城郭室屋而邑

別居之作五官有司民皆歌樂之頌其德古公有長子曰太伯
 次曰虞仲太姜生少子季歷季歷取太任皆賢婦人生昌有聖
 瑞古公曰我世當有興者其在昌乎太伯虞仲知古公欲立季
 歷以傳昌乃二人亡如荆蠻文身斷髮以讓季歷古公卒季歷
 立是為公季公季修古公遺道篤於行義諸侯順之史記公季當
 殷武乙之時公季伐西落鬼戎紀年武乙三十四年周公季歷
 十四三十五年季歷伐西落鬼戎俘二十翟王紀年太丁時公季復伐燕京之戎戎人大敗
 周師紀年文丁二年周人伐燕京之戎周師大敗紀年後二年周人克余無之戎於是太
 丁命公季為牧師紀年文丁四年周人伐余無之戎紀年自是之後更
 伐始呼翳徒之戎皆克之後漢紀年文丁七年周人伐始呼之
 戎克之書文丁十一年周人伐翳徒之

戎捷其三大夫王嘉季歷之功賜之圭瓚秬鬯九命為伯孔叢
 子羊容問子思曰古之帝王中分天下使二公治之謂之二伯
 周自后稷封為王者後子孫據國至太王王季文王此固世為
 諸侯矣焉得為西伯乎子思曰吾聞諸子夏殷王帝乙之時王
 季以公九命作伯受圭瓚秬鬯紀年文丁執諸塞庫季
 之賜故文王因之得專征伐紀年公季卒紀年文丁死紀年諸塞庫季
 鄆縣之南山子昌立是為西伯西伯曰文王白虎通文王四乳是謂
 夢長人感已溲于豕牢而生昌龍顏虎肩身長十尺臂有四乳
 乳春秋合誠圖蒼帝之為人望之廣視之專而長九尺一寸遵
 后稷公劉之業則古公公季之法篤仁敬老慈少禮下賢者日
 中不暇食以待士士以此多歸之墨子文王封于岐周方地百
 是以近者安其政遠者歸其德聞文王者皆起而趨之罷不肖
 股肱不利者處而願之曰奈何乎使文王之地及我乎吾則吾
 利豈不亦猶文王之民也哉又曰文王之治西土若日若月乍
 光于西方于西土不為大國侮小國不為眾庶侮鰥寡不為暴
 勢奪穡人黍稷狗彘天屑臨文王慈是以老而無子者有所待
 終其壽連獨無兄弟者有所雜于生人之間少失其父母者有

所放依而長伯夷叔齊在孤竹聞西伯善養老往歸之太顛閔

天散宜生鬻子辛甲大夫之徒皆往歸之帝王世紀太顛閔天

咸至是為四臣文王雖在崇侯虎譖西伯于殷紂曰西伯積善

累德諸侯皆嚮之將不利紂乃囚西伯於羑里閔天之徒患之

乃求有莘氏美女驪戎之文馬有熊九駟他奇怪物因殷嬖臣

費仲而獻之紂紂大喜說曰此一物足以釋西伯况其多乎乃

赦西伯賜之弓矢斧鉞使得征伐曰譖西伯者崇侯虎也呂氏春秋

紂為無道殺梅伯而醢之殺鬼侯而脯之以禮諸侯于廟文王

流涕而咨之紂恐其叛欲殺文王而滅周文王曰父雖無道子

敢不事君雖不惠臣敢不事孰王而可叛也紂乃赦之六韜商

王拘周伯于羑里太公與散宜生以金千鎰求天下珍物得犬

戎氏文馬駮身朱鬣目如金黃項下雞毛名曰雞斯之乘以獻

商王今本無古今樂錄文王囚于羑里太顛之屬往見文王

文王為曠右目者言紂之好色拊捋其腹者言欲得其實蹠躐

其足者使迅疾也於是周流求之以獻紂琴操文王備修道德

百姓親附是時崇侯虎與文王列為諸侯德不及文王常嫉妬

之乃譖文王于紂曰西伯昌聖人也長子發中子旦皆聖人也

三聖合謀君其慮之乃囚文王于羑里將欲殺之於是文王四

臣散宜生等周流海內得美女二人水中大貝白馬朱鬣以獻

于紂陳于中庭紂立出西伯新書紂作桎數千睨諸侯之不諂

已者杖而桎之文王桎桎于羑里七年而後得免及武王克殷

令殷民投桎桎于河民輸桎者手撒之弗敢墜也跪入之水弗

敢投也曰昔者文王常擁此故愛思文王猶敬其桎况其法教

乎西伯乃獻洛西之地以請紂去炮烙之刑紂許之皇王大紀

昆夷之患北有獫狁之難紂乃召昌釋之因獻洛西之地請除

炮烙之刑紂大喜許之賜之弓矢斧鉞使專征伐為西方諸侯

伯呂氏春秋文王處岐事紂冤侮雅遜朝夕必時上貢必適祭

祀必敬紂喜命文王稱西伯賜之千里之地文王再拜稽首而

辭曰願為民請炮烙之刑文王非惡千里之地得民心則賢于

千里之地故曰文王智矣越絕書文王以務爭者紂為天下殘

賊奢佚不顧邦政文王以聖事紂天下皆盡誠從之此謂文王

以務爭也紂以惡刑爭文王以仁義爭此之謂也韓非子文王

尚史 周本紀卷四

侵孟克莒舉鄆三舉事而紂惡之文王乃懼請入洛西之地赤壤之國方千里以請解炮烙之刑天下皆說仲尼聞之曰仁哉文王輕千里之國解炮烙之刑智哉文王出千里之國得天下之心○呂氏以下邪辟縱橫語出戰國宜矣 西伯出

獵遇呂尚於渭之陽與語大說載與俱歸立為師楚辭注周文王夢立令狐

之津太公在後帝曰昌賜汝名師文王再拜太公夢亦如此文王出田見識所夢載與俱歸以為太師又曰呂望鼓刀在列肆

文王親往問之呂望對曰下屠屠牛上屠屠國文王喜載與俱歸也潛夫論文王游畋遇姜尚於渭濱察言觀志而見其心不

諮左右不諛羣臣遂載反歸委之以政抱朴子文王之接呂尚桑陰未移而知其可師矣 西伯行善削陰諸

侯皆來決平於是虞芮之人有獄不能決乃如周入界耕者皆

讓畔民俗皆讓長虞芮之人未見西伯皆慚相謂曰吾所爭周

人所耻何往為祇取辱耳遂還俱讓而去諸侯聞之曰西伯蓋

受命之君家語虞芮二國爭田而訟連年不決乃相謂曰西伯

仁人也蓋往質之入其境則耕者讓畔行者讓路入

其朝士讓於大夫大夫讓于卿虞芮之君曰嘻吾儕小人也

可以入君子之朝遂自相與而退以所爭之田為間田也孔子

曰以此觀之文王之道其不可加焉不令而從不教而聽至矣

哉孔安國書傳周自虞芮質厥成諸侯並附以為受命之年至

九年而文王卒正義毛傳稱天下聞虞芮之訟息歸周者四十

餘國知周自虞芮質成諸侯並附以為受命之年改稱元年至

九年而文王卒史記正義注二國相讓後諸侯咸尊西伯為王

蓋此年受命之年稱王也尚書大傳一年斷虞芮之質二年伐

邢三年伐密須四年伐大夷五年伐耆六年伐崇○按文

王無改元事歐陽氏嘗論之說見武王紀稱王說尤妄 明年

伐大戎明年伐密須姑姓之國說苑文王曰吾欲用兵誰可伐

君天下之明君也伐之不義太公望曰吾聞之先王伐枉不伐

順伐嶮不伐易伐過不伐不及文王曰善遂伐密須氏滅之

明年敗耆國正義注即黎國○按 明年伐邢明年伐崇侯虎

說苑文王欲伐崇先宣言曰余聞崇侯虎滅侮父兄不敬長老

聽獄不中分財不均百姓力盡不得衣食余將來征之唯為民

乃伐崇令毋殺人毋壞室毋填井毋伐樹木毋動六畜有不如

令者死無赦崇人聞之因請降韓非子文王伐崇至鳳黃墟韞

尚史 周本紀卷四 五

繫解因自結太公望曰何為也王曰君與處皆其師中皆其友
下盡其使也今皆先君之臣故無可使也又作晉文公呂覽作
武作豐邑自岐下徙都豐紀年周大飢西伯自程遷于豐周書

匡以召牧其方三州之侯咸率王乃召冢卿三老三吏大夫百
執事之人朝于大庭曰不穀不德政事不時國家罷病不能胥
匡二三子尚助不穀官考厥職鄉問其人因其耆老及其總害
慎問其故無隱乃情及某日以告于廟有不用命有常不赦王
既發命入食不舉百官質方不食養及期日質明王麻衣以
朝朝中無采衣官考其職卿問其利因謀其蓄旁匡於眾無敢
有違詰退驕頑方收不服慎惟怠惰什伍相保動觀游居事節
時茂農夫任戶戶盡夫出農廩分鄉鄉命受糧程課物徵躬競
比藏藏不閉糴糴不加均賦洒其幣鄉正保貸成年不償信誠
匡助以輔殖財財殖足食克賦為征數口以食食均有賦外食
不贍開關通糧糧窮不轉孤寡不廢滯不轉留戍城不留足
以守出旅分均馳車送逝旦夕運糧於是告四方遊旅旁生忻
通津濟道宿所至如歸幣租輕乃作毋以行其子易資貴賤以
均遊旅無使滯無粥熟無室市權內外以立均無蚤暮閭次均
行均行眾從積而勿口以罰助均無使之窮平均無乏利民不
淫無播蔬無種以數度多少省用祈而不實祭服漱不制車

不雕飾人不食肉畜不食穀國不鄉射樂不牆合牆屋有補無
作資農不敗務非公卿不實實不過具哭不留日登降一等庶
人不獨葬伍有值送往迎來亦如之明年西伯薨即位五十年
有不用命有常不違○餘篇不具載

史記又曰西伯受命之年稱王而斷虞芮之訟改法度制正
記朔追尊古公為太王公季為王季○說非是呂氏春秋文王
之時天先見火赤烏銜丹書集于周社文王

曰火氣勝火氣勝故其色尚赤其事則火年九十七禮葬于異
皇王括地志墓在雍州萬年文王之為世子也朝于王季日三
大紀縣西南二十八里原上

雞初鳴而衣服至于寢門外問內豎之御者曰今日安否何如
內豎曰安文王乃喜及日中又至亦如之及莫又至亦如之其

有不安節則內豎以告文王文王色憂行不能正履王季復膳

然後亦復初食上必在視寒暖之節食下問所膳命膳宰曰未

有原應曰諾然後退文王之祭也事死者如事生思死者如不

欲生忌日必哀稱諱如見親祀之忠也

禮記

其囚羸里演易繫卦

史唐孔氏正義伏羲初畫八卦因其八而更重之為六十四辭卦也繫辭曰因而重之爻在其中矣是也然重卦之人凡

為四說王輔嗣等以為伏羲重卦鄭康成之徒以為神農重卦孫盛以為夏禹重卦史遷等以為文王重卦其言夏禹及文王

重卦者案繫辭神農之時已有蓋取益與噬嗑以此論之不攻自破其言神農重卦亦未為得今依輔嗣以伏羲既畫八卦即

自重為六十四卦為得其實史記其囚羸里蓋益易之八卦為六十四卦琴操文王在羸里時演易八卦以六十四乃申憤以

作歌曰殷道溷溷浸濁煩兮朱紫相合不分別兮迷亂聲色信讒言兮炎炎之虐使我愆兮幽閉牢穽由其言兮邁我四人憂

勤勤兮史說誤今遵正其作靈臺掘地得死人骨吏以聞文義琴歌俚鄙非文王語

王曰更葬之吏曰此無主矣文王曰寡人固其主又安求主天

下聞之皆曰文王賢矣澤及枯骨新呂覽同淮南子文王葬死序人之骸而九夷歸之新書

文王夢人登城而呼之曰我東北陬之膏骨也速以王禮葬我文王曰諾覺召史視之信有焉吏曰此無主矣請以五大夫禮

文王曰吾已許之矣奈何其倍之也士民間之曰我君不以夢之故倍橐骨况生人乎

發曰見善勿怠時至勿疑去非勿處此三者道之所止也及武

王克殷祀于太廟追王古公亶父曰太王季歷曰王季文考曰

文王皇王大紀

武王武王

武王名發文王之世子也論衡武王望陽白虎通武王望羊是謂攝揚盱目陳兵天下富昌春秋元

命苞武王駢齒是謂剛強宋書符瑞志太姒夢商庭生棘太子發植梓樹于闕間化為松柏棫柞以告文王文王幣告羣臣與發

並拜吉夢文王崩太子發立是為武王武王即位太公望為師周公

旦為輔召公畢公之徒左右王師修文王緒業淮南子武王陰暘人於樹下左

擁而右扇之而周本紀卷四十一年武王戡黎殷之臣祖伊聞之懼以告帝

紂紂曰不有天命乎是何能為

史記以戡黎為文王辯見紂紀

東觀兵至于盟津為文王木主載以車中軍武王自稱太子發言奉文王以伐不敢自專乃告司馬司徒司空諸節齊栗信哉予無知以先祖有德臣小子受先功畢力賞罰以定其功遂興師師尚父號曰總爾眾庶與爾舟楫後至者斬武王渡河中流白魚躍入王舟中武王俯取以祭既渡有火自上復于下至于王屋流為鳥其色赤其聲鳧云是時諸侯不期而會盟津者八百諸侯皆曰紂可伐矣武王曰女未知天命未可也乃還師歸淮南子武王伐紂載尸而行海內未定故不為三年之喪越絕書文王死九年八百諸侯一旦會于孟津不言同辭欲從武王伐紂當是時比干箕子微子尚在武王賢之不敢伐也歸二年乃興師伐紂通鑑前編三十有一祀周西伯發十一年西伯東觀兵勸黎又曰昔者紂為黎之蒐則黎乃紂濟惡之國武王觀政于商則戡黎之師或因以警紂耳。按武王十一年觀兵戡黎十三年逾孟津伐紂太史公由未見古文尚書故引河內女子偽泰誓之語誤以伐紂之師為觀兵孟津又居二年聞紂昏誤以十一年為九年也淮南說尤誤今遵前編

亂暴虐滋甚殺王子比干囚箕子太師疵少師彊抱其樂器而

犇周於是西伯徧告諸侯曰殷有重罪不可以不畢伐

此下削乃遵文

王遂率戎車三百乘虎賁三千人

此下有甲士四萬五千人。按呂氏春秋選車三百虎賁

三千博物志率輿三百乘甲三千書序戎車三百兩虎賁三千人皆與經予有臣三千惟一心合且春秋以前師固未有及萬

者况武王之弔伐乎削之以從以東伐紂史記十有三年春惟十

有一年武王伐殷一月戊午師渡孟津作泰誓史記因之孔安國

書傳虞芮質成為文王受命改元之年凡九年而文王崩武王

立二年而觀兵三年而伐紂合為十有三年史記索隱大戴禮

云文王十五而生武王則武王少文王十四歲矣禮記文王九

十七而終武王九十三而終按文王崩時武王已八十三矣八

十四即位至九十三崩武王即位適滿十年言十三年伐紂者

續文王受命年欲明其卒父業故也金縢篇云惟克商二年王有疾按文王受命九年而崩十一年武王服闋觀兵孟津十三年伐紂十五年有疾後四年而崩則武王年九十三矣而太史公以為武王即位年數與尚書違甚疎矣歐陽氏曰古者人君即位必稱元年後世曲學之士說春秋始以改元為重事果重事歟西伯即位已改元矣中間不宜改元而又改元至武王即

位宜改元反不改元乃上冒先君之元年並其居喪稱十一年及其滅商而得天下其事大于聽訟遠矣又不改元學者知西伯生不稱王不再改元則詩書所載文武之事粲然明白矣朱子蔡傳並作武王之十三年。按書序及史說倍經孔傳索隱違禮今遵朱蔡大會于孟津王曰嗟我友邦冢君越我御事庶士明聽

誓惟天地萬物父母惟人萬物之靈亶聰明作元后元后作民父母今商王受弗敬上天降災下民沈湎冒色敢行暴虐罪人以族官人以世惟宮室臺榭陂池侈服以殘害於爾萬姓焚炙忠良剗剔孕婦皇天震怒命我文考肅將天威大勳未集肆予小子發以爾友邦冢君觀政于商惟受罔有悛心乃夷居弗事上帝神祇遺厥先宗廟弗祀犧牲粢盛既于凶盜乃曰吾有民有命罔懲其侮天佑下民作之君作之師惟其克相上帝寵綏

四方有罪無罪予曷敢有越厥志同力度德同德度義受有臣億萬惟億萬心予有臣三千惟一心商罪貫盈天命誅之予弗順天厥罪惟鈞予小子夙夜祇懼受命文考類于上帝宜于冢土以爾有衆底天之罰天矜于民民之所欲天必從之爾尚弼予一人永清四海時哉弗可失惟戊午王次于河朔羣后以師畢會王乃徇師而誓曰嗚呼西土有衆咸聽朕言我聞吉人爲善惟日不足凶人爲不善亦惟日不足今商王受力行無度播棄羣老昵比罪人淫酗肆虐臣下化之朋家作仇脅權相滅無辜顓天穢德彰聞惟天惠民惟辟奉天有夏桀弗克若天流毒下國天乃佑命成湯降黜夏命惟受罪浮于桀剝喪元良賊虐

諫輔謂已有天命謂敬不足行謂祭無益謂暴無傷厥監惟不
遠在彼夏王天其以予乂民朕夢協朕卜襲于休祥戎商必克
受有億兆夷人離心離德予有亂臣十人同心同德雖有周親
不如仁人天視自我民視天聽自我民聽百姓有過在予一人
今朕必往我武惟揚侵于之疆取彼凶殘我伐用張于湯有光
勗哉夫子罔或無畏寧執非敵百姓懍懍若崩厥角嗚呼乃一
德一心立定厥功惟克永世時厥明王乃大巡六師明誓衆士
王曰嗚呼我西土君子天有顯道厥類惟彰今商王受狎侮五
常荒怠弗敬自絕于天結怨于民斲朝涉之脛剖賢人之心作
威殺戮毒痛四海崇信姦回放黜師保屏棄典刑囚奴正士郊

社不修宗廟不享作竒技淫巧以悅婦人上帝弗順祝降時喪
爾其孜孜奉予一人恭行天罰古人有言曰撫我則后虐我則
讎獨夫受洪惟作威乃汝世讎樹德務滋除惡務本肆予小子
誕以爾衆士殄殲乃讎爾衆士其尚迪果毅以登乃辟功多有
厚賞不迪有顯戮嗚呼惟我文考若日月之照臨光于四方顯
于西土惟我有周誕受多方予克受非予武惟朕文考無罪受
克予非朕文考有罪惟予小子無良

史記十一年十二月戊午師畢渡盟津諸侯咸會曰

孽孽無怠武王乃作泰誓告于衆庶今殷王紂乃用其婦人之
言自絕于天毀壞其三正離過其王父母弟乃斷弃其先祖之
樂乃為淫聲用變亂正聲怡悅婦人故今予發惟共行天罰勉
哉夫子不可再不可三○此亦偽泰誓文而髣髴牧誓者呂氏
春秋武王使人候殷反報曰殷其亂矣讒慝勝良武王曰未也
復往反報曰亂加矣賢者出走矣武王曰未也又往反報曰亂

甚矣百姓不敢誹怨矣武王曰嘻遽告太公太公對曰讒慝勝
良命曰戮賢者出走命曰崩百姓不敢誹怨命曰刑勝其亂至
矣不可以加矣故選車三百虎賁三千朝要甲子之期而紂為
禽淮南子武王伐紂渡于孟津陽侯之波逆流而擊疾風晦冥
人馬不相見於是武王左操黃鉞右秉白旄瞋目而撫之曰余
在天下誰敢害吾意者於是風濟而波罷拾遺記武王伐紂夜
濟河雲明如晝八百之族皆齊而歌有大蜂狀如丹時甲子昧
鳥飛集王舟因畫其旗翼日而梟紂名其船曰蜂舟時甲子昧
爽王朝至于商郊牧野乃誓王左杖黃鉞右秉白旄以麾曰逃
矣西土之人王曰嗟我友邦冢君御事司徒司馬司空亞旅師
氏千夫長百夫長及庸蜀羌髳微盧彭濮人呂氏春秋武王至
殷郊係墮五人御
于前莫肯之為曰吾所以事君者非係也武王左釋白羽右釋
黃鉞勉而自為係孔子聞之曰此五人者之所以為王者佐也
不肖主之所以不安也華陽國志武王伐紂實得巴蜀之師巴
蜀勇銳歌舞以凌殷人倒戈故世稱之曰武王伐紂前歌後舞
稱爾戈比爾干立爾矛予其誓王曰古人有言曰牝雞無晨牝

雞之晨惟家之索今商王受惟婦言是用昏棄厥肆祀弗答昏
棄厥遺王父母弟不廸乃惟四方之多罪逋逃是崇是長是信
是使是以為大夫卿士俾暴虐于百姓以姦宄於商邑今予發
惟恭行天之罰今日之事不愆于六步七步乃止齊焉夫子勗
哉不愆于四伐五伐六伐七伐乃止齊焉勗哉夫子尚桓桓如
虎如貔如熊如羆于商郊弗迓克奔以役西土勗哉夫子爾所
弗勗其于爾躬有戮尚書誓已諸侯兵會者車四千乘陳師牧野
帝紂聞武王來亦發兵若林距武王武王使師尚父與百夫致
師以大卒馳帝紂師紂師雖眾皆無戰心心欲武王亟入紂師
皆倒兵以戰以開武王淮南子紂之士億有餘萬然皆倒戈而
射旁戟而戰武王左操黃鉞右執白旄

以麾之則瓦解而走鬻子武王伐紂紂虎旅百萬陳于商郊起自黃鳥至于赤斧三軍之士靡不失色武王乃命太公把白旄以麾之紂軍反走尚書大傳武王與紂戰于牧之野紂之卒輻分紂之車瓦裂紂之甲魚鱗下賀乎武王論衡武王伐紂太公陰謀食小兒以丹令身純赤長大教言殷亡殷民見之皆謂商滅兵至牧野晨舉脂燭姦謀惑民權掩不備周之所諱也○按此與魚帛狐篝無異曾謂太公謀同戍卒乎武王馳之紂兵皆崩畔紂紂走反入登

于鹿臺之上蒙衣其珠玉自燔于火而死周書紂取天智玉琰環身厚以自焚五日

武王俾人求之天智玉五在火中不銷武王乃揖諸侯諸侯畢從武王至商國商

國百姓咸待于郊於是武王使羣臣告語商百姓曰上天降休

商人皆再拜稽首武王亦答拜史記又曰武王持太白旗麾諸侯

此本之逸周書氣象不類聖人武王遂入史記紂之官位舉紂之

軀棄之玉門之外民之觀者皆進蹴之武王使人帷而守之賈誼

新淮南子紂拘于宣室不反其過而悔不誅文王于羑里周書

書商師大敗商主奔內登于廩臺之上屏遮而自燔于火武王

乃手太白以麾諸侯諸侯畢拜遂揖之商庶百姓咸俟于郊羣

實僉進曰上天降休再拜稽首武王答拜先入適王所乃射

之三發而後下車擊之以輕呂斬之以黃鉞折懸諸太白適二

女之所乃既縊王又射之三發乃又擊之以輕呂斬之以元鉞

懸諸小白乃出場于厥軍史記同墨子武王戰乎牧之野王手

禽費仲惡來眾畔百走武王入奔入宮萬年梓株折紂而繫之

赤環載之白旗以為天下諸侯論衡紂赴火死武王就斬以

鉞懸其首于大白之旗古今注武王以黃鉞斬紂故王者以為

戒太公以元鉞斬妲己故婦人以為戒尸子武王親乃出復車射惡來之口親斫殷紂之頸手汚于血不温而食其明日除道修社及商紂宮及期百夫荷罕旗以先驅武王弟叔振鐸奉陳常車周公旦把大鉞畢公把小鉞以夾武王散宜生太顛閎夭皆執劔以衛武王既入立于社南大卒之左右畢從毛叔鄭奉明水衛康叔封布茲召公奭贊采師尚父牽牲尹

佚莢祝曰殷之末孫季紂殄廢先王明德侮蔑神祇不祀昏暴
商邑百姓其章顯聞于天上帝於是武王再拜稽首曰膺更
大命草殷受天明命武王又再拜稽首乃出周書略同已而命召公

釋箕子之囚命畢公釋百姓之囚表商容之間命南宮适散鹿

臺之財發鉅橋之粟以振貧弱萌隸命南宮括史佚展九鼎保

玉命閔天封比干之墓命宗祝享祠于軍史周書記同周公旦進殷

之遺老問殷之亡故民之所欲遺老欲復盤庚之政於是武王

復盤庚之政呂氏淮南子封比干之象表商容之間柴箕子之

鼓折枹弛弓絕絃去舍露宿以示平易解劍帶笏以示無仇越

絕書武王朝天下興師伐紂殺之武王未下車封比干之墓發

太倉之粟以贍天下封微子于宋此武王以禮信也說苑上堂

見玉曰誰之玉也曰諸侯之玉即取而歸之諸侯天下聞之曰

武王廉于財矣入室見女曰誰之女也曰諸侯之女也即取而

歸之諸侯天下聞之曰武王廉于色矣於是發鉅橋之粟散鹿

臺之財以周書乃罷兵西歸行狩記政事周書記滅殷分俘作武成

與士民與士民惟一月壬辰旁死魄越翼日癸巳王朝步自周于征伐商底

商之罪告于皇天后土所過名山大川曰惟有道曾孫周王發

將有大正于商今商王受無道暴殄天物害虐烝民為天下逋

逃主萃淵藪予小子既獲仁人敢祇承上帝以遏亂畧華夏蠻

貊罔不率俾惟爾有神尚克相予以濟兆民無作神羞既戊午

師逾孟津癸亥陳于商郊俟天休命甲子昧爽受率其旅若林
會于牧野罔有敵于我師前徒倒戈攻于後以北血流漂杵一
戎衣天下大定乃反商政政由舊釋箕子囚封比干墓式商容

間散鹿臺之財發鉅橋之粟大賚於四海而萬姓悅服厥四月

哉生明王來自商至于豐乃偃武修文歸馬於華山之陽放牛

於桃林之野示天下弗服呂氏春秋濟于河西歸報于廟乃稅馬于華山稅牛于桃林馬弗復乘牛

弗復服釁鼓旗甲兵藏既生魄庶邦冢君暨百工受命于周丁

未祀于周廟邦甸侯衛駿奔走執豆籩越三日庚戌柴望大告

武成王若曰嗚呼羣后惟先王建邦啓土公劉克篤前烈至于

太王肇基王迹王季其勤王家我文考文王克成厥勲誕膺天

命以撫方夏大邦畏其力小邦懷其德惟九年大統未集予小

子其承厥志恭天成命肆予東征綏厥士女惟其士女篚厥玄

黃昭我周王天休震動用附我大邑周列爵惟五分土惟三建

官惟賢位事惟能重民五教惟食喪祭惇信明義崇德報功垂

拱而天下治尚書遂率天下諸侯追王太王亶父王季歷文王昌

不以卑臨尊也禮記武王大建公侯于天下封黃帝之後于祝唐

帝之後于薊虞帝之後胡公媯滿于陳以備三恪封夏后氏之

後東婁公于杞封紂子武庚于殷皆為上公是為二王之後禮記

武王克殷反商未及下車而封黃帝之後于薊封帝堯之後于

祝封帝舜之後于陳下車而封夏后氏之後于杞投殷之後于

宋韓詩外傳同呂氏春秋武王入殷未下輿命封黃帝之後于

鑄帝堯之後于黎帝舜之後于陳下輿命封夏后氏之後于杞立

成湯之後于宋以奉桑林得神農之後封之于焦封尚父于齊周公于魯召

公于燕庶叔高于畢皆留相周封叔鮮于管叔度于蔡叔處于

于曹叔武于邠季載于邠封庶弟叔繡于滕叔鄭于毛又封諸
叔于郕于雍于原于郇于豐虢仲虢叔為文王卿士仲封于西
虢叔封于東虢初泰伯仲雍奔荆楚遂為國自號勾吳泰伯薨
仲雍嗣使求其後得仲雍曾孫周章世君吳矣因封之曰吳伯
復封章弟為虞仲封少昊之裔茲與于莒封祝融安期之裔挾
于邾封四岳姜姓文叔于許封仲虺弟雍滑之後于薛兄弟之
君十有五人同姓者四十人班宗彝作分器皇王書序武王既勝大紀殷邦諸侯班宗
彝作分器。篇亡。墨子武王使諸侯分其祭曰使親者受內祀疏者受外祀武王問箕子以天道箕
子以洪範陳之武王徵九牧之君登幽之阜以望商邑至于周
自夜不寐周公旦即王所曰曷為不寐王曰告女維天不饗殷

自發未生于今六十年麋鹿在牧周書及隨巢子並作夷蜚鴻

滿野高誘注蜚鴻蠖蠓言蔽田滿野為災也隨巢子作飛拾飛拾蟲也正義飛鴻滿野喻忠賢君見放棄也楊慎曰蜚鴻

馬名言養無用而害有用也天不享殷乃今有成維天建殷其登名民三百

六十夫不顯亦不賓滅索隱言殷登進名賢之人既無非大賢故殷家不大光昭亦不即至賓滅以

至今我未定天保何暇寐王曰定天保依天室悉求夫惡貶從

殷王受索隱言悉取夫惡人不知天命不順周家者咸貶責之與受同罪日夜勞來我西土我

維顯服及德方明白洛汭延于伊汭居易毋固其有夏之居我

南望三塗北望嶽鄙顧詹有河粵詹洛伊毋遠天室營周居于

維邑而後去史記西旅獻獒太保作旅獒巢伯來朝芮伯作旅巢

命書下篇克殷後二年武王病天下未集羣公懼穆卜周公乃

後齋自為質欲代武王武王有瘳後而崩

禮記武王九十三而終紀年武王年五十

四括地志墓在雍州萬年縣西南二十八里畢原上

太子誦立是為成王

史記周人之禮其

社用栗祀竈葬樹栢其樂大武三象棘下其服尚赤

淮南楚辭注武

王既誅紂令壞邠岐之社徙以為天下太社

成王 康王

成王名誦武王之子也武王崩成王年十有三而嗣立明年夏

六月既葬冠成王而朝于祖以見諸侯周公命祝雍作頌曰祝

王辭達而勿多也祝雍辭曰使王近于民遠于佞嗇于時惠于

財親賢而任能其頌曰令月吉日王始加元服去王幼志服王

衮職欽若昊天六合是式率爾祖考永永無極

家大戴語禮同周初定

天下周公恐諸侯畔周公乃攝行政當國管叔蔡叔羣弟疑周

公周公辟居東都居東二年成王啓金縢書反周公

越絕書武王封周公

使傅相成王成王少周公臣事之當是之時賞賜不加于無功

刑罰不加于無罪天下家給人足禾黍茂美使人以時說之以

禮上順天地澤及夷狄于是管叔蔡叔不知周公而讒之成王

周公乃辭位出巡狩于邊一年天暴風雨樹木盡偃成王大恐

乃發金縢之櫃察周公之冊管叔蔡叔與武庚作亂畔周周公

知周公有盛德乃迎周公

奉成王命伐誅武庚管叔放蔡叔以微子開代殷後國于宋

周書武王克殷立王子祿父俾守商祀建管叔于東蔡叔霍叔

于殷俾監殷臣武王崩周公立相天子三叔及殷東徐奄及熊

尚史

周本紀卷四

世紀

夷徐戎及奄叛王乃大蒐于岐陽東伐淮夷

帝王遂踐奄作成

王政既踐奄遷其君於蒲姑作將蒲姑

書二篇序亡

周公行政七年

成王長周公反政成王成王在豐使召公復營洛邑如武王之
意成王自奄歸在宗周作多方既紂殷命襲淮夷歸在豐作周
官興正禮樂度制於是改而民和睦頌聲興成王既伐東夷息
慎來賀成王賜榮伯作賄息慎之命成王將崩懼太子釗之不
任乃命召公畢公率諸侯以相太子而立之

史記

惟四月哉生魄

王不懌甲子王乃洮頰水相被冕服憑玉几乃同召太保奭芮
伯彤伯畢公衛侯毛公師氏虎臣百尹御事王曰嗚呼疾大漸
惟幾病日臻既彌留恐不獲誓言嗣茲予審訓命汝昔君文王
武王宣重光奠麗陳教則肄肄不違用克達殷集大命在後之

侗敬迓天威嗣守文武大訓無敢昏逾今天降疾殆弗興弗悟

爾尚明時朕言用敬保元子釗宏濟于艱難柔遠能邇安勸小

大庶邦思夫人自亂于威儀爾無以釗冒貢于非幾茲既受命

還出綴衣于庭越翼日乙丑王崩太保命仲桓南宮毛俾爰齊

侯呂伋以二千戈虎賁百人逆子釗于南門之外延入翼室恤

宅宗丁卯命作冊度越七日癸酉伯相命士須材狄設黼辰綴

衣牖間南嚮敷重蔑席黼純華玉仍几西序東向敷重底席綴

純文貝仍几東序西向敷重豐席畫純雕玉仍几西夾南嚮敷

重筍席玄紛純漆仍几越玉五重陳寶赤刀大訓宏璧琬琰在

西序大玉曳玉天球河圖在東序盾之舞衣大貝鼗鼓在西房

兌之戈和之弓垂之竹矢在東房大輅在賓階面綴輅在阼階
面先輅在左塾之前次輅在右塾之前一人雀弁執惠立于畢
門之內四人綦弁執戈上刃夾兩階阼一人冕執劉立于東堂
一人冕執鉞立于西堂一人冕執戣立于東垂一人冕執瞿立
于西垂一人冕執銳立于側階王麻冕黼裳由賓階降卿士邦
君麻冕蟻裳入即位太保太史太宗皆麻冕彤裳太保承介圭
上宗奉同瑁由阼階降太史秉書由賓階降御王冊命曰皇后
憑玉几道揚末命命汝嗣訓臨君周邦率循大卞燮和天下用
答揚文武之光訓王再拜興答曰眇眇予末小子其能而亂四
方以敬忌天威乃受同瑁王三宿三祭三啗上宗曰饗太保受

同降盥以異同秉璋以酢受宗人同拜王答拜太保受同祭齊
宅授宗人同拜王答拜太保降收諸侯出廟門俟王出在應門
之內太保率西方諸侯入應門左畢公率東方諸侯入應門右
皆布乘黃朱賓稱奉圭兼幣曰一二臣衛敢執壤奠皆再拜稽
首王義嗣德答拜太保暨芮伯咸進相揖皆再拜稽首曰敢敬
告天子皇天改大邦殷之命惟周文武誕受美若克恤西土惟
新陟王畢協賞罰戡定厥功用敷遺後人休今王敬之哉張皇
六師無壞我高祖寡命王若曰庶邦侯甸男衛惟予一人釗報
誥昔君文武丕平富不務咎底至齊信用昭明于天下則亦有
熊羆之士不二心之臣保乂王家用端命于上帝皇天用訓厥

道付畀四方乃命建侯樹屏在我後之人今予一二伯父尚胥暨顧綏爾先公之臣服于先王雖爾身在外乃心罔不在王室用奉恤厥若無遺鞠子羞羣公既皆聽命相揖趨出王釋冕反

喪服尚書成康之際天下安寧刑錯四十餘年不用紀年十六年王南巡狩至

九江廬山康王命作策畢公分居里成周郊作畢命後漢書康王晚

曰昔周王承文王之盛一朝晏起夫人不鳴璜宮門不擊柝關朝關睢作諷又

睢之人見幾而作韓詩大人內傾于色賢人見其萌詠關睢以刺時史記周道缺詩人本之衽席關睢作楊子周康之時頌聲

作乎下關睢作乎上習治也習治則傷始亂也列女傳康王晏出朝關睢預見康王崩子昭王瑕立史康王在位記二十六年

昭王 穆王 共王 懿王 孝王 夷王 厲王

昭王名瑕康王之子也康王崩昭王立昭王德衰南征濟于漢

船入惡之以膠船進王王御船至中流膠液船解王没于水中

而崩周人諱之帝王呂氏春秋昭王征荆辛餘靡為王右遠反世紀涉漢梁敗王及祭公扈于漢中辛餘靡振

王又反振祭公紀年昭王十六年伐楚涉漢遇大兕楚辭注昭王背成王之制而出遊南至于楚楚人沈之而遂不還刀劍錄

昭王在位五十年立昭王子滿是為穆王穆王即位春秋已五十矣王

道衰微史紀年自武王至穆王享國記百年穆王以下都于南鄭穆王命君牙為大司徒作

君牙命伯冏為大僕正作冏命序穆王西巡狩見西王母樂之

忘歸而徐偃王反穆王攻徐偃王大破之列子周穆王時西極

敬之若神事之若君為之築臺其高千仞臨終南之上號曰中

天之臺簡鄭衛處子娥媼靡曼者以滿之奏承雲六英九韶晨

露以樂之化人猶不舍然居亡幾何謁王同遊王執化人之祛騰而上者中天廼止暨及化人之宮出雲雨之上所觀聽納嘗皆非人間之有實以為清都紫微鈞天廣樂化人復謁王同遊所及之處仰不見日月俯不見河海光影所照百骸六藏悸而

不凝既寤化人曰吾與王神遊也王大說不恤國事肆意遠遊
駕八駿之乘遂宿于崑崙之阿赤水之陽別日升崑崙之邱觀
黃帝之宮而封之遂賓于西王母觴于瑤池之上乃觀日之所
入一日行萬里紀年穆王十三年西征于青鳥之所穆王
西征昆侖邱見西王母其年西王母來見賓于昭宮又曰穆王
西征還里天下億有九萬里又曰穆王北征行積羽千里歸藏
昔穆王筮西征不吉曰龍降于天而道里修遠飛而冲天蒼其羽
穆王將征犬戎祭公謀父諫

曰先王耀德不觀兵不聽遂征之得四白狼四白鹿以歸自是

荒服者不至列子穆王大征西戎西戎獻銀鍔之劍火浣之布

而振之皓然疑乎雪十洲記穆王時西胡獻昆吾割玉刀夜光

常滿杯刀長一尺杯受三升刀切玉如切泥杯光明夜照夕出

杯于庭比明水滿杯中紀年穆王三十七年大起九師東至于

九江駕電鼉以為梁遂伐越至于紆荆人來貢抱朴子穆王南

征一軍盡化君子為猿為鶴小人為沙為蟲古文周書穆王田

于乘傷帝左股述異記穆王時天下連雨三月王乃吹笛雨遂

止○按羣說及穆天子傳皆詭僻不經姑錄數端以廣異聞

諸侯有不睦者甫侯言於王作修刑辟命曰甫刑周書穆王時

恐貽世羞欲自警寤作史記維正月王在成周昧爽召三公左

史戎夫曰今朕寤遂事驚予乃取遂事之要戒俾戎夫言之朔

望以聞信不行義不立則哲士陵君政禁而生亂華氏以亡好貨財

諛日近方正日遠則邪人專國政禁而生亂華氏以亡好貨財

珍怪則邪人因財而進賢良日蔽而遠賞罰無位隨財而行夏

后以亡嚴兵而不仁者其臣懾而不敢忠民不親其吏刑始于

親遠者寒心殷商以亡樂專于君者權專于臣刑專于民君娛

于樂臣爭于權民盡于刑有虞氏以亡奉孤以專命者謀主必

畏其威而疑其前事挾德而責數日疏位均而爭平林以亡大

臣有錮職誅者危昔者質沙三卿朝而無禮君怒而久拘之

諱而弗加諸卿謀變質沙以亡外內相間下撓其民民無所附

三苗以亡弱小在強大之間存亡將由之則無天命矣不知命

者死有夏之方興也扈氏弱而不恭身死國亡嬖子兩重者亡

昔義渠氏有兩子異母皆重君病大臣分黨而爭義渠以亡功

大不賞者危昔平州之功大而不賞諂臣日賞貴功日怒而生

變平州之君以走出召遠不親者危昔有林氏召離戎之君而

朝之至而不禮留而弗親離戎逃而去之林氏誅之天下叛林

氏昔曲集之君伐智而專事強力而下賊其臣賢良皆伏愉州

周本紀卷四

氏伐之君孤而無使曲集以亡昔有巢氏有亂臣而貴任之以國假之以權君已而奪之臣怒而生變有巢以亡斧小不勝柯者亡昔有鄩之君嗇儉滅爵損祿羣臣卑讓後君少弱禁伐不行重氏伐之鄩君以亡久空重位者危昔有共工自賢自以無臣久空大官下官交亂民無所附唐氏伐之共工以亡犯難爭攘疑者死昔有林氏上衡氏爭權林氏再戰弗勝上衡氏偽義弗尅俱身死國亡知能均而不親並重事君者危昔有南氏有二臣貴寵力均勢敵競進爭權下爭朋黨君弗禁南氏以分昔有果氏好以新易故故者疾怨內爭朋黨陰事外權有果氏以亡爵重祿輕比已不成者亡昔畢程氏損祿增爵羣臣貌價比而戾民畢程氏以亡好變故易常者亡昔陽氏之君自伐而好變事無故業官無定位民運于下陽氏以亡業刑而復者危昔穀平之君復類無親破國弗尅業刑用國外國相援穀平以亡武不止者亡昔版泉氏用兵無已并兼無親文無所立智士寒心徙居至于獨鹿諸侯叛之版泉以亡恨而無親者亡昔縣宗功縣宗以亡昔者立都賢鬼道廢人事天謀臣不用龜策是從神巫用國哲士在外立都以亡文武不行者亡西夏性仁非兵城郭不修武士無位惠而好賞屈而無以賞唐氏伐之西夏以亡美破國昔有續陽強力四征重邱遺之美女續陽之君說

之熒惑不治大臣爭權遠近不相聽國分為二宮室破國昔有洛氏宮室無常池園廣大工巧日進以後更前農失其時飢饉無食成湯伐之有洛以亡又曰王化雖弛天命方永四夷八蠻攸遵王政作職方。即周官職方氏文不復載 穆王立五十五年崩子共王緊扈立世本作伊扈共王滅密事見後傳帝王世紀共王能庇昭穆之闕故 共王崩子懿王躋立紀年懿王名堅元懿王之時春秋稱之 王室遂衰詩人作刺史漢書懿王時戎狄交侵暴虐中國詩人記始作疾而歌之曰靡室靡家儉允之故沈約曰懿王之世興居無節號令不時 懿王徙都槐里即廢大挈壺氏不能共其職諸侯于是携德 懿王徙都槐里即廢大 懿王崩共王弟辟方立是為孝王紀年孝王七年厲王生 孝王召非子使主馬于汧渭之間馬大蕃息於是分土為附庸邑之秦孝王崩諸侯復立懿王太子燮是為夷王史記王始下堂而見諸侯禮紀 夷王二年蜀人呂人來獻瓊玉賓于河用介珪六年王獵于杜林獲犀牛一以歸七年虢公帥師伐太原之戎至于俞泉獲馬

千匹八年王有疾諸夷王十六年崩子厲王胡立帝王芮伯稽

古作訓納王于善作芮良夫周文具芮厲王即位三十年好利

近榮夷公芮良夫諫不聽卒以榮公為卿士用事王行暴虐侈

傲國人謗王召公諫王曰民不堪命矣王怒得衛巫使監謗者

以告則殺之其謗鮮矣諸侯不朝三十四年王益嚴國人莫敢

言道路以目厲王喜告召公曰吾能弭謗矣乃不敢言召公曰

是障之也防民之口甚于防水若壅其口其與能幾何王不聽

于是國莫敢出言三年乃相與畔襲厲王厲王出奔于彘厲王

太子靜匿召公之家國人聞之乃圍之召公乃以其子代王太

子太子竟得脫召公周公二相行政號曰共和韋昭注彘之亂公卿相與和而

修政事號曰共和行書紀年共伯干王位沈約注大旱既久廬

舍俱焚會汾王崩卜于太陽兆曰厲王為崇周公召公乃立太

子靖共和遂歸國和有至德尊之不喜廢之不怒逍遙得志于

共山之首魯連子共伯名和好行仁義諸侯賢之周厲王無道

國人作難王奔于彘諸侯奉和以行天子事號曰共和十四年

厲王死共伯使諸侯奉王子靖為宣王而共伯復歸于衛呂氏

春秋共伯修其行好賢仁而海內皆以來為十四年厲王死于

稽矣周厲之難天子曠紀而天下皆來請矣宣王

彘太子靜長于召公家二相乃共立之是為宣王史記

宣王名靜諸本厲王之子也厲王死于彘宣王即位周公召公

二相輔之修政法文武成康之遺風諸侯復宗周史記宣王北伐

獫狁南征蠻荆命召公平淮夷漢書宣王興師命將詩人美大

夷賓服稱為中興其功曰薄伐獫狁至于太原出內修政事外攘夷狄復文武之竟土修車

馬備器械復會諸侯于東都詩序六年旱通鑑前編王遇裁而懼側身

修行以銷去之詩序十二年魯武公來朝史記王不籍于千畝號文

公諫曰不可民之大事在農王不聽三十九年通鑑前編戰于

千畝王師敗績于姜氏之戎韋昭注西夷別種四岳之後後漢書王伐條戎奔戎王師敗績後二

年晉人敗北戎于汾隰戎人滅姜侯之邑明年王征申戎破之史記千畝戰奄父脫宣王王既亡南國之師

乃料民于太原仲山甫諫曰民不可料也王不聽卒料民國語四

十六年宣王崩史周春秋宣王殺杜伯而無罪宣王會諸侯田記于圃日中杜伯起于道左射宣王中心折脊

而死國語杜伯射王于鄙是也宣王承厲王之烈內有撥亂之志萬民離散不

安其居王勞來還定安集之至于矜寡無不得其所天下復平

王建國親諸侯任賢使能周室中興詩序為周世宗通鑑前編宣王崩

子幽王宮湮立幽王三年史記作西周三川皆震伯陽父曰周

將亡矣山崩川竭亡國之徵也川竭必山崩若國亡不過十年

數之紀矣是歲也三川竭岐山崩國語幽王嬖愛褒姒褒姒生子

伯服幽王欲廢太子太子母申侯女而為后後幽王得褒姒愛

之竟廢申后并去太子宜臼以褒姒為后以伯服為太子史通

前編在五年綱目在九年古文瑣語幽王將殺太子宜臼立伯服釋虎將執之宜臼叱之虎弭耳而伏六年冬十

月朔日有食之通鑑詩序十月之交大夫刺幽王也魯詩十月

致災王不親九族而好讒佞骨肉相怨暴虐無親刑罰不中諸

侯皆不欲朝政煩賦重田萊多荒飢饉降喪民卒流亡祭祀不

享在位貪殘下國構禍怨亂並興戎狄叛之荆舒不至乃命將

率東征東國困于役而傷于財譚大夫作大東以告病焉詩後序漢

書王命伯士伐六濟之戎軍敗伯士死焉王之廢申后去太子也申侯怒十一年與

緡西夷犬戎攻王遂殺幽王驪山下虜褒姒盡取周賂而去諸

侯乃即申侯共立故幽王太子宜臼是為平王以奉周祀史紀年

自武王滅殷以至幽王凡二百五十七年

贊曰周之陵夷兆于穆歸于厲逮彘之流微共和周道不且如

斬哉宣王承厲乘幽龍德不純卒淪西土始剝終理運自然

乃君子自強又不得諉之于天已

平山王宮或立幽王三平

尚史 本紀五

襄平李鍇鐵君甫纂

周本紀 以下春秋

平王

平王名宜臼幽王太子也西戎犬戎與申侯伐周殺幽王驪山

下諸侯即申侯共立宜臼是為平王史紀年幽王死申侯立平

二王並立余為晉文侯所殺是為攜王平王錫晉文侯秬鬯圭瓚作文侯之命書序

平王立東遷于維邑辟戎寇封秦襄公為諸侯賜之岐以西之

地平王之時周室衰微諸侯彊并弱齊楚秦晉始大政由方伯

史王不撫其民而遠屯戍于母家周人怨思作揚之水以刺之

尚史 周本紀卷五

詩四十九年隱元王使宰咺歸魯惠公仲子之賵冬十月鄭以

王師號師伐衛計鄭公孫滑之亂五十一年隱三春二月己巳日有食

之三月王崩孫桓王立左傳

桓王

桓王名林平王孫太子洩父子也平王崩太子洩父蚤死立其

子是為桓王史記初平王貳于號王崩周人將昇號公政鄭師取

溫之麥又取成周之禾桓王元年隱四衛州吁弒其君完桓二

年隱五王使尹氏武氏周世族大夫助曲沃莊伯伐翼翼侯奔隨曲

沃叛王秋王命號公林父伐曲沃而立哀侯于翼九月鄭以王

師會伐宋三年隱六如魯告饑魯為之請糴于宋衛齊鄭四年

隱七使凡伯如魯聘還戎伐之于楚邱以歸五年隱八號公忌

父始作卿士于周八月鄭伯莊公以齊人來朝史記三年鄭莊公朝王不禮五年鄭

怨與魯易許田六年隱九使南季周大夫聘于魯宋不王鄭伯為王左卿

士以王命討之伐宋八年隱十王取鄆劉為邾鄭四之田于鄭

而與鄭人蘇忿生之田溫原絺樊隰郕攢茅向盟州陘隕懷凡

二邑冬十月魯公子翬弒其君息姑隱公十年桓二宋督弒其君與

夷十一年桓三秋七月壬辰朔日有食之既十二年桓四使宰

渠伯糾如魯聘冬王師秦師圍魏秦執芮伯以歸芮伯萬之母芮姜惡芮伯

故逐之出居于魏十三年桓五使仍叔之子如魯聘王奪鄭伯政鄭伯

不朝秋王以諸侯伐鄭鄭射王中肩十五年桓七曲沃伯武公殺

晉小子侯哀侯之子十六年桓八年使家父周大夫如魯聘曲沃伯滅翼

冬王命虢公醜立晉哀侯之弟緡于晉祭公逆王后于紀二十

三年桓十五年使家父求車于魯春三月王崩左傳子莊王立史記

莊王名佗桓王子也莊王二年桓七年冬十月朔日有食之三年

桓十八年史記周公黑肩欲殺莊王而立王子克莊王弟辛伯周

夫告王王殺周公王子克奔燕四年莊元年使榮叔周大夫如魯追

錫桓公命六年莊三年夏五月葬桓王九年莊六年王人子突救衛

諸侯伐衛納衛十一年莊八年齊無知弒其君諸兒襄公十三年莊

疾朔王救之齊滅譚左傳十五年莊十二年王崩子僖王立史記秋宋萬弒其君捷

閔左僖王名胡齊僖王元年莊三年齊人滅遂二年莊四年單伯會

齊伐宋夏楚滅息四年莊六年曲沃伯并晉王使虢公命曲沃伯

以一軍為晉侯左傳五年莊七年王崩子惠王立史記莊僖崩葬經傳

惠王

惠王名闔僖王子也惠王元年莊八年春虢公林父晉侯獻公來朝王

享醴命之宥皆賜玉五穀馬三匹使原莊公逆王后于陳陳媯

歸于京師實惠后三月日有食之二年莊九年初王姚嬖于莊王

生子頹有寵及惠王即位取蔦國之圃以為圃又取邊伯之宮

奪子禽祝跪詹父田而收膳夫石速之秩故蔦國等作亂因蘇

氏秋五大夫奉子頹以伐王不克出奔溫按史記以惠王特溫非是蘇子奉子

顏奔衛衛師燕師伐周立子顏三年莊二十鄭伯厲和王室不克

遂以王歸王處于櫟秋王及鄭伯入于鄆遂入成周取其寶器

而還四年莊二十鄭伯號叔同伐王城殺王子顏及五大夫鄭

伯享王于闕西王與之武公之畧自虎牢以東五月王巡號守

號公為王宮于珽王與之酒泉鄭伯之享王也王以后之鞶鑑

予之號公請器王子之爵鄭伯由是始惡于王冬王歸自號六

年莊二十祭叔如魯聘八年莊二十夏六月辛未朔日有食之

九年莊二十冬十二月癸亥朔日有食之十年莊二十使召伯

廖賜齊侯桓命且請伐衛以其立子顏也十二年莊二十樊皮

叛周大明年號公執樊皮歸于京師十五年莊三十秋八月魯

莊公薨慶父殺公子般十六年閔元晉滅耿滅霍滅魏十七年

年閔二魯慶父弒其君啟方閔左二十二年僖五王以惠后故將

廢大子鄭而立大叔帶夏齊侯桓帥諸侯會王太子鄭于首止

以定其位王恨齊杜預秋諸侯盟王使宰孔召鄭伯文曰吾撫

女以從楚輔之以晉可以少安鄭伯逃歸不盟楚滅弦九月戊

申朔日有食之冬晉滅號滅虞二十四年僖七閏月王崩左史

作二十五年。按惠王實以二十四年閏月崩

襄王 頃王 匡王

襄王名鄭惠王太子也惠王崩大子鄭惡大叔帶之難懼不立

不發喪而告難于齊二十五年僖八春王人會諸侯盟于洮襄

王定位而後發喪元年僖九年夏宰孔會諸侯于葵邱王使宰孔

賜齊侯胙冬晉里克殺其君之子奚齊二年僖十年春秋滅温晉

里克弑其君卓夏四月周公忌父周卿王子黨周大夫會齊隰朋

立晉侯惠公三年僖十一年使召武公內史過賜晉侯命夏戎伐京師

入王城焚東門大叔帶召之也秦晉伐戎以救周秋晉侯平戎

于王四年僖十二年春三月庚午日有食之夏楚滅黃秋王以戎難

故討大叔帶帶奔齊冬齊侯使管夷吾平戎于王使隰朋平戎

于晉史記作五年僖十三年齊使仲孫湫來聘且言王子帶事畢不

與王言復命曰王怒未怠不十年王弗召也七年僖十五年夏五月

日有食之八年僖十六年內史叔興聘于宋秋王以戎難故告于齊

十一年以來戎齊征諸侯而戍周九年僖十七年魯滅項十一年僖十八年

遂為王室難秦取十三年僖二十年邾滅須句十四年僖二十二年大叔帶

自齊復歸于京師富辰言于王十六年僖二十四年晉立公子重耳

殺其君圍鄭伐滑王請滑鄭執王使王怒將以狄伐鄭富辰大夫

諫不聽使頹叔桃子二子周大夫出狄師伐鄭王德狄人將以其女

為后富辰諫又不聽卒以其女為后是為隗氏大叔帶通于隗

氏王替隗氏頹叔桃子遂奉大叔帶以狄師攻王王出及坎培

國人立帶狄師伐周大敗周師獲周公忌父原伯毛伯富辰王

適鄭處于汜大叔帶以隗氏居于温冬王使告難于魯曰不穀

不德得罪于母弟之寵子帶鄙在鄭地汜敢告叔父王使簡師

周本紀卷五

五

父告于晉使左鄢父告于秦鄭伯省視官具于汜十七年僖二

年春衛滅邢三月晉侯文逆王王入于王城殺大叔帶于隰城

晉侯朝王王享醴命之宥請隧闕地通路曰弗許曰王章也未

有代德而有二王亦叔父之所惡也國語晉文公既定襄王于

王之有天下也規方千里以為甸服以供上帝山川百神之祀

以備百姓兆民之用以待不庭不虞之患其餘以均分公侯伯

子男使各有寧宇以順及天地無逢其災言先王豈有賴焉內

官不過九御外官不過九品足以供給神祇而已豈敢厭縱其

耳目心腹以亂百度亦唯是生死之服物采章以臨長百姓而

輕重布之王何異之有今天降禍災于周室余一人僅亦守府

又不佞以勤叔父而班先王之愛也先民有言曰改玉改行叔

憎以非余一人余一人豈敢有愛也先民有言曰改玉改行叔

父若能光裕大德更姓改物以創制天下自顯庸也而縮取備

物以鎮撫百姓余一人其流辟于裔土何辭之與有若猶是姬

姓也尚將列為公侯以復先王之職大物其未可改也叔父其

茂昭明德物將自至余敢以私勞變前之大章以忝天下其若

先王與百姓何何政令之為也若不與之陽樊温原攢茅之田

然叔父有地而隧焉余安能知之十八年僖二十楚滅夔二十年僖二十夏四月晉敗楚師于城

濮還作王宮于踐土五月諸侯朝于王所獻楚俘于王王享晉

侯策命晉侯為侯伯賜之大輅之服戎輅之服彤弓一彤矢百

玈弓矢千秬鬯一卣虎賁三百人史記以賜文公河內地及珪

年曰王謂叔父敬服王命以綏四國糾遯王周慝癸亥王子虎

宰王叔盟諸侯于王庭曰皆獎王室無相害也冬諸侯會于温

晉侯召王以諸侯見且使工狩仲尼書曰天王狩于河陽言非

其地也二十一年僖二十夏王子虎會諸侯于翟泉二十二年

僖三使周公閱聘于魯魯使公子遂來聘二十五年僖三十秦

十年周本紀卷五

尚史 六

滅滑二十六年文元二月癸亥日有食之使叔服周內史會魯葬

葬僖公夏使毛伯衛卿士錫魯侯命文楚世子商臣弒其君頹成二

十八年文三夏四月王子虎卒卿士不卒襄王時卒王子虎敬王時卒劉卷時係也冬十

二月楚伐江王叔桓公卿士王子虎之子會晉伐楚以救江二十九年

文四楚滅江三十年文五使榮叔如魯含且賵召昭公會魯葬

葬莊公秋楚滅六冬滅蓼三十三年文八秋八月襄王崩史作

妾成風子頃王立頃王名壬臣頃王元年文九春毛伯衛如魯求金

二月葬襄王二年文十蘇子卿士及魯盟于女栗六年文十春頃

王崩周公閱與王孫蘇爭政故不赴諸侯子匡王立匡王名班

秋七月閱將與蘇訟于晉王叛蘇使尹氏卿士與聃啟大夫訟閱于

晉晉平王室而復之齊公子商人弒其君舍九月使單伯如齊

為魯請子叔姬齊人執之匡王元年文十六月辛丑朔日有食

之齊許單伯請單伯如魯致命二年文十楚人秦人巴人滅庸

冬宋人弒其君杵臼昭公三年文十甘歇大夫敗戎于邠垂四年文十

年八齊人弒其君商人懿公莒弒其君庶其紀公六年宣二晉趙盾弒

其君夷臯靈公冬十月匡王崩弟定王立左傳

定王

定王名瑜匡王之弟也定王元年宣三春正月葬匡王楚子

伐陸渾之戎至雒王使王孫滿大夫勞之楚子問鼎對曰在德不

在鼎二年宣四鄭公子歸生弒其君夷靈公四年宣六使子服大夫

周本紀卷五

求后于齊冬召桓公逆后于齊五年宣七年諸侯盟于黑壤王叔

桓公卿士臨之以謀不睦六年宣八年楚人滅舒蓼秋七月甲子日

有食之既七年宣九年王使徵聘于魯夏仲孫蔑來聘王以為有

禮厚賄之八年宣十年夏四月丙辰日有食之陳夏徵舒弑其君

平國靈公王季子王母弟報聘于魯十年宣十二年楚滅蕭十三年宣十

五年王孫蘇與召氏毛氏爭政殺召戴公及毛伯衛立召襄夏晉

滅赤狄潞氏十四年宣十六年春晉士會滅赤狄甲氏及留吁來獻

狄俘王以黻冕命士會將中軍且為大傅夏成周宣榭火成周洛陽

宣榭講武屋秋毛召之難故王室復亂王孫蘇奔晉晉復之使士會

來平王室十五年宣十七年六月癸卯日有食之十七年成元晉侯

平戎于王單襄公朝卿士如晉拜成劉康公季子伐茅戎敗績公穀

並曰晉敗王師十八年成二年晉使鞏朔來獻齊捷敗齊師于鞏王弗見使單

朝辭焉曰蠻夷戎狄不式王命淫泆毀常王命伐之則有獻捷

王親受而勞之所以懲不敬勸有功也兄弟甥舅侵敗王略王

命伐之告事而已不獻其功所以敬親暱禁淫慝也今叔父克

遂有功于齊而不使命卿鎮撫王室所使來撫余一人而鞏伯

實來未有職司于王室又奸先王之禮余雖欲于鞏伯其敢廢

舊典以忝叔父夫齊甥舅之國而大師之後也寧不亦淫從其

欲以怒叔父抑豈不可諫誨鞏朔不能對王使委于三吏三公也

以鞏朔宴而私賄之曰非禮也勿籍二十一年成五年定王崩子

簡王立

左傳

簡王名夷定王子也簡王三年

成八年召桓公如魯賜魯侯命

六年成十一年周公楚惡惠襄惠王襄王之族之偪且與伯輿卿爭政出奔

晉晉卻至與周爭鄆田王命劉康公季子單襄公朝訟諸晉晉

使卻至勿敢爭八年成十三年諸侯來朝劉康公成肅公會晉侯厲公

伐秦十一年成十六年夏六月丙寅朔日有食之尹武公會諸侯伐

鄭冬十二月晉使卻至來獻楚捷敗楚師于鄆陵十二年成十七年尹武公

單襄公及諸侯伐鄭自戲童至于曲洧冬十二月丁巳朔日有

食之楚滅舒庸十三年成十八年晉欒書中行偃弒其君州蒲厲公十

四年襄元年秋九月簡王崩子靈王立靈王名泄心靈王元年襄二

年春正月葬簡王二年襄三年單頃公卿及諸侯同盟于雞澤四

年襄五年王使王叔陳生卿愬戎于晉晉人執之士魴來京師言

陳生貳于戎五年襄六年莒滅鄆冬齊滅萊九年襄十年晉滅偃陽

冬王叔陳生與伯輿亦卿爭政王右伯輿陳生奔晉單靖公為

卿士以相王室十一年襄十一年王求后于齊齊侯靈公許昏王使陰

里大夫結之十三年襄十四年春二月乙未朔日有食之王使劉定公

夏官師賜齊侯命曰昔伯舅大公右我先王股肱周室師保萬民

世胙大師以表東海王室之不壞繫伯舅是賴今余命女環靈公

名茲率舅氏之典纂乃祖考無忝乃舊敬之哉無廢朕命十四

年襄十年劉夏從單靖公逆王后于齊秋八月丁巳日有食之十

九年襄十年冬十月丙辰朔日有食之二十年襄二十一年秋九月庚

戌朔日有食之冬十月庚辰朔日有食之二十二年襄二十三年春

二月癸酉朔日有食之左傳穀洛鬪將毀王宮王欲壅之太子晉

諫曰不可防鬪川以飾宮是飾亂而佐鬪也王卒壅之國語二十

三年襄二十四年秋七月甲子朔日有食之既八月癸巳朔日有食

之冬齊人城郟王城也魯叔孫豹來聘且賀城王嘉其有禮賜之

大路二十四年襄二十五年齊崔杼弒其君光莊公秋楚滅舒鳩二十

五年襄二十六年衛甯喜弒其君剽公晉韓起來聘二十六年襄二十七

年冬十一月乙亥朔日有食之經作十二月失閏故二十七年襄二十八

十二月靈王崩子景王立左傳齊余一人晉楚間田又獻于王

景王景王名貴靈王之子也景王元年襄二十九年夏五月葬靈王鄭使

印段來會葬二年襄三十年蔡世子般弒其君固景公僖括靈王弟僖

欲立王子佞夫景王弟佞夫弗知尹言多五大夫等殺佞夫僖括

奔晉三年襄三十一年莒人弒其君密州犁比公四年昭元年諸侯大夫

會于號王使劉定公夏勞晉趙武于潁七年昭四年楚滅賴十年

昭七年夏四月甲辰朔日有食之秋八月衛侯卒襄公王使成簡公

卿如衛弔且追命襄公曰叔父陟恪在我先王之左右以佐事

上帝余敢忘高圉亞圉二圉周之先也十一年昭八年楚滅陳昭十三年

二年昭九年周甘人與晉閻嘉爭閻田晉人率陰戎伐潁王使詹

桓伯辭于晉辭責讓也曰我自夏以后稷魏駘芮岐畢吾西土也及

武王克商蒲姑商奄吾東土也巴濮楚鄧吾南土也肅慎燕亳

吾北土也吾何邇封之有文武成康之建母弟以蕃屏周亦其

廢隊是為豈如弁髦而因以敝之先王居禱杙于四裔以禦螭

魅故允姓之姦陰戎之祖居于瓜州伯父惠公歸自秦而誘以來使

偪我諸姬入我郊甸則戎焉取之戎有中國誰之咎也后稷封

殖天下今戎制之不亦難乎伯父圖之我在伯父猶衣服之有

冠冕木水之有本原民人之有謀主也伯父若裂冠毀冕拔本

塞原專棄謀主雖戎狄其何有余一人晉致閻田反潁俘王亦

執甘大夫襄以說于晉晉人禮而歸之十四年昭十年單成公卿

會晉韓起于戚冬楚滅蔡昭十三年復之十五年昭十二年晉滅肥原輿人

逐原伯絞大夫而立其弟跪尋絞奔郊周地甘悼公過卿將去成景

之族成景皆過成景之族賄劉獻公亦卿殺甘悼公而立成公

之孫緇十六年昭十三年楚公子比弑其君虔靈公公子棄疾殺公子

比劉獻公會諸侯于平邱十八年昭十五年夏六月丁巳朔日有食

之大子壽卒秋八月穆后崩大子壽母冬十二月晉荀躒來葬穆后

籍談為介既葬除喪以荀躒宴樽以魯壺王求彝器于晉荀躒

揖籍談談不能對二十年昭十七年夏六月甲戌朔日有食之晉使

屠蒯來請有事于雒與三塗乃警戎備秋九月晉滅陸渾其眾

尚史 周本紀卷五
奔甘鹿周地周大獲二十一年昭十年毛得殺毛伯過過大夫得過之族而

代之左傳王將鑄大錢單穆公旗卿士諫曰不可絕民用以實王府

猶塞川原而為潢汚也其竭無日矣王不聽卒鑄大錢國語二十

二年昭十年許世子止弑其君買左傳二十三年昭十年王將鑄無射

鍾單旗曰不可作重幣以絕民資又作大鍾以鮮其繼三年之

中有離民之器二焉國其危哉王弗聽國左氏作二十四年今從國語二十

四年昭二十一年秋七月壬午朔日有食之二十五年昭二十二年王子

朝景王長庶子有寵于王欲立之單旗劉狄劉獻公子伯蚩惡子朝願去之

夏四月王田北山使公卿皆從將殺單劉王崩史記作子悼王

悼王 敬王

悼王名猛景王之子也景王太子壽卒王立子猛後王子朝景王

長庶子賓起子朝有寵于景王王與賓起說之欲立之景王二十

五年昭二十二年王崩子猛立遂攻賓起殺之盟羣王子于單氏夏

六月葬景王王子朝作亂單穆公旗逆王于莊宮以歸王子還

子朝夜取王以如莊宮單旗出王子還與召伯奭亦子朝黨奉王以

追單旗旗殺還及羣王子子朝奔京伐之敗績單旗欲告急于

晉秋七月以王如平時周地遂如圃車次于皇冬十月晉師納王

于王城十一月子猛卒謚曰悼王敬王立敬王名匄悼王之母

弟也敬王館于子旅氏大夫十二月癸酉朔日有食之閏月晉師

取前城王師伐京敬王元年昭二十三年王師晉師圍郊鄆潰王

使告閒子朝敗故告閒暇于晉晉師還夏四月王居于狄泉在王城左傳謂

之東王子朝入于王城謂之西王杜預注二年昭二十四年晉使士彌

牟泣問故夏五月乙未朔日有食之六月子朝攻瑕及杏瑕杏敬王

邑皆潰三年昭二十五年尹文公子朝黨焚東訾敬王邑弗克四年昭二十六年

年單旗如晉告急王城人劉人戰于施谷劉師敗績秋七月劉

卷卿士即文公伯金以王出次于滑晉師納王冬十月王起師于滑十

一月晉師克鞏召伯盈逐子朝逆王入于成周盟于襄宮晉師

戍周而還子朝奔楚史記景王愛子朝欲立之會崩子巧之黨與爭立國人立子猛子朝攻殺猛猛為悼

王晉人攻子朝而立巧是為敬王敬王元年晉人入敬王不得入居澤四年晉率諸侯入敬王子朝為臣十六年子朝之徒復

作亂敬王奔于晉十七年晉遂入敬王。說與左氏異五年昭二十七年吳弒其君僚秋晉士

鞅會諸侯之大夫于扈令戍周七年昭二十九年王殺召伯盈尹氏

固及原伯魯之子皆子朝黨王子趙車叛陰不佞大夫敗之八年昭三十年

吳滅徐九年昭三十一年冬十二月辛亥朔日有食之十年昭三十二年

王使富辛石張並周大夫如晉請城成周天子曰天降禍于周俾我

兄弟並有亂心以為伯父憂我一二親昵甥舅不皇啟處於今

十年勤戍五年余一人無日忘之閔閔焉如農夫之望歲懼以

待時伯父若肆大惠復二文之業弛周室之憂微文武之福以

固盟主宣昭令名則余一人有大願矣昔成王合諸侯城成周

以為東都崇文德焉今我欲微福假靈于成王修成周之城俾

尚史 周本紀卷五

戍人無勤諸侯用寧螫賊遠屏晉之力也其委諸伯父使伯父

實重圖之俾我一人無徵怨于百姓而伯父有榮施先王庸之

十一年定元年晉合諸侯城成周歸諸侯之戍十二年定二年鞏氏

子弟賊鞏簡公卿士十四年定四年春三月劉卷會諸侯于召陵侵

楚沈人不會夏蔡滅沈秋七月劉卷卒十五年定五年王人殺子

朝于楚三月辛亥朔日有食之十六年定六年鄭滅許夏四月僖

翩率王子朝之徒因鄭人以作亂鄭伐我馮滑胥靡負黍狐人

闕外晉戍周城胥靡冬十二月王處于姑猶周地十七年定七年僖

翩叛夏四月單武公單旗子劉桓公劉卷子敗尹氏于窮谷尹氏復黨僖翩

冬十一月單武公劉桓公逆王晉籍秦送王入于王城十八年

定八年單武公劉桓公伐穀城儀栗簡城孟以定王室二十二年

定十年冬十一月丙寅朔日有食之二十三年定十年薛弒其君比

二十四年定十年楚滅頓秋王使石尚如魯歸脰二十五年定十年

楚滅胡秋八月庚辰朔日有食之二十八年哀三年殺萇弘晉趙鞅討

其黨三十一哀六年齊陳乞弒其君荼三十三年哀八年宋滅曹

三十八年哀十年單平公卿士會諸侯于黃池三十九年哀十年夏五

月庚申朔日有食之六月齊人弒其君壬簡公四十一年哀十年衛

侯莊公入衛使馮盼來告王使單平公對曰盼以嘉命來告余一

人往謂叔父余嘉乃成世復爾祿次敬之哉方天之休弗敬弗

休悔其可追夏四月孔子卒四十二年哀十七年楚滅陳四十四年

哀十九年左世族譜敬王四十二年崩在哀十七年王崩子元王立傳史記周本紀十二諸侯年表并以四十年

崩二年

贊曰天厭周德東遷寄王懇懇修德懼猶失焉廼淫昏繼寵兄弟迭乘惠蹈子頽之難而終之以叔帶景離佞夫之厄而終之以子朝遂致居櫟次滑守噐靡終悲夫書曰殷鑒不遠身之不鑒殷何有乎然始禍造姦首自子克匪惟黑肩是尤實致嘆于桓王也

元王 貞王 哀王 思王 考王

元王名仁敬王之子也元王三年哀二十二年越滅吳八年哀二十七年

王崩杜預世族譜敬王四十二年崩子元王十年春秋之傳終○按史記周本紀皆云元王八年崩杜氏蓋上縮敬王之

二年以益元王子貞王立貞王名介史記貞作定帝王世紀作貞定國語亦作定韋昭注

故為十年也定當作貞貞王名介敬王子也世本亦作定魯哀二十年定王

介崩子元王赤立○按世本韋注二說皆以定王為敬王子元王為定王子與史說異今遵史記而以定為貞十六年三晉滅智伯分有其地二十八

年貞王崩長子去疾立是為哀王哀王立三月弟叔襲殺哀王

而自立是為思王思王立五月少弟嵬攻殺思王而自立是為

考王帝王世紀此三王皆貞王之子考王十五年崩子威烈王

立史記

威烈王 安王 烈王

威烈王名午二十三年九鼎震始命韓魏趙為諸侯二十四年

崩子安王立是歲盜殺楚聲王史記安王名驕三年王子定奔晉

號山崩壅河五年日有食之通鑑韓嚴仲殺韓相俠累陽豎與焉

道周亡過王本文作周君按其時周尚未留之十四日載以乘

車駟馬而遣之韓使人讓周王患之客謂王正語之曰寡人知

嚴氏之為賊而陽豎與之故留之十四日以待命也小國不足

以容賊君之使又不至是以遣之也策國十一年齊田和遷其君

貸康於海上食一城十六年初命田和為諸侯二十年日有食

之既二十三年田氏滅齊二十六年王崩子烈王立烈王名喜

元年日有食之韓滅鄭五年韓嚴遂弑其君哀六年齊威王來

朝七年日有食之王崩史記作十子顯王立通鑑

顯王 慎靚王

顯王名扁顯王五年秦獻公敗三晉之師于石門王賜以黼黻

之服通史記賀秦獻九年致文武胙于秦孝公二十五年秦會

諸侯于京師二十六年王致伯于秦孝公通鑑秦會諸侯三十

三年賀秦惠王三十五年致文武胙于秦惠王四十四年秦初

稱王其後諸侯皆為王四十八年王崩子慎靚王立慎靚王名

定慎靚王三年宋初稱王六年崩子赧王立史記

西周西周微弱載記闕如史記東西合紀國策雖分載而間

有混淆今依國策原文其顯誤者釐正之編年始因史

記通鑑他事分見諸臣傳中

赧王名延帝王世紀初考王封其弟于河南帝王世紀考哲王

周本紀卷五

是為西周桓公以續周公之官職桓公卒子威公代立威公卒子惠公代立乃封其少子于鞏以奉王號東周惠公王赧時東

西周分治王赧徙都西周史記西周武公之共太子死有五庶子

母適立司馬翦楚謂楚王懷曰何不封公子咎而為之請太子

左成楚曰不可周不聽是公之智困而交絕于周也不如謂周

君曰孰欲立也微告翦翦令楚資之以地果立公子咎為太子

國策又以楚王為齊王公子咎八年秦攻宜陽楚救之而楚

以周為秦故將伐周蘇代說楚王楚王乃止史記詳見蘇十四年

日有食之既通鑑十五年楚圍雍氏韓徵甲與粟于周史記作東

周君患之告蘇代代說韓不徵甲與粟于周且與周高都十

七年齊薛公田文為韓魏攻楚又與韓魏攻秦而藉兵乞食于

周韓慶韓人仕謂田文曰君為韓魏攻楚取宛葉以北今又攻

秦以益之韓魏南無楚憂西無秦患則地廣而益重齊必輕矣

夫本末更盛虛實有時竊為君危之君不如令敝邑陰合為秦

無籍兵乞食君臨函谷而無攻令敝邑謂秦王曰薛公所以進

兵者欲王令楚割東國以與齊而秦出楚王懷以為和秦得無

攻而以楚之東國免必欲之楚王出必得齊齊得東國而益強

而薛世世無患田文曰善使三國無攻秦而不藉兵乞食于周

三國攻秦反周恐魏之藉道也為西周謂魏王哀曰楚宋不利

秦之聽三國也聽猶順彼且攻王之聚以利秦魏王懼令軍設

舍速東二十二年秦攻魏犀武于伊闕進兵而攻周周君之魏
求救魏許之戍或爲周最謂趙李兑曰君不如禁秦之攻周趙
之上計莫如令秦魏復戰秦攻周而得衆必傷欲持周之得必
不攻魏秦攻周而不得前有勝魏之勞後有攻周之敗又必不
攻魏今君禁之而全趙令其止必不敢不聽是吾却秦而定周
也秦去周必復攻魏魏不支必因君而講則君重矣若魏不講
而疾支之是君存周而戰秦魏也重亦在趙國策楚欲與齊韓連
和伐秦因欲圖周王赧使武公謂楚相昭陽曰三國以兵割周
郊地以便輸而南噐以尊楚臣以爲不然夫弑共主臣世君大
國不親以衆脅寡小國不附大國不親小國不附不可以致名

實名實不得不可以傷民夫有圖周之聲非所以爲號也昭陽
曰乃圖周則無之雖然周何故不可圖也曰軍不五不攻城不
十不圍夫一周爲二十晉公之所知也韓嘗以二十萬之衆辱
于晉之城下銳士死中士傷而晉不拔公無百韓以圖周此天
下之所知也夫怨結于兩周以塞鄒魯之心交絕于齊聲失天
下其事危矣危兩周以厚三川方城之外必爲韓弱矣何以知
其然也西周之地絕長補短不過百里名爲天下共主裂其地
不足以肥國得其衆不足以勁兵雖無攻之名爲弑君然而好
事之君喜攻之臣發號用兵未嘗不以周爲終始是何也祭噐
在焉欲噐之至而忘弑君之亂臣恐天下以噐讎楚也臣請譬

之夫虎肉臊其兵利身人猶攻之也若使澤中之麋蒙虎之皮人之攻也必萬之于虎裂楚之地足以肥國詘楚之名足以尊主今子將以欲誅殘天下之共主居三代之傳噐吞三副六翼以為世主非貪而何周書曰欲起無先故噐南則兵至矣于是楚計輟不行四十二年秦破華陽約秦昭王使胡傷擊魏將芒卯華陽破之馬犯說梁梁城周史楚兵在山南山吳岳也伍得楚將為楚王屬怨于周或謂周君曰不如令太子將軍正迎伍得于境而君自郊迎令天下皆知君之重伍得也因泄之楚曰周君所以事伍得者噐必名曰謀楚王必求之而伍得無効也王必罪之秦興師臨周而求九鼎周君患之以告顏率顏率東獻鼎而借救于齊齊大發師救周而秦兵罷齊將求九鼎顏率復說之而齊兵亦罷原

發師救周而秦兵罷齊將求九鼎顏率復說之而齊兵亦罷原

載東周紀中按東周居鞏非鼎之所在周策曰西周者故天子之國也多名噐重寶固知當屬西周也秦召周君

周君難往或為周君謂魏王安曰秦召周君將使攻魏之南陽

史記魏作韓南陽韓地也王何不出兵于河南周君聞之將為辭于秦而不

往周君不入秦秦必不敢越河而攻南陽策國五十九年秦取韓

陽城負黍西周恐倍秦與諸侯約從將天下銳師出伊闕攻秦

令秦無得通陽城秦昭王怒使將軍摎攻西周西周君奔秦頓

首謝罪盡獻其邑三十六口三萬秦受其獻歸其君于周周君

王赧卒宋忠曰謚曰西周武公索隱蓋武公與王赧並卒故連言之宋說非劉伯莊曰謚法無赧輕微危弱寄住東西

足為慚赧故號之曰赧帝王世紀赧王多負債于周民上臺以避之名曰逃債臺雒陽南宮籓臺是也周民遂東亡

周本紀卷五

尚史
秦取九鼎寶器而遷西周君于囂狐

史記

東周

惠公

東周惠公者西周惠公之少子也別封于鞏是為東周東周與

西周戰韓救西周為東周謂韓王襄曰西周者故天子之國也

多名器重寶按兵而勿出可以德東周西周之寶可盡矣東周

與西周爭西周欲和于楚韓齊明疑楚謂東周君曰臣恐西周

之與楚韓寶令之為已求地于東周也不如謂楚韓曰西周之

欲入寶持二端今東周之兵不急西周之寶不入楚韓楚

韓欲得寶且趣我攻西周是我為楚韓取寶以德之也西周弱

矣秦假道于周以伐韓周恐假之而惡于韓不假而惡于秦史

駮謂周君曰君何不令人謂韓公叔曰秦敢絕塞而伐韓者信

東周也公何不與周地發重使之楚秦必疑不信周是韓不伐

也又謂秦王武曰韓強與周地將以疑周于秦秦必無辭令周

弗受是得地于韓而聽于秦也十五年楚攻雍氏周糝秦韓楚

王懷怒周為周謂楚王曰以王之強而怒周周恐必以國合于

所與粟之國是勁王之敵也故不如速解周恐彼前得罪而後

得解必厚事王矣趙取周之祭地周君患之鄭朝鄭曰臣請以

三十金復取之周君子之鄭朝獻之趙太卜及王病太卜曰周

之祭地為崇趙乃還之十八年三晉監秦周令其相之秦以秦

之輕也留其行有人謂相國曰秦之輕重未可知也秦欲知三國之情公不如遂見秦王曰請為王聽東方之處鮑彪注處所為也秦

必重公是公重周以取秦也齊重故有周而已取齊有周猶善周言齊為

天下重故嘗善周而又取善于齊是周嘗不失重國之交也史記齊重則固有周聚以收齊正義

周聚事齊而和于齊周故得齊重○以周聚為人名楚昭翦與東周惡或謂翦曰為公畫

陰計翦曰何也曰西周甚憎東周常欲東周與楚惡西周必令

賊賊公因宣言東周也以惡之于王也翦曰善遽和東周石行

秦周謂秦大梁造秦爵名鮑彪注蓋白起也曰欲決霸王之名不如備兩周

辯智之士謂周君曰君不如令辯智之士為君爭于秦備者謹待之也

爭者爭秦國之卑周也策後七年秦莊襄不滅東西周東西周皆入于秦周

不祀史記

贊曰元王以還周擁虛噐弁髦芻狗天下顯棄之至若盜臣竊

玉與國請命虎皮蒙羊霸王懼攻是文武之德雖攜而餘緒如

綫猶足繫屬一時予于其衰益見周德之盛也

之國也皆其有人... 國之實公不知... 是公重用... 之益出... 與國語命... 實曰云王... 小...

秦本紀

始皇帝 二世皇帝

子嬰

始皇帝者秦莊襄王子也莊襄王為秦質子于趙見呂不韋姬
 悅而取之生始皇以秦昭王四十八年正月生于邯鄲及生名
 為政姓趙氏年十三歲莊襄王死政代立為秦王當是之時秦
 地已并巴蜀漢中越宛有郢置南郡矣北收上郡以東有河東
 太原上黨郡東至滎陽滅二周置三川郡呂不韋為相封十萬
 戶號曰文信侯招致賓客游士欲以并天下李斯為舍人蒙騫
 王齮庶公等為將軍王年少初即位委國事大臣晉陽反元年
 將軍蒙騫擊定之二年庶公將卒攻卷斬首三萬三年蒙騫攻

韓取十三城王齮死十月將軍蒙驁攻魏氏暘有詭歲大饑四年拔暘有詭三月軍罷秦質子歸自趙趙太子出歸國十月蝗天下疫百姓內粟千石拜爵一級五年將軍驁攻魏定酸棗燕虛長平雍邱山陽城皆拔之取二十城初置東郡六年韓魏趙衛楚共擊秦取壽陵秦出兵五國兵罷拔衛迫東郡其君角率其支屬徙居野王阻其山以保魏之河內七年彗星先出東方見北方五月見西方將軍驁死以攻龍孤慶都還兵攻汲彗星復見西方十六日夏太后死莊襄王母八年王弟長安君成蟜將軍擊趙反死屯留軍吏皆斬死遷其民于臨洮將軍壁死卒屯留蒲鶮反戮其屍謂成蟜反而死副將壁亦死其屯留蒲鶮三邑之反卒雖死而復戮其屍河魚大上

輕車重馬東就食嫪毐封爲長信侯予之山陽地令毐居之宮室車馬衣服苑囿馳獵恣毐事無小大皆決于毐又以河西太原郡更爲毐國九年彗星見或竟天攻魏垣蒲陽四月上宿雍巳酉王冠帶劍長信侯毐作亂而覺矯王御璽及太后璽以發縣卒及衛卒官騎戎翟君公舍人將欲攻斬年宮爲亂王知之令相國昌平君昌文君發卒攻毐戰咸陽斬首數百皆拜爵及宦者皆在戰中亦拜爵一級毐等敗走即令國中有生得毐賜錢百萬殺之五十萬盡得毐等衛尉竭內史肆佐弋竭中大夫令齊等二十人皆梟首車裂以徇滅其宗及其舍人輕者爲鬼薪及奪爵遷蜀四千餘家家房陵四月寒凍有死者楊端和攻

行氏魏邑彗星見西方又見北方從斗以南八十日十年相國呂

不韋坐嫪毐免桓齮爲將軍齊趙來置酒韓人鄭國來間秦鑿涇水爲渠中作而覺大索逐客李斯上書說乃止逐客令李斯因說王請先取韓以恐他國于是使斯下韓而李斯用事十一年王翦桓齮楊端和攻鄴取九城王翦攻闕與橈陽皆并爲一軍翦將十八日軍歸斗食以下什推二人從軍取鄴安陽桓齮將十二年秋大旱六月至八月乃雨十三年桓齮攻趙平陽殺趙將扈輒斬首十萬王之河南正月彗星見東方十月桓齮攻趙十四年攻趙軍于平陽取宜安破之殺其將軍桓齮定平陽武城韓非使秦秦用李斯謀留非非死雲陽韓王請爲臣十五

年大興兵一軍至鄴一軍至大原取狼孟地動攻番吾李牧擊破秦軍南距韓魏十六年九月發卒受地韓南陽假守騰初令男子書年魏獻地于秦秦置麗邑十七年內史騰攻韓得韓王安盡納其地以其地爲郡命曰潁川地動華陽太后卒民大饑十八年大興兵攻趙王翦將上地下井陘端和將河內羗魏伐趙端和圍邯鄲城十九年王翦羗魏盡定取趙地東陽得趙王引兵欲攻燕屯中山秦王之邯鄲諸嘗與王生趙時母家有仇怨皆阬之秦王還從太原上郡歸始皇帝母太后崩趙公子嘉率其宗數百人之代自立爲代王東與燕合兵軍上谷大饑二十年燕太子丹患秦兵至國恐使荆軻刺秦王秦王覺之體解

軻以徇而使王翦辛勝攻燕燕代發兵擊秦軍秦軍破燕易水之西二十一年王賁攻薊乃益發卒詣王翦軍遂破燕太子丹軍取薊得太子丹之首燕王東收遼東而王之王翦謝病老歸新鄭反昌平君徙于郢大雨雪深二尺五寸二十二年王賁攻魏引河溝灌大梁大梁城壞其王請降盡取其地二十三年秦王復召王翦彊起之使將擊荆取陳以南至平輿虜荆王秦王游至郢陳荆將項燕立昌平君爲荆王反秦于淮南二十四年王翦蒙武攻荆破荆軍昌平君死項燕遂自殺二十五年大興兵使王賁將攻燕遼東得燕王喜還攻代虜代王嘉王翦遂定荆江南地降越君置會稽郡五月天下大酺二十六年齊王建與其相后勝發兵守其西界不通秦秦使將軍王賁從燕南攻齊得齊王建秦初并天下令丞相御史曰異日韓王納地效璽請爲藩臣已而倍約與趙魏合從畔秦故興兵誅之虜其王寡人以為善庶幾息兵草趙王使其相李牧來約盟故歸其質子已而倍盟反我大原故興兵誅之得其王趙公子嘉乃自立爲代王故舉兵擊滅之魏王始約服入秦已而與韓趙謀襲秦秦兵吏誅遂破之荆王獻青陽以西已而畔約擊我南郡故發兵誅得其王遂定其荆地燕王昏亂其太子丹乃陰令荆軻爲賊兵吏誅滅其國齊王用后勝計絕秦使欲爲亂兵吏誅虜其王平齊地寡人以眇眇之身興兵誅暴亂賴宗廟之靈六王咸伏

其辜天下大定今名號不更無以稱成功傳後世其議帝號丞相綰御史大夫劫廷尉斯等皆曰昔者五帝地方千里其外侯服夷服諸侯或朝或否天子不能制今陛下興義兵誅殘賊平定天下海內爲郡縣法令由一統自上古以來未嘗有五帝所不及臣等謹與博士議曰古有天皇有地皇有泰皇泰皇最貴臣等昧死上尊號王爲泰皇命爲制令爲詔天子自稱曰朕王曰去泰著皇采上古帝位號號曰皇帝他如議制曰可追尊莊襄王爲太上皇制曰聞太古有號毋謚中古有號死而以行爲謚如此則子議父臣議君也甚無謂朕弗取焉自今已來除謚法狀爲始皇帝後世以計數二世三世至于萬世傳之無窮始

皇推終始五德之傳

漢書齊人鄒子之徒論著終始五德之運

以爲周得火德秦代

周德從所不勝方今水德之始改年始朝賀皆自十月朔衣服旒旌節旗皆上黑數以六爲紀符法冠皆六寸而輿六尺六尺爲步乘六馬更名河曰德水以爲水德之始剛毅戾深事皆決于法刻削毋仁恩和義然後合五德之數于是急法久者不赦丞相綰等言諸侯初破燕齊荆地遠不爲置王毋以填之請立諸子唯上幸許始皇下其議于羣臣羣臣皆以爲便廷尉李斯議曰周文武所封子弟同姓甚衆然後屬疏遠相攻擊如仇讐諸侯更相誅伐周天子弗能禁止今海內賴陛下神靈一統皆爲郡縣諸子功臣以公賦稅重賞賜之甚足易制天下無異意

則安寧之術也置諸侯不便始皇曰天下共苦戰鬪不休以有
侯王賴宗廟天下初定又復立國是樹兵也而求其寧息豈不
難哉廷尉議是分天下以爲三十六郡郡置守尉監更名民曰
黔首大酺收天下兵聚之咸陽銷以爲鐘鐻金人十二重各千
石置廷宮中一法度衡石丈尺車同軌書同文字地東至海暨
朝鮮西至臨洮羗中南至北嚮戶北據河爲塞並陰山至遼東
徙天下豪富于咸陽十二萬戶諸廟及章臺上林皆在渭南秦
每破諸侯寫放其宮室作之咸陽北阪上南臨渭自雍門以東
至涇渭殿屋複道周閣相屬所得諸侯美人鐘鼓以充入之三
舊事始皇表河以爲秦東門表汧以爲秦西門表中
外殿觀百四十五後宮列女萬餘人氣上衝于天二十七年

始皇巡隴西北地出雞頭山過回中焉作信宮渭南已更命信
宮爲極廟象天極自極廟道通酈山作甘泉前殿築甬道自咸
陽屬之是歲賜爵一級治馳道二十八年始皇東行郡縣上鄒
嶧山立石與魯諸儒生議刻石頌秦德其辭曰皇帝立國維初
在昔嗣世稱王討伐亂逆威動四極武義直方戎臣奉詔經世
不久滅六暴強二十有六年上薦高號孝道顯明既獻泰成乃
降專惠親巡遠方登于嶧山羣臣從者咸思攸長追念亂世分
土建邦以開事理攻戰日作流血于野自泰古始世無萬數阨
及五帝莫能禁止廼今皇帝一家天下兵不復起災害滅除黔
首康定利澤長久羣臣誦畧刻此樂石以著經紀史錄諸銘獨
遺此篇其文

稍遜諸辭或子長故削議封禪望祭山川之事乃遂上泰山立
之或後贖作今補入紀

石封祠祀下風雨暴至休于樹下因封其樹為五大夫封禪書
即帝位

三年東巡郡縣于是徵從齊魯之儒生博士七十人至乎泰山
下諸儒生或議曰古者封禪為蒲車惡傷山之土石草木埽地
而祭席用菹稽言其易遵也始皇聞此議各乖異難施用由此
絀儒生而遂除車道上自泰山陽至巔立石頌秦始皇帝德明
其得封也從陰道下禪于梁父其禮頗采太祝之祀雍上帝所
用而封歲皆秘之世不得而記也始皇之上泰山中阪遇暴風
雨休于大樹下諸儒生既絀不得與用禪梁父刻所立石其辭
于封事之禮聞始皇遇風雨則譏之

曰皇帝臨位作制明法臣下修飭二十有六年初并天下罔不
賓服親巡遠方黎民登茲泰山周覽東極從臣思迹本原事業
祇誦功德治道運行諸產得宜皆有法式大義休明垂于後世
順承勿草皇帝躬聖既平天下不懈于治夙興夜寐建設長利

專隆教誨訓經宣達遠近畢理咸承聖志貴賤分明男女禮順

慎遵職事昭隔內外靡不清淨施于後嗣化及無窮遵奉遺詔

永承重戒于是乃竝勃海以東過黃膳窮成山登之罘立石頌

秦德焉而去南登琅邪大樂之留三月乃徙黔首三萬戶琅邪

臺下復十二歲作琅邪臺立石刻頌秦德明德意曰維二十六

年皇帝作始端平法度萬物之紀以明人事合同父子聖智仁

義顯白道理東撫東土以省卒士事已大畢乃臨于海皇帝之

功勤勞本事上農除末黔首是富普天之下搏心揖志器械一

量同書文字日月所照舟輿所載皆終其命莫不得意應時動

事是維皇帝匡飭異俗陵水經地憂恤黔首朝夕不懈除疑定

法咸知所辟方伯分職諸治經易舉錯必當莫不如畫皇帝之
明臨察四方尊卑貴賤不踰次行姦邪不容皆務貞良細大盡
力莫敢怠荒遠邇辟隱專務肅莊端直敦忠事業有常皇帝之
德存定四極誅亂除害興利致福節事以時諸產繁殖黔首安
寧不用兵革六親相保終無寇賊驩欣奉教盡如法式六合之
內皇帝之土西涉流沙南盡北戶東有東海北過大夏人迹所
至無不臣者功蓋五帝澤及牛馬莫不受德各安其宇維秦王
兼有天下立名爲皇帝乃撫東土至于琅邪列侯武城侯王離
列侯通武侯王賁倫侯建成侯趙亥倫侯昌武侯成倫侯武信
侯馮毋擇丞相隗林丞相王綰卿李斯卿王戊五大夫趙嬰五

大夫楊樛從與議于海上曰古之帝者地不過千里諸侯各守
其封域或朝或否相侵暴亂殘伐不止猶刻金石以自爲紀古
之五帝三王知教不同法度不明假威鬼神以欺遠方實不稱
名故不久長其身未歿諸侯倍叛法令不行今皇帝并一海內
以爲郡縣天下和平昭明宗廟體道行德尊號大成郡臣相與
誦皇帝功德刻于金石以爲表經既已齊人徐市等上書言海
中有三神山名曰蓬萊方丈瀛洲仙人居之請得齋戒與童男
女求之于是遣徐市發童男女數千人入海求仙人

封禪書宋
母忌正伯

僑充尚羨門子高最後皆燕人爲方僊道形解銷化依于鬼神
之事自齊威宣燕昭使人入海求蓬萊方丈瀛洲此三神山者
傳在渤海中去人不遠未至望之如雲及到三神山反居水下
臨之風輒引去終莫能至云及始皇至海上方士言之始皇使

童男女入海求之船交海中皆以風爲解金樓子始皇聞鬼谷先生言因遣徐福入海求金萊玉蔬并一寸椹十洲記拾遺記並荒誕

始皇還過彭城齋戒禱祠欲出周鼎泗水使千人沒水

求之弗得

水經注周顯王時九鼎淪沒泗淵始皇時而鼎見于

不得所謂鼎伏也亦曰系而行之未出乃西南渡淮水之衡山

南郡浮江至湘山祠逢大風幾不得渡上問博士曰湘君何神

博士對曰聞之堯女舜之妻而葬此于是始皇大怒使刑徒三

千人皆伐湘山樹赭其山上自南郡由武關歸二十九年始皇

東游至陽武博狼沙中爲盜所驚求弗得乃令天下大索十日

登之罘刻石其辭曰維二十九年時在中春陽和方起皇帝東

游巡登之罘臨照于海從臣嘉觀原念休烈追誦本始大聖作

治建定法度顯著綱紀外教諸侯光施文惠明以義理六國回

辟貪戾無厭虐殺不已皇帝哀衆遂發討師奮揚武德義誅信

行威輝旁達莫不賓服烹滅彊暴振救黔首周定四極普施明

法經緯天下永爲儀則大矣哉宇縣之中承順聖意羣臣誦功

請刻于石表垂于常式其東觀曰維二十九年皇帝春游覽省

遠方逮于海隅遂登之罘昭臨朝陽觀望廣麗從臣咸念原道

至明聖法初興清理疆內外誅暴彊武威旁暢振動四極禽滅

六王闡并天下蓄害絕息永偃戎兵皇帝明德經理宇內視聽

不怠作立大義昭設備噐咸有章旗職臣遵分各知所行事無

嫌疑黔首改化遠邇同度臨古絕尤常職既定後嗣循業長承

聖治羣臣嘉德祇誦聖烈請刻之罽旋遂之琅邪道上黨入三

十年無事三十一年十二月更名臘曰嘉平

茅盈內紀始皇三十一年九月庚子

盈曾祖父蒙于華山乘雲駕龍白日升天先是其邑謠歌曰神仙得者茅初成駕龍上升入泰清時下玄洲戲赤城繼世而往在我盈帝若學之臘嘉平始皇聞謠歌欣然有尋仙之志因改臘曰嘉平賜黔首里六石米二羊始

皇為微行咸陽與武士四人俱夜出逢盜蘭池見窘武士擊殺

盜關中大索二十日米石千六百三十二年始皇之碣石使燕

人盧生求羨門高誓刻碣石門壞城郭決通隄防其辭曰遂興

師旅誅戮無道為逆滅息武殄暴逆文復無罪庶心咸服惠論

功勞賞及牛馬恩肥土域皇帝奮威德并諸侯初一泰平墮壞

城郭決通川防夷去險阻地勢既定黎庶無繇天下咸撫男樂

其疇女修其業事各有序惠被諸產久竝來田莫不安所羣臣

誦烈請刻此石垂著儀矩因使韓終侯公石生求仙人不死之

藥始皇巡北邊從上郡入燕人盧生使入海還以鬼神事因奏

錄圖書曰亡秦者胡也始皇乃使將軍蒙恬發兵三十萬人北

擊胡畧取河南地三十三年發諸嘗逋亡人贅婿賈人略取陸

梁地為桂林象郡南海以適遣戍西北斥逐匈奴自榆中竝河

以東屬之陰山以為三十四縣城河上為塞又使蒙恬渡河取

高闕陶山北假中築亭障以逐戎人徙謫實之初縣禁不得祠

明星出西方三十四年適治獄吏不直者築長城及南越地神搜

記秦時築城于武周塞內以備胡城將成而崩者數焉有馬馳走周旋反覆父老異之因依馬跡以築城城乃不崩遂名馬邑

水經注秦築長城死者相屬民歌曰生男慎勿舉生女哺用脯
 不見長城下尸骸相支柱淮南子秦皇挾錄圖見其傳曰亡秦
 者胡也因發卒五十萬使蒙公揚武子將築修城西屬流沙北
 擊遼水東結朝鮮中國內郡輓車餉之又利越之犀角象齒翡翠
 珠璣乃使尉屠睢發卒五十萬為五軍一軍塞鐔城之嶺一
 軍守九嶷之塞一軍處番禺之都一軍守南野之界一軍結餘
 干之水三年不解甲弛弩使監祿無以轉餉又以卒鑿渠而通
 糧道以與越人戰殺西嘔君譯吁宋而越人皆入叢薄中與禽
 獸處莫肯為秦虜相置桀駿以為將而夜攻秦人大始皇置酒
 破之殺尉屠睢伏尸流血數十萬乃發適戍以備之

咸陽宮博士七十人前為壽僕射周青臣進頌曰他時秦地不
 過千里賴陛下神靈明聖平定海內放逐蠻夷日月所照莫不
 賓服以諸侯為郡縣人人自安樂無戰爭之患傳之萬世自上
 古不及陛下威德始皇悅博士齊人淳于越進曰臣聞殷周之
 王千餘歲封子弟功臣自為枝輔今陛下有海內而子弟為匹

夫卒有田常六卿之臣無輔拂何以相救哉事不師古而能長
 久者非所聞也今青臣又面諛以重陛下之過非忠臣始皇下
 其議丞相李斯曰五帝不相復三代不相襲各以治非其相反
 時變異也今陛下創大業建萬世之功固非愚儒所知且越言
 乃三代之事何足法也異時諸侯並爭厚招游學今天下已定
 法令出一百姓當家則力農工士則學習法令辟禁今諸生不
 師今而學古以非當世惑亂黔首丞相臣斯昧死言古者天下
 散亂莫之能一是以諸侯並作語皆道古以害今飾虛言以亂
 實人善其所私學以非上之所建立今皇帝并有天下別黑白
 而定一尊私學廼相與非法教人聞令下則各以其學議之入

則心非出則巷議夸主以為名異取以為高率羣下以造謗如
此弗禁則主勢降乎上黨與成乎下禁之便臣請史官非秦記
皆燒之非博士官所職天下敢有藏詩書百家語者悉詣守尉
雜燒之有敢偶語詩書棄市以古非今者族吏知見不舉者與
同罪令下三十日不燒黔為城旦所不去者醫藥卜筮種樹之
書若欲有學法令以吏為師制曰可三十五年除道道九原抵
雲陽塹山堙谷直通之于是始皇以為咸陽人多先王之宮廷
小吾聞周文王都豐武王都鎬豐鎬之間帝王之都也乃營作
朝宮渭南上林苑中先作前殿阿房東西五百步南北五十丈
上可以坐萬人下可以建五丈旗

三輔舊事阿房宮以磁石為門鑄銅人十二于宮前周

馳為閣道自殿下直抵南山表南山之顛以為闕為復道自阿
房渡渭屬之咸陽以象天極閣道絕漢抵營室也阿房宮未成
成欲更擇令名名之作宮阿房故天下謂之阿房宮隱宮徒刑
者七十餘萬人乃分作阿房宮或作麗山發北山石椁乃寫蜀
荆地材皆至關中計宮三百關外四百餘于是立石東海上胸
界中以為秦東門因徙三萬家麗邑五萬家雲陽皆復不事十

歲

新書始皇作臺榭宮室則天下豪富制屋宅者莫不做之設

房闔備廡庫繕雕琢刻畫之好博玄黃琦璋之色三輔黃圖

始皇築咸陽宮因北陵營殿端門四達以制紫宮象帝居引渭

水灌都以象天漢橫橋南渡以法牽牛橋廣六尺南北二百八

十步六十八間八百五十柱二百一十二樑橋之南北隄繳立
石柱咸陽北至九巘甘泉南至鄠杜東至河西至汧渭之交東
西八百里南北四百里離宮別館相望聯屬木衣綈繡土被朱
紫宮人不移樂不改懸窮年忘歸猶不能徧拾遺記始皇起雲

尚史

秦本紀附

上

明臺窮珍木搜巧工騰虛緣木揮斤空中子時起工午時已畢秦人謂之子午臺亦言于子午之地各起一臺盧生說始皇曰臣等求芝竒藥仙者常弗遇類物有害之者方中人主時爲微行以辟惡鬼惡鬼辟真人至人主所居而人臣知之則害于神真人者入水不濡入火不焚陵雲氣與天地久長今上治天下未能恬淡願上所居宮毋令人知然後不死之藥殆可得也于是始皇曰吾慕真人自謂真人不稱朕乃令咸陽之旁二百里內宮觀二百七十復道甬道相連帷帳鐘鼓美人充之各案署不移徙行所幸有言其處者罪死始皇帝幸梁山宮從山上見丞相車騎衆弗善也中人或告丞相丞相後損車騎始皇怒曰此中人泄吾語案問莫服當是時詔捕諸時在旁者皆

殺之自是後莫知行之所在聽事羣臣受決事悉于咸陽宮侯生盧生相與謀曰始皇爲人天性剛戾自用起諸侯并天下意得欲從以爲自古莫及已專任獄吏獄吏得親幸博士雖七十人特備員弗用丞相諸大臣皆受成事倚辦于上上樂以刑殺爲威天下畏罪持祿莫敢盡忠上不聞過而日驕下懾伏謾欺以取容秦法不得兼方不驗輒死然候星氣者至三百人皆良士畏忌諱諛不敢端言其過天下之事無小大皆決于上上至以衡石量書日夜有呈不中呈不得休息貪于權勢至如此未可爲求仙藥于是乃亡去始皇聞亡乃大怒曰吾前收天下書不中用者盡去之悉召文學方術士甚衆欲以興太平方士欲

練以求奇藥今聞韓衆去不報徐市等費以巨萬計終不得藥
徒姦利相告日聞盧生等吾尊賜之甚厚今乃誹謗我以重吾
不德也諸生在咸陽者吾使人廉問或爲詆言以亂黔首于是
使御史悉案問諸生諸生傳相引告乃自除犯禁者四百六十
餘人皆阬之咸陽使天下知之以懲後益發謫徙邊始皇長子
扶蘇諫始皇怒使扶蘇北監蒙恬于上郡三十六年熒惑守心
有墜星下東郡至地爲石黔首或刻其石曰始皇帝死而地分
始皇聞之遣御史逐問莫服盡取石旁居人誅之因燔銷其石
始皇不樂使博士爲仙真人詩及行所游天下傳令樂人誦弦
之秋使者從關東夜過華陰平舒道有人持璧遮使者曰爲吾

遺瀉池君因言曰今年祖龍死使者問其故因忽不見置其璧
去使者奉璧具以聞始皇默然良久曰山鬼固不過知一歲事
也退言曰祖龍者人之先也使御府視璧乃二十八年行渡江
所沈璧也于是始皇卜之卦得游徙吉遷北河榆中三萬家拜
爵一級三十七年十月癸丑始皇出游左丞相斯從右丞相去
疾守少子胡亥愛慕請從上許之十一月行至雲夢望祀虞舜
于九疑山浮江下觀籍柯渡海渚過丹陽至錢塘臨浙江水波
惡乃西百二十里從狹中渡上會稽祭大禹望于南海而立石
刻頌秦德其文曰皇帝休烈平一宇內德惠修長三十有七年
親巡天下周覽遠方遂登會稽宣省習俗黔首齋莊羣臣頌功

本原事迹追首高明秦聖臨國始定刑名顯陳舊章初平法式
審別職任以立恒常六王專倍貪戾傲猛率衆自彊暴虐恣行
負力而驕數動甲兵陰通間使以事合從行爲辟方內飾詐謀
外來侵邊遂起禍殃義威誅之殄熄暴悖亂賊滅亡聖德廣密
六合之中被澤無疆皇帝并宇兼聽萬事遠近畢清運理羣物
孝驗事實各載其名貴賤竝通善否陳前靡有隱情飾省宣義
有子而嫁倍死不貞防隔內外禁止淫泆男女絜誠夫爲寄貶
殺之無罪男秉義程妻爲逃嫁子不得母咸化廉清大治濯俗
天下承風蒙被休經皆遵度軌和安敦勉莫不順令黔首修潔
人樂同則嘉保太平後敬奉法常治無極輿舟不傾從臣頌烈

請刻此石光垂休銘

茅盈內紀始皇游會稽還于句曲良常山北埋白壁一雙深七尺李斯刻篆壁文云

始皇聖德平章山河巡狩蒼川勒名素壁

還過吳從江乘渡並海上北至琅邪方士

徐市等入海求神藥數歲不得費多恐譴乃詐曰蓬萊藥可得
然常爲大鯨魚所苦故不得至願請善射與俱見則以連弩射
之始皇夢與海神戰如人狀問占夢博士曰水神不可見以大
魚蛟龍爲候今上禱祠備謹而有此惡神當除去而善神可致
乃令入海者齋捕巨魚具而自以連弩候大魚出射之自琅邪
北至榮成山弗見至之衆見巨魚射殺一魚遂並海西至平原
津而病始皇惡言死羣臣莫敢言死事上病益甚乃爲璽書賜
公子扶蘇曰與喪會咸陽而葬書已封在中車府令趙高行符

璽事所未授使者七月丙寅始皇崩于沙邱平臺

論衡孔子遺識曰不知何

一男子自謂秦始皇上我之堂踞我之牀顛倒我衣裳至沙邱而亡後始皇至魯觀孔子宅至沙邱而崩。誣聖殊甚始皇亦未嘗

至魯丞相斯為上崩在外恐諸公子及天下有變乃秘之不發

喪棺載輜涼車中故幸宦者驂乘所至上食百官奏事如故宦

者輒從輜涼車中可其奏事獨子胡亥趙高及所幸宦者五六

人知上死趙高故嘗教胡亥書及獄律令法事胡亥私幸之高

乃與公子胡亥丞相斯陰謀破去始皇所封書賜公子扶蘇者

而更詐為丞相斯受始皇遺詔沙邱立子胡亥為太子更為書

賜公子扶蘇蒙恬數以罪其賜死

詳李斯傳

行遂從井陘抵九原會

暑上輜車臭乃詔從官令車載一石鮑魚以亂其臭行從直道

至咸陽發喪太子胡亥襲位為二世皇帝九月葬始皇酈山始

皇初即位穿治酈山及并天下天下徒送詣七十餘萬人穿三

泉下銅而致椁宮觀百官奇噐珍怪徙臧滿之令匠作機弩矢

有所穿近者輒射之以水銀為百川江河大海機相灌輸上具

天文下具地理以人魚膏為燭度不滅者久之二世曰先帝後

宮非有子者出焉不宜皆令從死死死者甚眾葬既已下或言工

匠為機藏皆知之藏重即泄大事畢已藏閉中羨下外羨門盡

閉工匠藏者無復出者樹艸木以象山

史三秦記驪山陵周迴記跨陰盤縣界水背陵

障使東西流運大石于渭北渚民怨之作甘泉之歌曰運石甘

泉口渭水不敢流千人唱萬人謳金陵餘石大如壻關中記始

皇陵在驪山泉本北流障使東西流有土無石取大石于渭北

諸山水經注始皇厚葬建壙于麗山之戎一名藍田其陰多金

其陽多玉蔡質漢儀李斯治驪山陵上書云臣所將隸徒七十萬人治驪山者已深已極鑿之不入燒之不難扣之空空如下天狀帝報之曰鑿之不入燒之不然其旁行三百丈乃止皇覽墳高五十餘丈周廻五里餘

二世皇帝元年年二十一趙高為郎中令任用事二世下詔增始皇寢廟犧牲及山川百祀之禮令羣臣議尊始皇廟羣臣皆頓首言曰古者天子七廟諸侯五大夫三雖萬世世不軼毀今始皇為極廟四海之內皆獻貢職增犧牲禮咸備毋以加先王廟或在西雍或在咸陽天子儀當獨奉酌祠始皇廟自襄公已下軼毀所置凡七廟羣臣以禮進祠以尊始皇廟為帝者祖廟皇帝復自稱朕新書胡亥之為公子詔置酒饗羣臣召諸子賜食先罷胡亥下陛視羣臣陳杖履善者因行殘敗而去諸侯聞之莫不大息及二世即位皆知天下必棄之二世與趙高謀曰朕年少初即位黔首未集附先帝巡行郡縣以示彊威服海內今晏然不巡行即見弱毋以臣畜天下春二世東行郡縣李斯從到碣石並海內南至會稽而盡刻始皇所立刻石石旁著大臣從者名以章先帝成功盛德焉皇帝曰金石刻盡始皇帝所為也今襲號而金石刻辭不稱始皇帝其于久遠也如後嗣為之者不稱成功盛德丞相臣斯臣去疾御史大夫臣德昧死言臣請具刻詔書刻石因明白矣臣昧死請制曰可遂至遼東而還于是二世乃遵用趙高申法令乃陰與趙高謀曰大臣不服官吏尚彊及諸公子必與我爭為之奈何高曰臣固願言而未敢也先帝之大臣皆天下累世名貴人也積功勞世以相傳久矣今高素小

位黔首未集附先帝巡行郡縣以示彊威服海內今晏然不巡行即見弱毋以臣畜天下春二世東行郡縣李斯從到碣石並海內南至會稽而盡刻始皇所立刻石石旁著大臣從者名以章先帝成功盛德焉皇帝曰金石刻盡始皇帝所為也今襲號而金石刻辭不稱始皇帝其于久遠也如後嗣為之者不稱成功盛德丞相臣斯臣去疾御史大夫臣德昧死言臣請具刻詔書刻石因明白矣臣昧死請制曰可遂至遼東而還于是二世乃遵用趙高申法令乃陰與趙高謀曰大臣不服官吏尚彊及諸公子必與我爭為之奈何高曰臣固願言而未敢也先帝之大臣皆天下累世名貴人也積功勞世以相傳久矣今高素小

賤陛下幸稱舉令在上位管中事大臣鞅鞅特以貌從臣其心實不服今上出不因此時案郡縣守尉有罪者誅之上以振威天下下以除去上平生所不可者今時不師文而決于武力願陛下遂從時無疑即羣臣不及謀明主收舉餘民賤者貴之貧者富之遠者近之則上下集而國安矣二世曰善乃行誅大臣及諸公子以罪過連逮少近官三郎無得立者而六公子戮死于杜公子將閭昆弟三人皆自殺宗室振恐羣臣諫者以爲誹謗大吏持祿取容黔首振恐四月二世還至咸陽曰先帝爲咸陽陽朝廷小故營阿房宮爲室堂未就會上崩罷其作者復土鄜山酈山事大畢今釋阿房宮弗就則是章先帝舉事過也復作

阿房宮外撫四夷如始皇計盡徵其材士五萬人爲屯衛咸陽令教射狗馬禽獸當食者多度不足下調郡縣轉菽粟芻菜皆令自齎糧食咸陽三百里內不得食其穀用法益刻深七月戌卒陳勝等反故荆地爲張楚勝自立爲楚王居陳遣諸將徇地山東郡縣少年苦秦吏皆殺其守尉令丞反以應陳涉相立爲侯王合從西鄉名爲伐秦不可勝數也謁者使東方來以反者聞二世二世怒下吏後使者至上問對曰羣盜郡守尉方逐捕今盡得不足憂上悅武臣自立爲趙王魏咎爲魏王田儼爲齊王沛公起沛項梁舉兵會稽郡二年冬陳涉所遣周章等將西至戲兵數十萬二世大驚與羣臣謀曰奈何少府章邯曰盜已

尚史 秦本紀附
至衆彊今發近縣不及矣酈山徒多請赦之授兵以擊之二世
乃大赦天下使章邯將擊破周章軍而走遂殺章曹陽二世益
遣長史司馬欣董翳佐章邯擊盜殺陳勝城父破項梁定陶滅
魏咎臨濟楚地盜名將以死章邯乃北渡河擊趙王歇等于鉅
鹿趙高說二世曰先帝臨制天下久故羣臣不敢爲非進邪說
今陛下富于春秋初即位奈何與公卿廷決事事即有誤示羣
臣短也天子稱朕固不聞聲于是二世常居禁中與高決諸事
其後公卿希得朝見盜賊益多而關中卒發東擊盜者毋已右
丞相去疾左丞相斯將軍馮劫進諫曰關中羣盜竝起秦發兵
誅擊所殺亡甚衆然猶不止盜多皆以戍漕轉作事苦賦稅大

也請且止阿房宮作者減省四邊戍轉二世曰吾聞之韓子曰
堯舜采椽不刮茅茨不翦飯土墼啜土形雖監門之養不蔽于
此禹作龍門通大夏決河亭水放之海身自持築甬脰毋毛臣
虜之勞不烈于此矣凡所爲貴有天下者得肆意極欲主重明
法下不敢爲非以制御海內矣夫虞夏之主貴爲天子親處窮
苦之實以徇百姓尚何干法朕尊萬乘母其實吾欲造千乘之
駕萬乘之屬充我號名且先帝起諸侯兼天下天下已定外攘
四夷以安邊境作宮室以章得意而君觀先帝功業有緒今朕
即位二年之間羣盜並起君不能禁又欲罷先帝之所爲是上
毋以報先帝次不爲朕盡忠力何以在位下去疾斯劫吏案責

他罪去疾刼曰將相不辱自殺斯卒囚就五刑三年章邯等將其卒圍鉅鹿楚上將軍項羽將楚卒往救鉅鹿冬趙高爲丞相竟案李斯殺之夏章邯等戰數却二世使人讓邯邯恐使長史欣請事趙高弗見又弗信欣恐亡去高使人捕追不及欣見邯曰趙高用事于中將軍有功亦誅無功亦誅項羽急擊秦軍虜王離邯等遂以兵降諸侯八月己亥趙高欲爲亂恐羣臣不聽乃先設驗持鹿獻于二世曰馬也二世笑曰丞相誤邪謂鹿爲馬問左右左右或默或言馬以阿順趙高或言鹿者高因陰中諸言鹿者以法後羣臣皆畏高高前數言關東盜毋能爲也及項羽虜秦將王離等鉅鹿下而前章邯等軍數却上書請益助

燕趙齊楚韓魏皆立爲王自關以東大氏盡畔秦吏應諸侯諸侯咸率其衆西鄉沛公將數萬人已屠武關使人私于高高恐二世怒誅及其身乃謝病不朝見二世夢白虎齧其左驂馬殺之心不樂怪問占夢卜曰涇水爲祟二世乃齋于望夷宮欲祠涇沈四白馬使使責讓高以盜賊事高懼乃陰與其壻咸陽令閻樂其弟趙成謀曰上不聽諫今事急欲歸禍于吾宗吾欲易置上更立公子嬰子嬰仁儉百姓皆載其言使郎中令爲內應詐爲有大賊令樂召吏發卒追刼樂毋置高舍遣樂將吏卒千餘人至望夷宮殿門縛衛令僕射曰賊入此何不止衛令曰周廬設卒甚謹安得賊敢入宮樂遂斬衛令直將吏入行射郎宦

者大驚或走或格格者輒死死者數十人郎中令與樂俱入射
上幄坐幃二世怒召左右左右皆惶擾不鬪旁有宦者一人侍
不敢去二世入內謂曰公何不蚤告我乃至于此宦者曰臣不
敢言故得全使臣蚤言皆已誅安得至今閻樂前即二世數曰
足下驕恣誅殺無道天下共畔足下足下其自爲計二世曰丞
相可得見否樂曰不可二世曰吾願得一郡爲王弗許又曰願
爲萬戶侯弗許曰願與妻子爲黔首比諸公子閻樂曰臣受命
于丞相爲天下誅足下足下雖多言臣不敢報毫其只進二世
自殺閻樂歸報趙高趙高乃悉召諸大臣公子告以誅二世之
狀曰秦故王國始皇君天下故稱帝今六國復自立秦也益小

乃以空名爲帝不可宜爲王如故便立二世之兄子公子嬰爲
秦王以黔首葬二世杜南宜春苑中令子嬰齋當廟見受玉璽
齋五日子嬰與其子二人謀曰丞相高殺二世望夷宮恐羣臣
誅之乃詳以義立我我聞趙高乃與楚約滅秦宗室而王關中
今使我齋見廟此欲因廟中殺我我稱病不行丞相必自來來
則殺之高使人請子嬰數輩子嬰不行高果自往曰宗廟重事
王奈何不行子嬰遂刺殺高于齋宮三族高家以徇咸陽子嬰
爲秦王四十六日楚將沛公破秦軍入武關遂至霸上使人約
降子嬰子嬰即係頸以組白馬素車奉天子璽符降軹道旁沛
公遂入咸陽封宮室府庫還軍霸上居月餘諸侯兵至項籍爲

從長殺子嬰及秦諸公子宗族遂屠咸陽燒其宮室虜其子女
收其珍寶貨財諸侯共分之秦竟滅矣

史記

贊曰秦德金虎負踞西鄉其帝天下也霆擊電爍沴氣旁行要
非四時之正矣而學者繫之大統上承有周不亦惑乎若乃兼
天下逮二世裁十有七年其毀井田廢封建墮典滅籍私噐大
物決三代之防使不可卒復者秦罪至深世乃以法制矩彘訓
謬矣

齊王田子嬰與其子三人將曰丞相高與楚陰滅秦宗室而王關中
秦王如無首級之無益而宜秦宗室之宗室也
已以秦宗室之宗室也

